



www.qbz.gov.al

FLETORJA ZYRTARE E REPUBLIKËS SË SHQIPËRISË

Botim i Qendrës së Botimeve Zyrtare

Viti: 2021 – Numri: 127

Tiranë – E martë, 10 gusht 2021

PËRMBAJTJA

	Faqe
Vendim i Këshillit të Ministrave nr. 466, datë 30.7.2021	Për miratimin e Strategjisë së Zhvillimit të Biznesit dhe Investimeve, 2021–2027, dhe të planit të saj të veprimit..... 13283
Urdhër i ministrit të Bujqësisë dhe Zhvillimit Rural nr. 329, datë 3.8.2021	Mbi një ndryshim në urdhrin nr. 438, datë 7.10.2008, “Për miratimin e rregullores ‘Mbi kushtet e shëndetit publik dhe shëndetit të kafshëve, të certifikatave të qumështit lëndë e parë dhe të produkteve me bazë qumështi për konsum human’”..... 13348
Vendim qarkullues i Agjencisë së Sigurimit të Depozitave nr. 25, datë 5.8.2021	Për anëtarësimin e shoqërisë së kursim-kreditit “Rrushkull One” në skemën e sigurimit të depozitave dhe dhënien e certifikatës për sigurimin e depozitave..... 13350
Vendim i Entit Rregullator të Energjisë nr. 152, datë 30.6.2021	Mbi disa ndryshime në vendimin e Bordit të ERE-s nr. 179, datë 8.11.2017, “Mbi certifikimin e shoqërisë ‘Operatori i kombinuar i gazit natyror’ Albغاز sh.a.”, të ndryshuar..... 13350
Vendim i Entit Rregullator të Energjisë nr. 153, datë 30.6.2021	Mbi një ndryshim në vendimin e Bordit të ERE-s nr. 187, datë 10.11.2017, “Për licencimin e shoqërisë Albغاز sh.a. në aktivitetin e shpërndarjes së gazit natyror”, të ndryshuar, dhe në vendimin e Bordit të ERE-s nr. 188, datë 10.11.2017, “Për licencimin e shoqërisë Albغاز sh.a. në aktivitetin e transmetimit të gazit natyror”, të ndryshuar..... 13352
Vendim i Entit Rregullator të Energjisë nr. 154, datë 30.6.2021	Mbi modifikimin e licencës nr. 436, seria TGN19, për aktivitetin e transmetimit të gazit natyror, dhënë Trans Adriatic Pipeline AG Albania, me vendimin e Bordit të ERE-s nr. 15, datë 31.1.2019..... 13353
Vendim i Entit Rregullator të Energjisë nr. 155, datë 30.6.2021	Mbi shqyrtimin e kërkesës së shoqërisë OST sh.a. për zgjatjen e periudhës kohore, të parashikuar në pikën 3, të vendimit nr. 89, datë 31.3.2021..... 13355
Vendim i Entit Rregullator të Energjisë nr. 156, datë 30.6.2021	Mbi shqyrtimin e kërkesës së FTL sh.a. për shtyrjen e hyrjes në fuqi të vendimit të Bordit të ERE-s nr. 202, datë 2.12.2020, për miratimin e “Rregullores për procedurat e shitjes së tepçicave të energjisë elektrike në tregun e parregulluar për shoqërinë publike të furnizimit”..... 13357
Vendim i Entit Rregullator të Energjisë nr. 157, datë 30.6.2021	Mbi rishikimin e Programit të Transparencës dhe Regjistrimit të Kërkesave dhe Përgjigjeve të ERE-s..... 13358



VENDIM
Nr. 466, datë 30.7.2021

**PËR MIRATIMIN E STRATEGJISË SË
ZHVILLIMIT TË BIZNESIT DHE
INVESTIMEVE, 2021–2027, DHE TË
PLANIT TË SAJ TË VEPRIMIT**

Në mbështetje të nenit 100 të Kushtetutës, me propozimin e ministrit të Financave dhe Ekonomisë, Këshilli i Ministrave

VENDOSI:

1. Miratimin e Strategjisë së Zhvillimit të Bizneseve dhe Investimeve, 2021–2027, dhe të planit të saj të veprimit, sipas tekstit që i bashkëlidhet këtij vendimi dhe është pjesë përbërëse e tij.

2. Ngritjen e grupit ndërinstitucional për monitorimin e Strategjisë, nën drejtimin e ministrisë përgjegjëse për ekonominë. Funksionet, përbërja dhe detyrat e këtij grupi caktohen me urdhër të Kryeministrit.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR
Erion Braçe

**STRATEGJIA E ZHVILLIMIT TË BIZNESIT
DHE INVESTIMEVE, 2021–2027**
Tiranë, maj 2021

Përmbajtja
Shkurtime

I. PJESA I. KONTEKSTI STRATEGJIK

1. Hyrja dhe qëllimi i dokumentit strategjik
 2. Kuadri ligjor dhe institucional në fuqi dhe lidhja me dokumentet strategjike
 3. Arritjet, analiza dhe sfidat
- Situata e përgjithshme ekonomike
Struktura e ndërmarrjeve dhe sektorëve
Klima e të bërit biznesit dhe mbështetja për

NVM-të

Tregu i punës dhe punësimi
Arsimi, formimi dhe aftësitë
Veprimtaria e *startup*-eve dhe inovacionit
Tregtia
Investimet e huaja direkte (IHD)

**II. PJESA II. QËLLIMI I POLITIKAVE,
OBJEKTIVAT SPECIFIKË DHE MASAT
PRIORITARE TË ZBATIMIT TË STRATE-
GJISË**

Politika I

**III. PJESA III. ZBATIMI, PËRGJEGJËSIA E
INSTITUCIONEVE, LLOGARIDHËNIA, RA-
PORTIMI DHE MONITORIMI**

IV. PJESA IV. ANALIZA BUXHETORE.

1.1 Analiza e buxhetit për zbatimin e SZHBI-së,
2021–2027

**ANEKSI 1: FORMATI I PLANIT TË
VEPRIMIT I PËRMBLEDHUR**

Shkurtime

SZHBI	Strategjia e Zhvillimit të Biznesit dhe Investimeve
NVM	Ndërmarrje të vogla dhe të mesme
IHD	Investime të huaja direkte
ERP	Programi i reformave ekonomike
AIDA	Agjencia Shqiptare e Zhvillimit të Investimeve
AKPA	Agjencia Kombëtare për Punësim dhe Aftësim
AKKSH	Agjencia Kombëtare e Kërkimit Shkencor e Inovacionit
AKSHI	Agjencia Kombëtare e Shoqërisë së Informacionit
GNP	Grupi ndërinstitucional i punës
MASR	Ministria e Arsimit, Sportit dhe Rinisë
MEPJ	Ministria për Evropën dhe Punët e Jashtme
MB	Ministria e Brendshme
MD	Ministria e Drejtësisë
MFE	Ministria e Financave dhe Ekonomisë
MSHMS	Ministria e Shëndetësisë dhe Mbrojtjes Sociale
MIE	Ministria e Infrastrukturës dhe Energjisë
MTM	Ministria e Turizmit dhe Mjedisit
NJVV	Njësi e vetëqeverisjes vendore
OJF	Organizatë jofitimprurëse
QFP	Qendra e Formimit Profesional
RSH	Republika e Shqipërisë
VKM	Vendim i Këshillit të Ministrave
TKP	Treguesit kryesorë të performancës
BDHTI	Bashkimi i Dhomave të Tregtisë dhe Industrisë



Përmbajtja e tabelave dhe e grafikëve

TABELA

Tabela 1. Rritja e PBB-së reale (ndryshimi vjetor në %)

Tabela 2. Treguesit sipas grupit të madhësisë së ndërmarrjeve 2018

Tabela 3. Vlera e shtuar sipas aktivitetit ekonomik 2018

Tabela 4. Pikët dhe renditja në raportin lehtësia e të bërit biznes

Tabela 5. Shërbimet e mbështetjes së biznesit për NVM-të (vlerësimi i Indeksit të Politikave për NVM-të 2019)

Tabela 6. Produktiviteti si PBB për person të punësuar në vitin 2017, PPP konstante në \$. Vlera e shtuar sipas aktivitetit ekonomik 2018

Tabela 7. Aftësitë sipërmarrëse (Rezultati i Indeksit të Politikave për NVM-të 2019)

Tabela 8. Pjesë nga Indeksi i Konkurrueshmërisë Globale 2019 - Shqipëria Aftësitë sipërmarrëse (rezultati i indeksit të politikave për NVM-të 2019)

Tabela 9. Eksportet sipas produkteve 2020

Tabela 10. IHD sipas vendit të origjinës (tremujori i tretë)

Tabela 11. Masat në fushën e ndërhyrjes “Tërheqja e investimeve dhe ndërkombëtarizimi”

Tabela 12. Masat në fushën e ndërhyrjes “Zhvillimi i NVM-ve, sipërmarrja dhe inovacioni”

Tabela 13. Masat në fushën e ndërhyrjes “Zhvillimi i kapitalit njerëzor”

Tabela 14. Analiza e fuqive, dobësive, mundësive dhe kërcënimeve kyçe

GRAFIKË

Grafiku 1. Pengesat në mjedisin e biznesit (10 më të rëndësishmet)

Grafiku 2. Shkalla e papunësisë (%)

Grafiku 3. Përqindja (%) e punësimeve në profesione që kërkojnë njohuri të thelluara 2018

Grafiku 4. Eksportet e mallrave dhe të shërbimeve

Grafiku 5. Fluksi i IHD-ve (milione euro)

I. PJESA I: KONTEKSTI STRATEGJIK

1. Hyrja dhe qëllimi i dokumentit strategjik

Bazuar në një qasje koherente dhe të zbatueshme, Strategjia e Zhvillimit të Biznesit dhe Investimeve (SZHBI) përbën orientimin kryesor të Qeverisë Shqiptare për zhvillimin ekonomik

afatmesëm, duke u fokusuar kryesisht në zhvillimin e ndërmarrjeve mikro, të vogla dhe të mesme, si edhe investimet. Ministria e Financave dhe Ekonomisë – me mbështetjen e GIZ Deutsche Gesellschaft für Internationale Zusammenarbeit – ka hartuar një Strategji të re dhe Planin e Veprimit për periudhën 2021–2027, e cila reflekton rekomandimet e Komisionit Evropian në Raportin për Shqipërinë për vitin 2020¹.

Procesi i hartimit të kësaj Strategjie është udhëhequr nga parimet si vijojnë:

- **Bashkëpunimi** – duke përfshirë konsultime të vazhdueshme me palët e interesit;

- **Strategji e bazuar në analizë** – përmes vlerësimit të plotë dhe në përshtatje, sipas nevojave specifike në faza të ndryshme;

- **Vlerësim i përvojës ndërkombëtare** – duke marrë në konsideratë dhe duke integruar praktikën e mirë;

- **Qasje specifike sipas kontekstit** – duke përshtatur strategjinë dhe veprimet me kontekstin specifik të vendit dhe veprimtaritë ekzistuese;

- **Qasje koherente** – duke siguruar një ndërveprim efektiv ndërmjet strategjive, fushave të ndërhyrjes dhe veprimeve të ndryshme;

- **Qasje e zbatueshme** – me fokus mbi masat efektive dhe realiste, duke marrë në konsideratë burimet dhe kapacitetet e disponueshme.

Kjo strategji është përgatitur bazuar në konsultime intensive me palët e interesit dhe ekspertët kryesorë. Tetë takimet me grupet e ekspertëve në periudhën ndërmjet shtatorit dhe nëntorit 2020 krijuan elementin bazë të këtij procesi. Gjithashtu, u zhvilluan më shumë se 25 intervista dhe tryeza të rrumbullakëta me përfaqësues të Grupit Ndërinstitucional të Punës, ministrive, agjencive, akademisë, sektorit privat, partnerët ndërkombëtarë dhe aktorë të tjerë. Përpara ndërprerjes së procesit, si pasojë e mbylljes, shkaktuar nga pandemia COVID-19, *workshop*-i për hartimin e strategjisë i zhvilluar në shkurt 2020, shërbeu për të qartësuar rolin, qëllimin dhe fokusin e SZHBI-së së re, si dhe për të identifikuar objektivat dhe fushat e ndërhyrjes.

Bazuar në konsultimet e mëtejshme me institucionet e përfshira në zbatim, strategjia e re dhe plani përkatës i veprimit janë hartuar në fillim

¹ https://ec.europa.eu/neighbourhood-enlargement/sites/default/files/albania_report_2020.pdf



të vitit 2021. Me qëllim zbatimin efektiv të saj, fokusi kryesor ka qenë përcaktimi i përgjegjësi, TKP-ve dhe burimeve të nevojshme.

SZHBI 2021–2027 është në linjë me strategjitë dhe programet gjithëpërfshirëse në nivel kombëtar, të tilla si Strategjinë Kombëtare për Zhvillim dhe Integrim II 2015–2020², Planin Kombëtar për Integrimin Evropian (PKIE), Programin e Reformës Ekonomike (ERP)³, si dhe në nivel ndërkombëtar si Planin e Veprimit për Tregun e Përbashkët 2021–2024 (CRM)⁴ për Ballkanin Perëndimor dhe Strategjia e re e BE-së për NVM-të⁵. Kuadri strategjik dhe plani i veprimit i SZHBI-së së re është hartuar me qëllim për të zhvilluar dhe plotësuar masat dhe iniciativat për zbatimin e këtyre strategjive dhe programeve.

Duke marrë parasysh rezultatet e diagnostikimit fillestar, si dhe diskutimet në grupet e punës me ekspertët, *workshop*-in për hartimin e strategjisë dhe intervistat me ekspertët, SZHBI-ja e re është projektuar si një strategji ombrellë e zhvillimit ekonomik kryesisht për NVM-të dhe investimet:

- Duke përcaktuar transformimin strukturor të synuar dhe trajektorën e zhvillimit ekonomik;
- Duke u fokusuar në objektivat e qartë të politikës dhe fushat e ndërhyrjes që trajtojnë mundësitë dhe sfidat kryesore për zhvillim ekonomik;
- Duke krijuar një lidhje qendrore brenda kuadrit strategjik përmes shpalosjes së potencialeve duke ndërlidhur programet dhe planet e veprimit, pa i mbivendosur me ato ekzistuese;
- Duke vendosur theksin në nivelin horizontal dhe kombëtar;
- Duke dhënë udhëzime për strategjitë e ardhshme tematike, rajonale dhe sektoriale përmes zhvillimit të veprimeve prioritare model, që mund të ndërmerren dhe të plotësohen.

Procesi i draftimit të strategjisë u organizuar në 5 faza: 1. Faza përgatitore ku janë zhvilluar konsultime paraprake për metodologjinë e punës

dhe formatin e strategjisë, si dhe janë formuar grupet e punës për hartimin e Strategjisë; 2. Analiza e situatës, e cila ka rezultuar me identifikimin e problemeve kryesore në fushën e biznesit dhe investimeve që do të trajtohen nga Strategjia; 3. Përcaktimi i sistemit të objektivave dhe veprimtarive kryesore të Strategjisë; 4. Kostimi i Strategjisë dhe hartimi i planit të zbatimit; dhe 5. Konsultimi publik dhe finalizimi i dokumentit.

VIZIONI: Një ekonomi shqiptare konkurruese, e nxitur nga inovacioni dhe e bazuar në njohuri, e cila krijon vende pune të reja dhe më cilësore, duke shfrytëzuar mundësitë që ofron transformimi digjital dhe transformimi i zinxhirit të vlerave ndërkombëtare, me theksin mbi zhvillimin e qëndrueshëm, integrimin evropian dhe atë rajonal.

Ky vizion është zbrëthyer në një qëllim të politikave: “Zhvillimi plotësisht i potencialeve të investimeve për zhvillimin ekonomik dhe nxitjen e integritit në tregjet ndërkombëtare dhe zinxhirët e vlerës”.

Qëllimi i politikës është zbrëthyer në tre objektiva:

- Objektivi specifik 1.1: Tërheqja e investimeve dhe ndërkombëtarizimi
- Objektivi specifik 1.2: Zhvillimi i NVM-ve, sipërmarrja dhe inovacioni
- Objektivi specifik 1.3: Zhvillimi i kapitalit njerëzor

Strategjia e Zhvillimit të Biznesit dhe Investimeve zbatohet në periudhën 2021–2027, ndërsa roli udhëheqës në zbatimin e saj i takon Ministrisë së Financave dhe Ekonomisë (MFE) si institucion përgjegjës për fushën e biznesit dhe investimeve. Përgjegjësia për zbatimin e secilës masë është përcaktuar me planin e veprimit dhe ndahet midis MFE-së, institucioneve të varësisë, pushtetit vendor dhe aktorëve të tjerë. Për shkak të natyrës së masave duhet të ekzistojë një bashkërendim i mirë me nismat e partnerëve për zhvillim të qeverisë, ku bëjnë pjesë donatorët, si dhe organizatat vendëse dhe ndërkombëtare që, në një mënyrë ose tjetër, shprehin gatishmëri për t'i kontribuar në zbatimin e Strategjisë. Kostoja indikative për zbatimin e Strategjisë është 9,605,535,640 lekë.

² <http://dap.gov.al/publikime/dokumenta-strategjik/278-strategjia-kombetare-per-zhvillim-dhe-integrim>

³ <https://www.financa.gov.al/wp-content/uploads/2021/02/Economic-Reform-Programme-2021-2023.pdf>

⁴ <https://www.rcc.int/pages/143/common-regional-market>

⁵ https://ec.europa.eu/info/sites/default/files/communication-sme-strategy-march-2020_en.pdf



2. Kuadri ligjor dhe institucional në fuqi dhe lidhja me dokumentet strategjike

Qeveria e Shqipërisë prej vitesh tashmë ka vënë në prioritet fuqizimin e kuadrit ligjor dhe institucional, në lidhje me zhvillimin e biznesit dhe investimeve, duke synuar njëkohësisht dhe harmonizimin e këtij kuadri ligjor kombëtar me atë ndërkombëtar, duke mbajtur në konsideratë veçanërisht dy dokumente udhëheqëse: 1. Akti i biznesit të vogël për Evropën (KE 2008); dhe 2) Strategjia e NVM-ve për një Evropë të qëndrueshme dhe digjitale (KE 10 mars 2020).

Akti i biznesit të vogël në Evropë thekson 10 parime kryesore, si vijon:

1. të krijohet një mjedis ku sipërmarrësit dhe bizneset familjare të zhvillohen;
2. të sigurohet që sipërmarrësve të ndershëm që kanë falimentuar t'u jepet pa humbur kohë një shans i dytë;
3. të hartohen rregulla sipas parimit “Në fillim mendo për diçka të vogël”⁶;
4. të bëhet administrata publike përgjegjëse për nevojat e NVM-ve;
5. Të miratohen instrumentet e politikave publike për nevojat e NVM-ve: të lehtësohet pjesëmarrja e NVM-ve në prokurimet publike dhe të përdorem më mirë mundësitë që ka shteti për të ndihmuar NVM-të;
6. Të lehtësohen mundësitë e NVM-ve për të siguruar financim dhe të zhvillohet një mjedis ligjor dhe biznesi që të mbështetë pagesat në kohë për transaksionet tregtare;
7. Të ndihmohen NVM-të të përfitojnë më shumë nga mundësitë që ofrohen nga tregu i vetëm;
8. Të promovohet ngritja e aftësive të NVM-ve dhe të gjitha formave të novacionit;
9. Të bëhet e mundur që NVM-të t'i kthejnë sfidat mjedisore në mundësi;
10. Të nxiten dhe mbështeten NVM-të për të përfituar nga rritja e tregjeve.

Ndërkohë, Strategjia e BE-së për NVM-të për një Evropë të qëndrueshme dhe digjitale mbështetet të NVM-të Evropiane përmes forcimit

të kapaciteteve të tyre për t'iu përshtatur sfidave të neutralitetit të klimës, për t'i ndihmuar ata të përfitojnë nga proceset e digjitalizimit, të ulin barrën rregullatore me të cilën përballen NVM-të dhe të përmirësojnë mundësitë e tyre për aksesin në financë.

2.1 Kuadri ligjor kombëtar

Ndër ligjet kryesore për sa i takon çështjes së nxitjes së biznesit dhe investimeve mund të përmendim:

Ligji nr. 7764, datë 2.11.1993, “Për investimet e huaja”, i ndryshuar, i cili përcakton rregullat dhe procedurat për tërheqjen e investimeve të huaja në Shqipëri.

Ligji nr. 55/2015, “Për investimet strategjike në Republikën e Shqipërisë” dhe aktet nënligjore në zbatim të tij, të cilat synojnë nxitjen dhe tërheqjen e investimeve strategjike, vendëse dhe të huaja, në sektorët e ekonomisë, të identifikuar prej këtij ligji si sektorë strategjikë, nëpërmjet vendosjes së procedurave të posaçme administrative favorizuese, lehtësuese apo përsheptuese të mbështetjes e të shërbimeve ndaj investitorëve.

Ligji 8957 datë 17.10.2002 “Për ndërmarrjet e vogla dhe të mesme”, i ndryshuar, i cili ka si objekt rregullimin e masat dhe politikave shtetërore për klasifikimin, nxitjen e krijimit dhe të zhvillimit të ndërmarrjeve mikro, të vogla dhe të mesme. Qëllimi i këtij ligji është të ndihmojë ndërmarrjet mikro, e vogla dhe të mesme, nëpërmjet krijimit të një kuadri institucional, rregullator dhe financiar.

Ligji nr. 9640, datë 9.11.2006, “Për Dhomat e Tregtisë dhe Industrisë”, i ndryshuar, i cili ka për objekt përcaktimin e rregullave të organizimit, funksionimit dhe veprimtarisë së Dhomës së Tregtisë dhe Industrisë, si dhe Bashkimit të Dhomave të Tregtisë dhe Industrisë.

Ligji nr. 10303 datë 15.7.2010, “Për krijimin dhe organizimin e Agjencisë Shqiptare për zhvillimin e investimeve”, i cili rregullon organizimin, funksionimin dhe veprimtarinë e Agjencisë Shqiptare të Zhvillimit të Investimeve (AIDA).

Ligji nr. 54/2015, datë 28.5.2015 “Për disa ndryshime dhe ndryshime në ligjin nr. 9789, datë 19.7.2007 “Për krijimin dhe funksionimin e zonave ekonomike”, i cili rregullon krijimin, funksionimin, mbikëqyrjen e zonave ekonomike, të drejtat dhe detyrimet e institucioneve përgjegjëse, të

⁶ Parimi “Në fillim mendo për pak” nënkupton se politikbërësit i marrin plotësisht parasysh NVM-të në fazën e hershme të zhvillimit të politikave për të siguruar që zëri i tyre të dëgjohet, që interesat e tyre të marren parasysh prej tyre dhe që mjedisi i biznesit të jetë i favorshëm për zhvillimin e NVM-ve.



zhvilluesve, operatorëve, përdoruesve, që veprojnë në to, llojin e veprimtarive, që kryhen brenda tyre, si dhe mënyrën e përcaktimit të trojeve e të kufijve.

Ligji nr. 32, datë 7.6.2018, “Për Fondin Shqiptar për Zhvillimin e Diasporës”, që ka për objekt përcaktimin e rregullave për organizimin dhe funksionimin e veprimtarisë së Fondit Shqiptar për Zhvillimin e Diasporës dhe ka për mision sigurimin dhe shpërndarjen e mjeteve financiare, në kuadrin e nxitjes së zhvillimit social-ekonomik e kulturor, bazuar në strategjinë kombëtare për diasporën, nëpërmjet promovimit, inkurajimit dhe nxitjes së prirjeve filantropike dhe investimeve në mbështetje të zhvillimit të diasporës në Republikën e Shqipërisë e jashtë saj.

2.2 Kuadri institucional

Në Shqipëri ka disa struktura të cilat trajtojnë çështjet e nxitjes së biznesit dhe investimeve.

Drejtoria e Politikave të Zhvillimit Ekonomik (DPZHE) në Ministrinë e Financave dhe Ekonomisë ka si mision përmirësimin e kuadrit ligjor dhe institucional nëpërmjet hartimit të politikave dhe reformave ekonomike në kuadër të zhvillimit ekonomik të qëndrueshëm të vendit, në përputhje me programet e Qeverisë, mbështetur në Strategjinë e Zhvillimit të Biznesit dhe Investimeve 2014–2020, Strategjinë “Për mbrojtjen e Konsumatoreve dhe Mbikëqyrjen e tregut, 2020”, si dhe në Strategjinë Kombëtare për Zhvillim dhe Integrim, 2015–2020, MSA, MAP REA etj., duke u fokusuar në çështjet e nxitjes së biznesit, tërheqjen e investimeve të huaja direkte, lehtësimit të tregtisë, të kontrollit të ndihmës shtetërore, lëvizjes së lirë të mallrave dhe shërbimeve, të mbrojtjes së konsumatorëve, me qëllim rritjen e konkurrueshmërisë, standartizimin dhe mbikëqyrjen e tregut.

Funksionet kryesore që kryen kjo drejtori përshtin çështjet që lidhen me nxitjen e biznesit dhe investimeve si vijon:

1. Udhëzon dhe propozon strategji, politika dhe programe për: i) nxitjen e konkurrueshmërisë së NVM-ve, IHD-ve dhe eksporteve bazuar në kapitujt negociues për anëtarësimin në Bashkimin Evropian, konkretisht kapitullit 6 “Legjislacioni për shoqëritë tregtare” dhe kapitulli 20 “Ndërmarrjet dhe politikat industriale”. ii) përafrimin e legjislacionit në fushën e NVM-ve; iii) nxitjen e konkurrueshmërisë iv) fuqizimin e bizneseve ekzistuese dhe internacionalizimin e tyre;

2. Këshillon dhe propozon ndryshime dhe përmirësime në kuadrin ligjor që mbështet sektorin privat, në funksion të krijimit të një klime të favorshme për biznesin, investimet, eksportet dhe rritjes së punësimit;

3. Mbikëqyr zbatimin e planit kombëtar për integrimin evropian në fushën e NVM-ve dhe investimeve me legjislacionin e BE-së;

4. Këshillon dhe harton politika për nxitjen e kreditimit, instrumente të reja financiare, në bashkëpunim me donatorët, institucionet financiare e jofinanciare, për NVM-të;

5. Mbikëqyr nismat rajonale për bashkëpunim në fushën e NVM-ve dhe investimeve për projekte të përbashkëta të zhvillimit në rajon, si MAP REA, SEE2020, SME policy index, OECD Competitiveness Outlook etj.;

Sipas ligjit nr. 10303, datë 15.7.2010, “Për krijimin dhe organizimin e Agjencisë Shqiptare për zhvillimin e investimeve”, Agjencia Shqiptare e Zhvillimit të Investimeve ka për mision të rrisë konkurrueshmërinë e sektorit privat, të forcojë potencialin eksportues të vendit, të promovojë mbështetjen e investimeve të huaja të direkte në Shqipëri, si dhe të promovojë potencialin turistik të vendit. AIDA, maksimizon investimet e brendshme dhe të hua-ja, nëpërmjet krijimit të iniciativave ndihmuese rrit aftësinë konkurruese të ndërmarrjeve në Shqipëri, përmirëson kapacitetet teknologjike dhe rinovimin e tyre me qëllimet e kombinuara që të rris investimet e huaja direkte, të forcojë kapacitetet e biznesit Shqiptar, si edhe të ndërtojë një imazh të denjë të Shqipërisë me fokus tërheqjen e investitorëve të ndryshëm.

Agjencia ndërmerr të gjitha nismat e nevojshme në mbështetje të zhvillimit të sektorit privat dhe të përmirësimit të klimës së biznesit, duke ndjekur dhe duke ndihmuar subjektet treg-tare private në të gjitha fazat e veprimtarisë së tyre ekonomike, si edhe duke ndërmjetësuar e duke bashkëpunuar me investitorët e organet shtetërore. Veprimtaria e Agjencisë përqendrohet, kryesisht, në:

- lehtësimin dhe mbështetjen e investimeve të drejtpërdrejta në Republikën e Shqipërisë;

- rritjen e aftësisë konkurruese dhe inovative të ndërmarrjeve të vogla e të mesme;

- nxitjen dhe ndihmën ndaj eksporteve të mallrave e të shërbimeve;

- nxitjen dhe tërheqjen e investimeve strategjike, vendëse dhe të huaja.



Aktualisht AIDA strukturohet në pesë drejtori:

1. Drejtoria e Investimeve;
2. Drejtoria e Ndërmarrjeve të Vogla dhe të Mesme dhe Projekteve;
3. Drejtoria e Marketing dhe Kërkim Analizë;
4. Drejtoria e Koordinimit;
5. Drejtoria e Shërbimeve Mbështetëse.

Drejtorja e Diplomacisë Ekonomike në Ministrinë për Evropën dhe Punët e Jashtme, në funksion të përmbushjes së interesave strategjike kombëtarë dhe rritjes së nivelit të përgjithshëm të bashkëpunimit ekonomik me vendet e tjera, ka si mision promovimin ndërkombëtar të interesave tanë ekonomikë, potencialeve për investime, tregti dhe bashkëpunim ekonomik dhe tregtar, sensibilizim dhe tërheqjen e investitorëve potenciale të huaj, nxitjen e eksporteve dhe lehtësimin e zgjerimit të firmave shqiptare në tregjet e huaja.

Roli dhe veprimtaria e saj është e ndërlidhur dhe koordinohet me përfaqësitë diplomatike, misionet dhe ambasadat tona jashtë, ministrinë dhe agjencitë e tyre të varësishme, organizatat, aktorë dhe faktorë të tjerë të rëndësishëm ekonomikë, grupet e biznesit dhe Dhomat e Tregtisë dhe Industrisë dhe Dhoma e Biznesit të Diasporës.

Si një urë ndërlidhëse, komunikuese dhe koordinuese drejtoria vepron, ndërmerr, nxit dhe ndërmjetëson aksione dhe veprime konkrete që synojnë të lehtësojnë, përshpejtojnë dhe kontribuojnë në:

1. Forcimin dhe zgjerimin e kuadrit të bashkëpunimit ekonomik ndërshtetëror dhe ndërinstitucional;
2. Nxitjen dhe promovimin e këtyre marrëdhënieve në nivel bilateral;
3. Promovimin e potencialeve interesave të ekonomisë kombëtare;
4. Nxitjen, sensibilizimin dhe tërheqjen e investimeve të huaja direkt, si dhe partneriteteve për biznes dhe tregti, *know-how*;
5. Lehtësimin dhe mbështetjen e kompanive shqiptare që duan të hyjnë/zgjerohen në tregjet e huaja;
6. Adresimin e problematikave që lidhet me bashkëpunimin ekonomik me jashtë, në ndihmë si të sektorit publik ashtu edhe të atij privat;

2.3 Lidhja e SZHBI 2021–2027 me dokumentet strategjike

a) Lidhja me SKZHI

“SZHBI 2021–2027” lidhet dhe harmonizohet me Strategjinë Kombëtare për Zhvillim dhe Integrim II, më konkretisht me shtyllën 2 të kësaj strategjie “Rritja ekonomike përmes rritjes së konkurrueshmërisë dhe inovacionit”, konkretisht me objektivin strategjik:

1. Rritja e konkurrueshmërisë së biznesit dhe punësimit në vend, duke forcuar kapacitetet institucionale dhe klimën e biznesit, të përqendruar në inovacione;

2. Rritja e eksportit përmes integritit në tregjet rajonale dhe evropiane;

3. Promovimi dhe zhvillimi i investimeve të huaja direkte dhe investimeve të brendshme.

b) Lidhja me programin e Qeverisë

“SZHBI 2021–2027” lidhet me programin qeverisës 2017–2020⁷, konkretisht me prioritetin 2 “Rritje e qëndrueshme gjithëpërfshirëse” të këtij programi. Nën këtë prioritet, në mënyrë specifike “SZHBI 2021 – 2027” lidhet me fushat 2.1 “Stabilitet makroekonomik”.

c) Lidhja me PKIE dhe Acquis të BE-së

“SZHBI 2021–2027” lidhet me kapitullin 20 “Ndërmarrjet dhe politikat industriale” të Planit Kombëtar për Integrimin Evropian. Politikat e BE-së për ndërmarrjet dhe industrinë kërkojnë të promovojnë strategjitë industriale, që rrisin konkurrencën, duke përshpejtuar përshtatjen ndaj ndryshimeve strukturore, duke inkurajuar një mjedis të favorshëm për krijimin dhe rritjen e biznesit në të gjithë BE-në, si dhe investimet e brendshme dhe të huaja. Ato, gjithashtu, synojnë të përmirësojnë mjedisin e përgjithshëm të biznesit në të cilin veprojnë ndërmarrjet e vogla dhe të mesme (NVM).

ç) Lidhja me OZHQ-të

“SZHBI 2021–2027” ka një lidhje të ngushtë me objektivat e zhvillimit të qëndrueshëm⁸. Në mënyrë specifike, ajo lidhet me:

- SDG nr. 8: Promovo rritje të qëndrueshme dhe gjithëpërfshirëse ekonomike, punësim të plotë dhe produktiv dhe punë të denjë për të gjithë.

Sipas qëllimi, rritja e qëndrueshme dhe gjithëpërfshirëse ekonomike është një parakusht

⁷<https://kryeministria.al/wp-content/uploads/2017/11/PROGRAMI.pdf>
⁸ http://www.senior-a.al/docs/17SDGs_Shqip.pdf



për zhvillimin e qëndrueshëm, i cili mund të kontribuojë në përmirësimin e jetesës për njerëzit në të gjithë botën. Rritja ekonomike mund të çojë në mundësi të reja dhe më të mira punësimi dhe të sigurojë siguri më të madhe ekonomike për të gjithë. Për më tepër, rritja e shpejtë, veçanërisht midis vendeve më pak të zhvilluara dhe vendeve të tjera në zhvillim, mund t'i ndihmojë ata të ulin hendekun e pagave në krahasim me vendet e zhvilluara, duke zvogëluar kështu pabarazitë e dukshme midis të pasurve dhe të varfërve.

- SDG nr. 9: Ndërto infrastrukturë adekuate, promovoj industrializim gjithëpërfshirës dhe të qëndrueshëm dhe nxit inovacionin.

- Qëllimi 9 i zhvillimit të qëndrueshëm adreson tri aspekte të rëndësishme të zhvillimit të qëndrueshëm: infrastruktura, industrializimi dhe inovacioni. Infrastruktura siguron lehtësitë themelore fizike thelbësore për biznesin dhe shoqërinë; industrializimi nxit rritjen ekonomike dhe krijimin e vendeve të punës, duke ulur kështu pabarazinë në të ardhura; dhe inovacioni zgjeron aftësitë teknologjike të sektorëve industrialë dhe çon në zhvillimin e aftësive për ekonominë digjitale apo transformimin digjital.

- SDG nr. 17: Forco mjetet e zbatimit dhe rigjallëro partneritetin global për zhvillim të qëndrueshëm

Nevojitet një angazhim më i fortë për partneritet dhe bashkëpunim për të arritur SDG-të. Arritja e objektivave do të kërkojë politika koherente, një mjedis të mundshëm për zhvillim të qëndrueshëm në të gjitha nivelet dhe nga të gjithë aktorët, dhe një partneritet global të ringjallur për zhvillim të qëndrueshëm. Në drejtim të këtij qëllimi, Shtetet Anëtare të Kombeve të Bashkuara kanë identifikuar fushat e mëposhtme si kritike: mobilizimi i burimeve, teknologjia, ndërtimi i kapaciteteve, tregtia, koherenca e politikave dhe institucioneve, partneritetet me shumë aktorë dhe të dhënat, monitorimi dhe përgjegjësia. Përmeshja e mjeteve të synimeve të zbatimit është thelbësore për realizimin e Agjendës për Zhvillim të Qëndrueshëm.

3. Arritjet, analiza dhe sfidat

Situata e përgjithshme ekonomike

Shqipëria është vend me të ardhura të mesme të larta, me një prodhim të brendshëm bruto (PBB) pak më të lartë se 15.3 miliardë dollarë amerikanë në vitin 2019. Përpara se Shqipëria të goditej nga pandemia COVID-19 në mars të vitit 2020, ekonomia shfaqti një ecuri rritjeje të konsoliduar. Rritja e PBB-së reale ishte ndërmjet 2.2% dhe 4.1% në tri vitet e fundit përpara krizës së COVID-19. Produkti i brendshëm bruto (PBB) në tremujorin e katërt të vitit 2020 vlerësohet me rritje prej 2,99%, kundrejt tremujorit të katërt të vitit 2019. Me vlerësimin e tremujorit të katërt, INSTAT-i jep një vlerësim paraprak të PBB-së për vitin 2020, i cili mbështetur në vlerësimet tremujore, pësoi një rënie prej 3,31 % krahasuar me vitin 2019⁹.

**Tabela 1. Rritja e PBB-së reale
(ndryshimi vjetor në %)**

Vendi	2017	2018	2019
Shqipëri	3.8	4.1	2.2
Bosnjë-Hercegovina	3.2	3.7	2.6
Kosova	4.2	3.8	4.2
Mali i Zi	4.7	5.1	4.1
Maqedonia e Veriut	1.1	2.7	3.6
Serbia	2.0	4.4	4.2

Burimi: Banka Botërore, Raporti i Rregullt Ekonomik

Me një popullsi totale prej 2.9 milionë, kjo e çon PBB-në për frymë në rreth 5,350 dollarë amerikanë – e dyta më e ulët në Ballkanin Perëndimor. PBB-ja për frymë u rrit ndërmjet 2.7 dhe 4.3% nga viti në vit gjatë tri viteve të fundit. Shpërndarja e PBB-së për frymë në Shqipëri ndryshon shumë në varësi të rajonit. Më e larta është në Tiranë, e ndjekur nga Fieri, Gjirokastra dhe Durrësi, ndërsa më e ulëta në Kukës, Elbasan dhe Shkodër.¹⁰

Struktura e ndërmarrjeve dhe e sektorëve

Në fund të vitit 2019 numërohen 162,342 ndërmarrje aktive të regjistruara, një rritje me 1% nga viti 2016. Ndërmarrjet e vogla dhe të mesme (NVM-të) përbëjnë 99.8% të të gjitha ndërmarrjeve, mbi 85% të numrit total të të punësuarve dhe 69% të vlerës së shtuar - më shumë se në pjesën më të madhe të vendeve të

⁹ <http://www.instat.gov.al/media/8171/pbb-tr4-2020.pdf>

¹⁰ Instituti i Statistikave në Shqipëri.



rajonit. Vlera e shtuar për NVM-të u rrit me 18% në periudhën ndërmjet vitit 2016 dhe 2018. Ndërmarrjet e vogla përbëjnë pjesën më të madhe të NVM-ve.¹¹

Ekonomia shqiptare karakterizohet nga një pjesë e madhe shërbimesh në PBB dhe një rol mjaft të rëndësishëm në punësim e zë sektori i bujqësisë. Rreth 37% e ndërmarrjeve aktive prodhojnë mallra dhe 63% prodhojnë shërbime. Në vitin 2019, sektori i shërbimeve ka kontribuar me 48.6% të PBB-së, e ndjekur nga industria (përfshirë ndërtimin) me 20.1% dhe bujqësia, pylltaria dhe peshkimi me 18.6%. Megjithatë, bujqësia ka dhënë një kontribut me rreth 36% të punësimit, shumë më tepër se kontributi i saj në PBB.¹²

Tabela 2. Treguesit sipas grupit të madhësisë së ndërmarrjeve 2018

Madhësia e ndërmarrjes (nr. i të punësuarve)	Numri i ndërmarrjeve	Numri i të punësuarve	Vlera e shtuar (milione lekë)
Mikro (1-9)	100,876	194,867	116,099
Të vogla (10-49)	5,246	102,950	130,690
Të mesme (50-249)	1,147	113,911	143,799
Të mëdha (250+)	181	103,979	174,890

Burimi: Instituti i Statistikave në Shqipëri

Në përgjithësi, niveli i specializimit është relativisht i ulët. Industritë e rëndësishme përfshijnë, ndër të tjera, ndërtimin, ushqimin, pijet dhe duhanin, tekstilet dhe modën, tregtinë, transportin dhe shërbimet e akomodimit dhe ushqimit. Në kontekstin e krizës së COVID-19, shumë sektorë, përfshirë tregtinë, transportin, shërbimet turistike, industrinë dhe ndërtimin u ndikuan negativisht nga masat kufizuese dhe mbyllja. Vetëm bujqësia, pylltaria dhe peshkimi, si dhe aktivitetet e pasurive të paluajtshme shënuan një trend rritës.¹³

Tabela 3. Vlera e shtuar sipas aktivitetit ekonomik 2018

Aktiviteti ekonomik	Vlera e shtuar (milione lekë)	Pjesë nga totali (%)
Të gjithë prodhuesit në treg	565,478	100
Miniera dhe gurore	34,414	6.1
Manifaktura	85,269	15.1
Elektricitet, gaz, furnizimi me ujë dhe menaxhimi i mbetjeve	49,567	8.8
Ndërtimi	75,719	13.4
Tregtia	124,546	22.0
Shërbimet e akomodimit dhe ushqimit	24,546	4.3
Transporti dhe informacioni dhe komunikimi	63,794	11.3
Shërbimet	108,121	19.1

Burimi: Instituti i Statistikave në Shqipëri

Klima e të bërit biznesit dhe mbështetja për NVM-të

Gjatë viteve të fundit, Shqipëria ka ndërmarrë një sërë reformash për të ulur barrierat administrative dhe përmirësuar mjedisin e biznesit. Siç konfirmohet nga renditja e Bankës Botërore për lehtësinë e të bërit biznes, është bërë progres në drejtim të rritjes së aksesit ndaj kredive dhe forcimit të procedurave për zgjidhjen e paafësisë paguese. Gjithashtu, Shqipëria e ka lehtësuar procesin e lidhjes me rrjetin e energjisë elektrike, zbatimin e lejeve të ndërtimit dhe pagesën e taksave. Albania u rendit e 82-ta nga 190 vende pjesë e raportit për lehtësinë e të bërit biznes të vitit 2020, duke u renditur më lart se Bosnja dhe Hercegovina (90), por më poshtë se Maqedonia e Veriut (17), Serbia (44), Mali i Zi (50) dhe Kosova (57). Totali i pikëve ishte 67.7, me një rritje prej 7.2 pikë krahasuar me raportin e vitit 2016, ku Shqipëria u rendit e 97-ta.

¹¹ Instituti i Statistikave në Shqipëri.

¹² Të dhënat e Bankës Botërore.

¹³ Instituti i Statistikave në Shqipëri.




Tabela 4. Pikët dhe renditja në raportin lehtësia e të bërit biznes

Tregues	Raporti 2016		Raporti 2020	
	Pikët	Renditja	Pikët	Renditja
Nisja e një biznesi	90.1	58	91.8	53
Zbatimi i lejeve të ndërtimit	0.0*	189	52.7	166
Lidhja me rrjetin e energjisë elektrike	43.7	162	71.0	107
Regjistrimi i pronës	58.5	107	63.4	98
Marrja e kredisë	65.0	42	70.0	48
Mbrojtja e investitorëve në minorancë	73.3	8	46.0	111
Pagesa e taksave	62.0	142	65.2	123
Tregtia përtej kufijve	91.6	37	96.3	25
Zbatimi i kontratave	57.4	96	53.5	120
Zgjidhja e paafëtisë paguese	63.4	42	67.7	39

* Nuk disponohen pikët. Burimi: Banka Botërore, lehtësia e të bërit biznes në Shqipëri 2016/2020

Gjithashtu, Shqipëria ka ridimensionuar procesin e regjistrimit të biznesit dhe procesin e aplikimit për licenca, duke reduktuar numrin e dokumenteve dhe hapat e nevojshëm për shqyrtim. Sipërmarrësit në Shqipëri i regjistrojnë bizneset e tyre dhe aplikojnë për licenca dhe leje në Qendrën Kombëtare të Biznesit, e cila operon si një *one-stop-shop* (qendër me një ndalesë) në 33 bashki dhe komuna. Gjithashtu, Shqipëria ka konsoliduar digjitalizimin e shërbimeve qeveritare. Që prej fillimit të vitit 2020, bizneset dhe qytetarët kanë akses në 474 aplikime *online* për shërbime publike përmes platformës *e-Albania*, p.sh., për leje ndërtimi, shërbim klienti dhe pagesën e taksave. Është ndërtuar një sistem i dedikuar për ndërveprimin e institucioneve, me qëllim shkëmbimin elektronik të të dhënave dhe dokumenteve me firmë elektronike.

Grafiku 1 Pengesat në mjedisin e biznesit (10 më të rëndësishmet)



Burimi Banka Botërore Vrojtimi i Ndërmarrjeve 2019



Pavarësisht zhvillimeve pozitive, në mjedisin e të bërit biznes në Shqipëri ka ende disa pengesa strukturore për forcimin e konkurrueshmërisë dhe nxitjen e rritjes. Sipas vërtetimit të ndërmarrjeve 2019 të Bankës Botërore, pengesat kryesore për mjedisin e biznesit përfshijnë nivelin e taksave, shkallën e informalitetit, fuqinë punëtore të pakualifikuar dhe mangësitë në infrastrukturën e transportit.¹⁴

Në indeksin e politikave për NVM-të aksesin në financë evidentohet si një pengesë e shtuar, veçanërisht për NVM-të lokale. Investimet financohen më së shumti nga burime të brendshme (rreth 80% e investimeve), ndërkohë që vetëm 12% e bizneseve i financojnë investimet e tyre përmes bankave. Financimet përmes institucioneve financiare jobanka mbeten mjaft të kufizuara. Mikrokreditë, qiraja financiare dhe faktoringu janë mjete të disponueshme dhe mbështeten nga një bazë ligjore e konsoliduar, por penetrimi mbetet i ulët. Mikrokreditë përbëjnë sy të tretat e të gjitha kredive nga institucionet financiare jobanka, ndërsa qiraja financiare përbën më pak se 30% të tyre. Faktoringu zë një pjesë të pakonsiderueshme. Megjithatë volumi i qirave financiare dhe faktoringut është rritur gjatë viteve të fundit, përdorimi i këtyre instrumenteve mbetet i ulët. Faktorët që kanë ndikuar janë niveli i ulët i ndërgjegjësisë dhe mungesa e një qasjeje sistematike ndaj edukimit financiar. Niveli i ulët i njohurive financiare, veçanërisht të NVM-të mbetet pengesa kryesore për aksesin në financë. Shqipëria ka rezultat të dobët në sondazhin për njohuritë financiare të *Standards & Poor's*, ku më pak se 14% e popullsisë në moshë madhore ka njohuri financiare, krahasuar me një mesatare prej 27.5% në rajon. Gjithashtu, NVM-të e kanë të vështirë të marrin informacion rreth mundësive të financimit pasi nuk ekzistojnë platforma të centralizuara.¹⁵ Me asistencën e BERZH-it, Ministria e Financave dhe Ekonomisë është duke zhvilluar një portal informativ të centralizuar që ofron informacione mbi të gjitha instrumentet financiare për NVM-të. Ky portal është ngritur tashmë dhe është

funksional në website e AIDA-s, që prej maj 2021

Përveç përmirësimeve në mjedisin e biznesit, Shqipëria ka përmirësuar, gjithashtu, dhe performancën në dimensionin e “Shërbimeve të mbështetjes së biznesit për NVM-të” të indeksit të politikave për NVM-të, i kryer nga OECD-ja. Që prej vlerësimit të fundit në vitin 2016, vlerësimi i Shqipërisë u rrit nga 2.65 në 3.61. Pavarësisht këtij progresi, Shqipëria mbetet ende nën mesataren e Ballkanit Perëndimor dhe Turqisë prej 3.89.¹⁶

Tabela 5. Shërbimet e mbështetjes së biznesit për NVM-të
(vlerësimi i indeksit të politikave për NVM-të 2019)

Vendi	Vlerësimi i përgjithshëm i shërbimeve mbështetëse për NVM-të	Nëndarjet	
		Shërbimet e mbështetjes së biznesit nga qeveria	Iniciativat e qeverisë për të nxitur shërbimet private të mbështetjes së biznesit
Shqipëri	3.61	3.01	4.21
Bosnjë dhe Hercegovina	3.41	2.98	3.85
Kosova	3.64	3.35	3.94
Mali i Zi	4.03	3.83	4.23
Maqedonia e Veriut	3.96	3.52	4.39
Serbia	4.12	4.33	3.91
BP dhe Turqia mesatarja	3.89	3.63	4.14

Burimi: OECD, *Indeksi i Politikave për NVM-të 2019*

Agjencia Shqiptare e Zhvillimit të Investimeve (AIDA) është institucioni publik qendror i dedikuar që ofron shërbime të mbështetjes së biznesit (SHMB) për NVM-të. AIDA jep informacione të përgjithshme, p.sh., mbi legjislacionin përkatës mbi hapjen e një biznesi, mbi zhvillimin e një plani biznesi dhe mbi SHMB-të financiare dhe jofinanciare të disponueshme. Mbështetja e mëtejshme për NVM-të përfshin lehtësimin e pjesëmarrjes në panairët tregtare kombëtare dhe ndërkombëtare, duke identifikuar tregjet e reja, partnerët eksportues, nevojat për trajnime dhe certifikim të produkteve, si dhe mbështetje përmes projekteve të ndryshme me donatorët.

¹⁴ Banka Botërore (2019), Vërtetimi i ndërmarrjeve.

¹⁵ OECD/ETF/BE/BERZH (2019), indeksi i politikave për NVM-të: Ballkani Perëndimor dhe Turqia 2019, vlerësimi i zbatimit të ligjit për biznesin e vogël për Evropën.

¹⁶ OECD/ETF/BE/BERZH (2019), indeksi i politikave për NVM-të: Ballkani Perëndimor dhe Turqia 2019, vlerësimi i zbatimit të ligjit për biznesin e vogël për Evropën.



Përveç dhënies së informacionit, AIDA ofron mbështetje financiare për bizneset. Megjithatë, kërkesa deri tani ka qenë relativisht e ulët. Gjatë periudhës 6-vjeçare nga viti 2014 më 2019, 373 NVM kanë marrë grante nga fondet e AIDA-s me një shumë totale prej 264 milionë lekë. Sipas indeksit të politikave, NVM-të i perceptojnë si frenuese procedurat e aplikimit për fondet e AIDA-s. Përveç kësaj, grantet që jepen përmes këtyre fondeve janë relativisht të vogla. Kjo duket se i frenon më tej aplikuesit e mundshëm që të kryejnë procesin e gjatë të aplikimit. Për të aplikuar, NVM-të duhet të takohen personalisht me stafin e AIDA-s në zyrën e saj në Tiranë. Kjo raportohet si një pengesë për NVM-të që ndodhen në rrethe të tjera, dhe përbën një faktor për hezitimin e tyre për të aplikuar për shërbimet financiare të AIDA-s.¹⁷ Në shtator të vitit 2020, Ministria e Financave dhe Ekonomisë dhe AIDA u asistuan nga një mision *online* i TAIEEX-it që synonte rikonceptimin e skemave ekzistuese të granteve. Ligji për NVM-të siguron kuadrin ligjor për format e ndryshme të mbështetjes financiare për NVM-të, përfshirë garancitë e kredive. Por përveç granteve klasike, momentalisht asnjë skemë tjetër financiare nuk i ofrohet NVM-ve.

Ekzistojnë projekte të tjera të financuara nga donatorët, të tilla si programi BE për Inovacionin. 23 kompani kanë përfutur deri tani nga grantet e dhëna nga ky program. Për shkak të kriterëve të pranimit, përqindja e pjesëmarrjes në këtë program është disi e ulët. Gjithashtu, programi i GIZ ProSEED mbështet skemën e IDEA-s gjatë periudhës 2018 deri më 06/2021, me një shumë totale prej 750,000 € për grante, që synojnë bizneset e reja (jo më gjatë se 2 vite në treg). Grantet variojnë nga 4,000 € për individët deri në 7,000 € për grupimet. Projekte të tjera mbështetëse/me donatorë, që lehtësojnë aksesin në financë përfshijnë Programin e Mbështetjes së Agrobiznesit Shqiptar (AASF) të BERZH-it, dhe Programin Italo-Shqiptar për zhvillimin e NVM-ve në Shqipëri. Ky i fundit ka ofruar një skemë granti me ndarje të kostos për mbështetjen e NVM-ve që synonin të kishin akses në kredi, duke mbuluar


50% të kostos për përgatitjen e një plani biznesi. Rreth 12 NVM përfutuan nga kjo skemë.

Tregu i punës dhe punësimi

Në muajin janar 2020, popullsia e Shqipërisë ishte 2,845,955 banorë, me një rënie prej 0.6% krahasuar me muajin janar 2019 dhe 0.1% krahasuar me vitin 2016. Shqipëria është prej vendeve me popullsinë më të re në Evropë, ku mosha mesatare në vitin 2019 ishte 37.2 vjeç. Më shumë se 31% e popullsisë është nën 24 vjeç.¹⁸

Tregu i punës në Shqipëri ka shënuar një trend pozitiv gjatë viteve të fundit. Shkalla e pjesëmarrjes në forcat e punës është rritur nga 67.3% në vitin 2016 në 69.8% e totalit të popullsisë së moshës 15–64 vjeç gjatë tremujorit të katërt të vitit 2020, dhe është më e larta në rajon. Për burrat, shkalla e pjesëmarrjes në forcat e punës (77.9%) është 16.1 pikë përqindje më e lartë se sa për gratë (61.8%). Shkalla e pjesëmarrjes në forcat e punës është 53.3%.¹⁹

Grafiku 2 Shkalla e papunësisë (%)



Burimi Instituti i Statistikave në Shqipëri

Ecuria pozitive reflektohet, gjithashtu, në uljen e shkallës së papunësisë gjatë viteve të fundit në nivelin 12.0% në tremujorin e dytë 2019. Në veçanti, shkalla e papunësisë për të rinjtë është ulur nga 29.9% në vitin 2016, në 20.9% në vitin 2019. Shkalla e papunësisë për burrat është disi më e lartë (12.1%) se sa për gratë (11.8%). Kriza e COVID-19 e ndërpreu këtë trend pozitiv. Shkalla e papunësisë u rrit nga 11.9% në tremujorin e parë në 12.5% në tremujorin e dytë të vitit 2020 - i njëjti trend vihet re dhe në vendet e tjera të rajonit. Shkalla e papunësisë për të rinjtë u rrit nga 20.0%

¹⁷ OECD/ETF/BE/BERZH (2019), Indeksi i Politikave për NVM-të: Ballkani Perëndimor dhe Turqia 2019, Vlerësimi i zbatimit të ligjit për biznesin e vogël për Evropën


¹⁸ Instituti i Statistikave në Shqipëri.

¹⁹ Instituti i Statistikave në Shqipëri.



në 21.4%. Burrat u prekën më shumë nga kriza, ku papunësia ndër ta u rrit nga 11.5% në 12.6%, ndërsa papunësia për gratë mbeti e pandryshuar në normën 12.4%.²⁰

Grafiku 3 Përqindja (%) e punësimeve në profesione që kërkojnë njohuri të thelluara 2018



Burimi Indeksi Global i Inovacionit

Gjatë viteve të fundit, shumë vende pune janë zhvendosur nga bujqësia drejt veprimtarive me produktivitet më të lartë. Në vitin 2016, 39.8% e punësimeve totale ishin në sektorin e bujqësisë. Kjo përqindje është ulur në 36.1% në vitin 2020. Në të njëjtën kohë, punësimet në sektorin e industrisë u rritën nga 19% në 20.2% dhe punësimet në sektorin e shërbimeve nga 41.2% në 43.7%.²¹ Pavarësisht këtyre zhvillimeve pozitive, përqindja e punësimeve në profesione që kërkojnë njohuri është më e ulët në rajon me 17.5%²² ndërsa punësimi informal mbetet ende një sfidë për tregun e punës në Shqipëri. Punësimi informal në sektorët jobujqësorë zë rreth 30%.²³ Gjithashtu, Shqipëria është goditur ashpër nga fenomeni i largimit të trurit, duke qenë ndër 15 vendet me emigracion më të lartë të shtetasve me arsim të lartë. Në vitin 2019, 43,835 persona emigruan nga Shqipëria, çka përbën një rritje prej 13.3% krahasuar me vitin e kaluar.²⁴ Të emigruarit janë më së shumti profesionistë të rinj, përfshirë inxhinierë, specialistë TI-je, mjekë dhe infermiere, por, gjithashtu, dhe lektorë në institucionet e arsimit të

lartë, kërkues dhe studentë. Aktualisht rreth 36% e popullsisë jeton jashtë vendit.²⁵

Tabela 6. Produktiviteti si PBB për person të punësuar (në vitin 2017, PPP konstante në \$)

Vendi	2016	2019
Shqipëri	32,673	34,603
Bosnja dhe Hercegovina	44,571	46,187
Mali i Zi	52,316	56,603
Maqedonia e Veriut	44,046	43,501
Serbia	42,093	45,053

Burimi. Të dhënat e Bankës Botërore

Kostot e punës në Shqipëri janë më të ulëta në rajon, megjithatë, në të njëjtën kohë, Shqipëria regjistron produktivitetin më të ulët. Pagat mesatare në vitin 2018 ishin 396 €, krahasuar me 504 € në Kosovë, 571 € në Serbi, 597 V në Maqedoninë e Veriut, 599 € në Bosnjë dhe Hercegovinë dhe 769 € në Malin e Zi.²⁶ PBB-ja për çdo të punësuar ishte rreth 34,603\$ në vitin 2019, duke shënuar një rritje të lehtë krahasuar me 32,673\$ në vitin 2016, por mbetet ende më e ulët se në vendet e tjera të rajonit.²⁷

DIASPORA DHE REMITANCAT

Remitancat, ose dërgesat në para të migrantëve drejt vendlindjes, kanë dhënë një kontribut të rëndësishëm në stabilitetin dhe zhvillimin ekonomik të Shqipërisë.

Shqipëria renditet në listën e vendeve me varësi të lartë të remitancat, siç njihen ndryshe dërgesat në para. Remitancat përfaqësojnë rreth 9–15% të PBB-së së vendit dhe rreth 15% e të ardhurave të familjeve shqiptare.

Remitancat janë përdorur kryesisht për konsumin e përditshëm të familjeve shqiptare dhe më pak për investime (përfshirë blerje apo ndërtimi i banesave).

Një rëndësi të veçantë në vlerësimin e remitancave si cilësi e ekonomisë së vendit ka pasur fillimi i botimeve vjetore nga Banka e Shqipërisë dhe Instituti i Statistikave (INSTAT). Ato do të jenë të përvitshme, duke shënuar një hap cilësor në informacionin zyrtar për diasporën shqiptare.

²⁰ Instituti i Statistikave në Shqipëri.

²¹ Të dhënat e Bankës Botërore.

²² Universiteti Cornell, INSEAD, WIPO (2019), Indeksi Global i Inovacionit 2019.

²³ Komisioni Evropian (2019), Programi i Reformës Ekonomike për Shqipërinë, Malin e Zi, Maqedoninë e Veriut, Serbinë, Turqinë, Bosnjën dhe Hercegovinë dhe Kosovën - Raporti i Komisionit dhe Vlerësimi i Vendet.

²⁴ Instituti i Statistikave në Shqipëri.

²⁵ BERZH (2019), Diagnostikimi i Shqipërisë.


²⁶ Këshilli Shqiptar i Investimeve (2019) Vështrim mbi Treguesit e Zhvillimit Ekonomik të Shqipërisë, janar-qershor 2019.

²⁷ Të dhënat e Bankës Botërore.

Raportet vjetore të Bankës së Shqipërisë kanë qenë për vitin 2018, “Remitancat: Një mbështetje për zhvillim, 2018,” për vitin 2019, “Diaspora dhe pagesat, 2019” dhe për vitin 2020, “Pandemia dhe remitancat.”

Raportet vjetore të Institutit të Statistikave (INSTAT) janë si më poshtë për vitin 2018, “Diaspora e Shqipërisë në shifra 2018,” për vitin 2019 “Diaspora e Shqipërisë në shifra 2019” dhe për vitin 2020 “Diaspora e Shqipërisë në shifra 2020”.

TENDENCA E REMITANCAVE NË VITE



Dinamika e të ardhurave nga remitancat në Shqipëri ka kaluar tri faza:

1. Rritjen e tyre nga viti 1991 deri në vitin 2007;
2. Rënien në periudhën 2008–2013; dhe
3. Ripërtëritjen që prej vitit 2014.

Remitancat vazhduan të rriteshin nga viti 1991 deri në vitin 2007, ku ato arritën nivelin e tyre maksimal. Në vitin 2007, në Shqipëri vlera e prurjeve monetare të remitancave ishte 952 milionë euro. Kjo e bënte atë vendin me varësinë më të madhe ndaj dërgesave në para në rajon, me më shumë se 300 euro për banor. Pas këtij viti, remitancat ranë duke arritur pikën e tyre më të ulët në vitin 2013, në shifrën nën 500 milionë euro. Kjo rënie shkaktoi rritje të varfërisë në Shqipëri.

Sipas të dhënave nga Banka Botërore, remitancat u rritën sërish në vitet 2018–2019, duke

shënuar vlerën 1455 milionë dollarë në vitin e fundit.

Përfshirja e diasporës shqiptare në zhvillimin ekonomik të vendit do të përqendrohet kryesisht në:

- Forcimin e Dhomës së Biznesit të Diasporës;
- Zhvillimin e një kuadri ligjor për investimet nga diaspora shqiptare;
- Realizimin e të rrjeteve të profesionistëve të diasporës shqiptare.

Qëllimi i angazhimit të diasporës shqiptare do të jetë inkurajimi i investimeve, krijimi i ndërmarrjeve të vogla e të mesme në disa fusha, përfshirë bujqësinë, industrinë e ushqimit dhe zhvillimin e zonave rurale. Kjo do të realizohet duke krijuar një klimë të favorshme për investimet nga diaspora nëpërmjet aktiviteteve për stimuj fiskalë, shpërndarje informacioni, duke ulur korrupsionin



dhe risqet apo duke përmirësuar elementë të tjerë nxitës.

Arsimi, formimi dhe aftësitë

Shpenzimet e qeverisë për arsimin në vitin 2017 ishin në nivelin 3.1% të PBB-së. Investimet e Shqipërisë në arsimin fillor janë të krahasueshme me investimet në vendet e tjera të Ballkanit Perëndimor, duke garantuar shanse të arsyeshme për pjesëmarrje në arsim bazë cilësor. Në të kundërt, investimet si në arsimin e mesëm dhe lartë janë dukshëm më të ulëta se në vendet e tjera të Ballkanit Perëndimor.²⁸

Në vitin 2015, reforma afatgjatë e sistemit arsimor prezantoi të mësuarit në bazë të kompetencave në të gjitha nivelet arsimore. Ndër të tjera, sipërmarrja u konsiderua si një nga kompetencat kyçe në të gjitha programet parauniversitare dhe kurrikulat e arsimit dhe formimit profesional. Në praktikë, zbatimi nuk është realizuar plotësisht në të gjitha institucionet arsimore në vend. Megjithatë, ka raste suksesi, kryesisht në institucionet dhe programet e mbështetura nga donatorët siç janë Kulturkontakt Austria dhe Junior Achievement. Gjithashtu, promovimi i aftësive digjitale është përfshirë në agjendën e politikës, duke u reflektuar në disa strategji dhe nisma kombëtare si dhe rritjen e mbështetjes nga donatorët. Por mësimi i aftësive digjitale është ende në fazë të hershme. Kërkohen përmirësime të mëtejshme duke marrë në konsideratë modelin e parashikimit të aftësive të Qendrës Evropiane për Zhvillimin e Formimit Profesional, i cili parashikon se në të ardhmen, rreth 85% e të gjitha punëve në BE do të kenë të nevojshme të paktën nivelin bazë të aftësive digjitale.

Shqipëria ka nivel të lartë arsimimi dhe reformat arsimore kanë çuar në një rritje të regjistrimeve në arsimin e lartë, duke siguruar rrjedhë të qëndrueshme të talenteve. Rreth 139.000 studentë regjistrohen në institucionet e arsimit të lartë çdo vit. Në vitin 2019, 34.891 studentë u diplomuan nga institucionet e arsimit të lartë, një rritje me 9.4% nga viti 2016.²⁹ Tradicionalisht preferohen programet e studimit në shkenca sociale, shkenca ekonomike dhe drejtësi, dhe 41% e të diplomuarve

kanë diplomë në shkenca sociale, shkenca ekonomike dhe drejtësi. Megjithëse reformat në arsim vazhdojnë dhe numri i të diplomuarve në institucionet e arsimit të lartë rritet, më shumë se 40% e popullsisë në moshë pune janë me arsim fillor ose të mesëm. Gjithashtu, niveli i ulët i investimeve në arsimin e mesëm dhe të lartë rezulton në një shkallë të lartë studentësh që largohen nga shkolla apo kursi i formimit, i cili – pavarësisht se është ulur ndjeshëm kohët e fundit – ende është mbi 16 % për grup-moshën 18–24 vjeç. Në vendet e tjera të rajoni kjo shkallë varion ndërmjet 5% dhe 9%.³⁰

Progresi i Shqipërisë reflektohet, gjithashtu, në përmirësimet e mëdha në dimensionin e “Aftësive sipërmarrëse” të Indeksit të Politikave për NVM-të. Në këtë dimension, Shqipëria renditet mbi nivelin mesatar. Ky rezultat del nga vlerësimi i kombinuar i: 1. zhvillimeve në hartimin dhe planifikimin e politikave; 2. mundësive për trajnim që ofrohen aktualisht për NVM-të; dhe 3. masave përkatëse të monitorimit dhe të vlerësimit. Me një vlerësim të përgjithshëm prej 3.40–0.73 pikë më lart se në vitin 2016 – Shqipëria është ndër vendet me rezultat më të lartë në rajon. Vlerësimi mesatar për vendet e Ballkanit Perëndimor dhe Turqisë është në nivelin 2.87. Vetëm Serbia (3.95) dhe Turqia (3.54) kanë arritur rezultatin më të lartë. Sipas raportit, ky përmirësim reflekton, ndër të tjera, Analizën e Nevojave për Aftësi të vitit 2017, e cila u krye nga Shërbimi Kombëtar i Punësimit. Megjithatë, ka ende disa sfida, duke përfshirë përmirësimin e mëtejshëm të inteligjencës së aftësive, zgjerimin e ofrimit të trajnimeve për të garantuar një ofertë të përshtatshme aftësish në tregun e punës, dhe nxitjen e bashkëpunimit ndërmjet arsimit dhe biznesit përmes lehtësimit të aksesit ndaj informacionit.³¹

³⁰ Eurostat.

³¹ OECD/ETF/BE/BERZH (2019), Indeksi i Politikave për NVM-të: Ballkani Perëndimor dhe Turqia 2019, Vlerësimi i zbatimit të ligjit për biznesin e vogël për Evropën.

²⁸ Banka Botërore (2019) Diagnostikimi Sistemik për Shqipërinë.

²⁹ Instituti i Statistikave në Shqipëri.



Tabela 7. Aftësitë sipërmarrëse (rezultati i indeksit të politikave për NVM-të 2019)

	Planifikimi dhe hartimi	Zbatimi	Monitorimi dhe vlerësimi	Mesatarja e ponderuar
Shqipëri	3.50	3.50	3.00	3.40
Bosnja dhe Hercegovina	3.50	2.50	2.00	2.70
Kosova	4.17	2.25	2.00	2.78
Mali i Zi	1.50	1.50	1.00	1.40
Maqedonia e Veriut	3.17	2.00	2.00	2.35
Serbia	4.50	4.00	3.00	3.95
Turqia	3.33	4.06	3.00	3.54
Mesatarja për Ballkanin Perëndimor dhe Turqinë	3.38	2.83	2,29	2.87

Burimi: OECD, indeksi i politikave për NVM-të 2019

Pavarësisht progresit të sipërpërmendur, bizneset shqiptare ende vërejnë se fuqia punëtore e pakualifikuar është një pengesë për biznesin. Bizneset janë të kënaqura me nivelin e aftësive të fuqisë punëtore që kanë të punësuar, por hasin vështirësi në rekrutimin e punonjësve të rinj, veçanërisht për pozicione pune që kërkojnë nivel më të lartë aftësish. Bizneset raportojnë mungesën e njohurive më të fundit dhe aftësive praktike, veçanërisht tek aplikantët e rinj dhe ata që hyjnë për herë të parë në tregun e punës. Nevojat e bizneseve për aftësi duket se ndryshojnë nga ajo çfarë mësohet aktualisht në institucionet e arsimit të lartë dhe në qendrat e aftësimit dhe formimit profesional (AFP). Arsyet gjenden më së shumti në ndërveprimin e kufizuar ndërmjet biznesit dhe institucioneve arsimore, dhe në mësimin në shkollat e përgjithshme dhe ato profesionale pa ekspozim në eksperiencën në punë. Gjithashtu, shpesh firmat nuk ofrojnë trajnim në vendin e punës dhe nuk bashkëpunojnë me shkollat profesionale apo qendrat e formimit profesional për të adresuar mungesën e aftësive të fuqisë së tyre punëtore. Për shkak të përmasave të tyre të vogla, veçanërisht NVM-të e kanë të vështirë të plotësojnë nevojat e tyre për arsim dhe trajnim dhe investojnë shumë pak në drejtim të zhvillimit të aftësive se sa firmat e mëdha.³² Niveli i trajnimeve është shumë i lartë në ndërmarrjet e huaja apo të përbashkëta se sa në bizneset lokale.³³

Veprimtaria e startup-eve dhe inovacionit

Shqipëria renditet e 110-ta nga 141 vendet në ‘Shtyllën e inovacionit’ të Indeksit i Konkurrueshmërisë Globale të Forumit Ekonomik Botëror (GCI), një prej instrumenteve kryesore për krahasimin e konkurrueshmërisë. GCI-ja përcakton konkurrueshmërinë e vendeve bazuar në performancën e tyre të matur në dymbëdhjetë shtylla. “Shtylla e inovacionit” reflekton dhjetë indikatorë në tri masa agregate: ndërveprimi dhe diversiteti, kërkimi, zhvillimi dhe komercializmi. Shqipëria mori 29.8 pikë në vitin 2019, një rënie nga niveli 37.7 në vitin 2018. Në një krahasim rajonal, Shqipëria renditet më lart se Bosnja dhe Hercegovina (në vendin e 117), por më poshtë se Maqedonia e Veriut (në vendin e 97), Mali i Zi (69) dhe Serbia (59).³⁴

³² Banka Botërore (2018), Kërkesa për aftësi në Shqipëri. Një analizë e aftësive drejt punësimit dhe studim i produktivitetit.

³³ Banka Botërore (2018), Kërkesa për aftësi në Shqipëri. Një analizë e aftësive drejt punësimit dhe studim i produktivitetit.

³⁴ Forumi Ekonomik Botëror (2019/2018), Raporti i Konkurrueshmërisë Globale.



Tabela 8. Pjesë nga Indeksi i Konkurrueshmërisë Globale 2019 – Shqipëria

Tregues	Vlera	Pikët	Renditja
Shtylla e 12-të aftësitë inovative	-	29.8	110
Ndërveprimi dhe diversiteti 0–100	-	32.5	114
Diversiteti i fuqisë punëtore 1–7 (më e larta)	4.0	49.7	115
Situata e zhvillimit të klusterave 1–7 (më e larta)	2.8	30.4	133
Shpikjet e përbashkëta ndërkombëtare për milionë copë	0.10	2.9	84
Bashkëpunim me shumë aktorë 1–7 (më e larta)	3.8	47.1	57
Kërkim dhe zhvillim 0–100	-	17.2	126
Botime shkencore pikët	57.3	60.2	128
Aplikimet për patentë për milionë copë	0.22	3.6	89
Shpenzimet për kërkim dhe zhvillim % PBB	0.2	5.1	98
Dominimi i institucioneve kërkimore 0–100 (më e larta)	0.00	0.0	117
Komercializimi	-	49.2	95
Sofistikimi i blerësve 1–7 (më e larta)	3.1	34.5	107
Aplikimet për makra tregtare për milionë copë	379.36	63.9	81

Burimi: Indeksi i Konkurrueshmërisë Globale

Një prej arsyeve, për dinamikën e ulët të inovacionit në Shqipëri krahasuar me rajonin e Ballkanit Perëndimor, mund të lidhet me shpenzimet e ulëta në fushën e Kërkimit dhe Zhvillimit (K&ZH). Sipas

Tabela, shpenzimet për K&ZH janë në masën 0.2 % të PBB-së, të krahasueshme me Bosnjën dhe Hercegovinën dhe më të ulëta se në Malin e Zi (0.4%), Maqedoninë e Veriut (0.4%), Serbi (0.9%) dhe se mesatarja e BE-së (2.19%).³⁵ Rreth 0.1% e popullsisë ka punuar në fushën e kërkimit në vitin 2018, që është më pak se një e treta e mesatares së BE-së.³⁶ Ato pak veprimtari kërkimi dhe zhvillimi janë të përqendruara në një numër të kufizuar institucioneve të arsimit të lartë dhe kompanish (të mëdha) dhe fokusohen në, midis të tjerash, shkencat e natyrës, bioekonomi, shkencat humanitare dhe në teknologjinë e gazit dhe motorëve (me djegie). Fokusi në këto fusha reflektohet (ndër të tjera) në botimet akademike dhe patentat e dhëna në Shqipëri.³⁷

Sipas një raporti të fundit të programit BE-së për inovacionin, institucionet e arsimit të lartë kanë kufizime për sa u përket strukturave të qëndrueshme për kërkime mbi inovacionin. Transferimi i njohurive, kërkimi i aplikuar dhe të mësuarit bazuar në projekte është i rrallë dhe ndodh vetëm në disa institucionet e arsimit të lartë private mjaft sipërmarrëse. Institucionet e arsimit të lartë nuk janë të integruara mirë në programet ndërkombëtare të kërkimit, zhvillimit dhe inovacionit (KZHI), të tilla si Horizon 2020. Dobësi të tjera të ekosistemit janë mungesa e mundësive për financim për projektet inovative dhe mungesa e transferimit të teknologjisë dhe parqeve shkencore dhe teknologjike.³⁸

Disa agjenci janë përfshirë në zbatimin e politikave inovative, duke përfshirë AIDA-n dhe Agjencinë e Kërkimit, Teknologjisë dhe Inovacionit (AKKSHI). Ndërkohë që AIDA fokusohet në pjesën e biznesit, AKKSHI fokusohet në institucionet kërkimore, duke lehtësuar shkëmbimin e njohurive dhe mbështetjen financiare për projekte kërkimi. Megjithatë koordinimi midis këtyre agjencive është i vogël dhe të dyja ato kanë burime të kufizuara për zbatimin e programeve.

³⁵ Forumi Ekonomik Botëror (2019/2018), Raporti i Konkurrueshmërisë Globale.

³⁶ Komisioni Evropian (2019), Programi i Reformës Ekonomike për Shqipërinë, Malin e Zi, Maqedoninë e Veriut, Serbinë, Turqinë, Bosnjën dhe Hercegovinën dhe Kosovën – Raporti i Komisionit dhe Vlerësimi i Vendit.

³⁷ BE për Inovacionin (2019), Hartëzimi RIS3 i Shqipërisë.

³⁸ BE për Inovacionin (2019), Ekosistemet sipërmarrëse në Shqipëri me fokus në Tiranë.



Siç është konfirmuar dhe në konsultimet me palët e interesit dhe raportet e kohëve të fundit, ekosistemi i *startup*-eve është relativisht i ri dhe në fazë të hershme. Tregu lokal shqiptar i vogël në kombinim me largimin e trurit dhe mungesën e bashkëpunimit dhe bashkëkrijimit çojnë në një rritje të ngadaltë të numrit të *startup*-eve. Rreth 250 *startup*-e – rreth 88 për një milion banorë – janë aktivë në Shqipëri. Pjesëmarrja e grave në sipërmarrje është rritur gjatë viteve të fundit, por mbetet ende në nivele të ulëta.³⁹

Në të kaluarën e afërt, është rritur numri i organizatave mbështetëse dhe i projekteve të donatorëve, duke ofruar më shumë mundësi për përfshirjen e sipërmarrësve aspirantë. Shembuj të tillë janë *Tech Space*, *Oficina* dhe *Yunus Social Business* në fushën e përsheptimit/inkubacionit. Gjithashtu, programi BE për Inovacionin dhe Rrjeti Evropian i Ndërmarrjeve organizojnë një sërë aktiviteteve dhe projektesh për promovimin e veprimtarive të *startup*-eve. Shumica e organizatave janë të përqendruara në Tiranë. Për shkak të komunitetit të vogël të *startup*-eve, organizatat mbështetëse kanë vështirësi për tërheqjen e masës kritike të *startup*-eve me potencial zhvillimi, në mënyrë që të ndërtohen struktura mbështetëse të qëndrueshme. Mbështetja e qeverisë për zhvillimin e sektorit të *startup*-eve dhe niveli i bashkëpunimit midis organizatave mbështetëse dhe qeverisë është ende i dobët.

Megjithatë, palët e interesit theksojnë se gjatë viteve të fundit janë bërë një sërë përmirësimesh në ekosistemin e *startup*-eve dhe të inovacionit. Ata shohin mundësi premtuese për rritjen e veprimtarive sipërmarrëse në vend, për shkak të popullsisë relativisht të re në kërkim të punësimit dhe një kontigjent premtues talentesh, përfshirë numrin e madh të të diplomuarve në institucionet e arsimit të lartë dhe përqindjen në rritje të të rinjve që njohin gjuhë të huaja (veçanërisht anglisht, italisht dhe gjermanisht). Sipas konsultimeve me palët e interesit, Qeveria Shqiptare e ka njohur dhe kuptuar potencialin e *startup*-eve dhe të bizneseve inovative për rritjen ekonomike të vendit. Kjo demonstron në veprimtaritë për përmirësimin e paketës së politikave. Strategji dhe plane veprimi të ndryshme integrojnë ose fokusohen tek inovacioni,

për shembull, Strategjia Kombëtare për Zhvillim dhe Integrim, Strategjia Kombëtare për Shkencën, Teknologjinë dhe Inovacionin, Plani i Veprimit për Sipërmarrjen e Grave dhe Plani i Veprimit i Spirales së Trefishtë. Me përpjekje të përbashkëta dhe nën drejtimin e ministrit të Shtetit për Mbrojtjen e Sipërmarrjes dhe Ministrisë së Financave dhe Ekonomisë është hartuar një kuadër ligjor për *startup*-et inovative. Gjithashtu, Shqipëria aktualisht po zhvillon një strategji për specializimin inteligjent bazuar në një qasje pjesëmarrëse.

Tregtia

Shqipëria ka një sërë Marrëveshesh për Tregtinë e Lirë, të cilat ofrojnë akses në tregje sipas preferencave. Shqipëria është anëtare e Organizatës Botërore të Tregtisë (OBT) dhe ka nënshkruar Marrëveshjen e Tregtisë së Lirë të Evropës Qendrore (CEFTA), e cila mbulon ekonomitë e Ballkanit Perëndimor dhe Moldavisë. Procesi i zbatimit të Planit të Veprimit për Tregun e Përbashkët Rajonal 2021–2024, në Ballkanin Perëndimor dakordësuar nga kryeministrat e Ballkanit Perëndimor, në Samitin e Sofjes, në nëntor 2020, do të rrisë bashkëpunimin ekonomik rajonal, duke forcuar tregtinë, investimet, integrimin digjital si dhe mobilitetin brenda rajonit. Negociatat për aderimin në Bashkimin Evropian do të hapin tregje të reja dhe do të harmonizojnë kuadrin ligjor dhe rregullator. Më shumë se 90% e produkteve shqiptare tashmë kalojnë në tregun evropian pa detyrime doganore. Gjithashtu, Shqipëria ka Marrëveshje për Tregtinë e Lirë (MTL) me vendet e EFTA-s (Islandën, Lihtenshtajnin, Norvegjinë dhe Zvicrën) dhe Turqinë dhe operon sipas Sistemit të Përgjithshëm të Preferencave (SPP) me SHBA-të, Australinë, Japoninë, Zelandën e Re, Federatën Ruse, Bjellorusinë dhe Kazakistanin.


Tregtia e mallrave dhe shërbimeve në vitin 2019 përbën 77% të PBB-së dhe volumi i përgjithshëm i tregtisë është rritur vazhdimisht gjatë viteve të fundit. Megjithatë, Shqipëria eksporton më pak se shumica e vendeve në rajon, ku eksportet e mallrave dhe të shërbimeve përbëjnë 31.6% të PBB-së krahasuar me 40.1% në Bosnjë dhe Hercegovinë, 43.7% në Malin e Zi, 51.0% në Serbi dhe 62.3% në Maqedoninë e Veriut.⁴⁰ Eksportet janë rritur gjatë viteve të fundit (nga 29%

³⁹ BE për Inovacionin (2019), Ekosistemet sipërmarrëse në Shqipëri me fokus në Tiranë.

⁴⁰ Të dhënat e Bankës Botërore.

në vitin 2016) por kanë shfaqur pak larmi për sa u përket produkteve dhe tregjeve.

Grafiku 4. Eksportet e mallrave dhe shërbimeve



Vendet evropiane zënë 94% të eksporteve totale në vitin 2020. Italia është destinacioni kryesor i eksporteve, duke marrë më shumë se 45.4% të eksporteve të mallrave, e ndjekur nga Kosova (9.6%), Spanja (6.1%), Gjermania (5.8%), Greqia (4.8%) dhe Maqedonia e Veriut (3.3%).⁴¹

Tabela 9. Eksportet sipas produkteve 2020

Produktet	Milionë lekë	% - pjesë tregu
Ushqime, pije, duhan	39,050	14,4
Minerale, lëndë djegëse, energji elektrike	39,915	14,7
Produkte kimike dhe plastike	7,409	2,7
Lëkurë dhe prodhime lëkure	1,811	0,7
Prodhime druri dhe artikuj prej letre	8,643	3,2
Tekstile dhe këpucë	102,344	37,6
Materiale ndërtimi dhe metale	41,809	15,4
Makineri, pajisje dhe pjesë këmbimi	22,396	8,2
Të tjera	8577	3,2
Totali	271 955	100


Burimi: Instituti i Statistikave në Shqipëri

⁴¹ Instituti i Statistikave në Shqipëri.

Fokusi i mallrave të eksportuara është mbi tekstilet dhe këpucët, materialet e ndërtimit, mineralet, lëndët djegëse dhe energjia elektrike, ushqimet, pijet dhe duhani. Eksportet e mjeteve të komunikimit dhe të teknologjisë së lartë përbëjnë 3.6% të mallrave të eksportuara, një normë shumë më e ulët se në vendet e tjera të rajonit e cila varion nga 23.5% në Malin e Zi në 59.6% në Maqedoninë e Veriut. Vlera e eksporteve të shërbimeve është tri herë më e lartë se ajo e eksporteve të mallrave. Shërbimet e udhëtimit dominojnë eksportet e shërbimeve.⁴²

Pandemia COVID-19 dhe recensionin ekonomik që ajo solli në BE rezultoi në uljen e kërkesës nga vendet e rëndësishme të destinacionit, si: Italia, Spanja dhe Kosova. Eksportet ranë me 9% në vitin 2020 krahasuar me vitin 2019. Ndikimi negativ u ndie më shumë te mineralet, lëndët djegëse dhe energjia elektrike (-20%), lëkura dhe prodhimet e lëkurës (-6%) dhe tekstilet dhe këpucët (-13%). Ndërsa eksportet e ushqimeve, pijeve dhe duhanit (+10%) dhe makinerive, pajisjeve dhe pjesëve të këmbimit (+7%) shënuan rritjeve në vitin 2020. Kufizimet e udhëtimeve patën ndikim negativ në eksportin e shërbimeve turistike.⁴³

Grafiku 5 Fluksi i IHD-ve (milione Euro)



Burimi Të dhënat e Bankës Botërore

Pavarësisht zhvillimeve pozitive gjatë viteve të fundit, ekonomia shqiptare është integruar vetëm pjesërisht në zinxhirin e vlerave globale. Siç është theksuar në konsultimet me palët e interesit, eksportet mbeten të kushtëzuara nga barrierat jotarifore dhe mbështetja për NVM-të është e kufizuar. Sipas një raporti të fundit të Bankës Botërore, infrastruktura e cilësisë është forcuar, por ka ende disa pengesa, për shembull në fushën e procedurave sanitare dhe fitosanitare. Bashkë-

punimi ndërmjet agjencive të brendshme dhe të jashtme kufitare, kërkesat për dokume-tacion, praktikatat doganore joeficiente, kostot për procedurat e pajtueshmërisë me rregullat kufitare dhe mangësitë në infrastrukturën e transportit kufizojnë më tej tregtinë.⁴⁴ NVM-të mund të marrin mbështetje teknike nga AIDA, duke përfshirë për shembull informacion mbi tregun dhe asistencë në hartimin e planeve të marketingut. Ndihma financiare është dhënë përmes Fondit të Konkurrueshmërisë, i cili mbulonte, për shembull 70% të kostos së eksportit që lidhej me përmirësimin e produkteve dhe pjesëmarrjen në panairët tregtare ndërkombëtare. Përveç aktiviteteve *ad-hoc* të sistemeve të referimit *benchmarking*, Shqipëria ende nuk ka një program zyrtar qeveritar për të mbështetur integrimin e NVM-ve në zinxhirin e vlerave globale.⁴⁵

Investimet e huaja direkte (IHD)

Fluksi i IHD-të është rritur ndjeshëm në dhjetë vitet e fundit - i nxitur, ndër të tjera, nga reformat e klimës së investimeve. Në vitin 2019, fluksi i IHD-ve arriti në më shumë se 1 miliard €, duke u rritur me 14.6% nga viti 2016. FDI-të neto zënë 7.6% të PBB-së – një nga vlerat më të larta në vendet e Ballkanit Perëndimor.⁴⁶

Si pasojë e pandemisë COVID-19, fluksi i IHD-ve gjatë tre tremujorëve të parë të vitit 2020 u ul me 13.7% krahasuar me të njëjtën periudhë në vitin 2019.⁴⁷

Vendet e BE-ja mbeten burimi kryesor i IHD-ve në Shqipëri dhe në fund të vitit 2020 zënë 54.2% të stokut total të IHD-ve. Vendet kryesore të burimit të IHD-ve përfshijnë Zvicrën (18.9% të stokut), Holandën (16.2%), Kanadanë (12.8%), Italinë (9.6%) dhe Turqinë (7.2%).⁴⁸

Sipas të dhënave të Qendrës Kombëtare të Biznesit, 12,944 kompani të huaja janë aktive në territorin e Shqipërisë. Rreth 80% e tyre janë 100% me kapital të huaj (10,231), ndërsa pjesa tjetër janë ndërmarrje të përbashkëta (2,713). Pjesa më e

⁴⁴ Banka Botërore (2019) Diagnostikimi Sistemik për Shqipërinë.

⁴⁵ OECD/ETF/BE/BERZH (2019), Indeksi i Politikave për NVM-të: Ballkani Perëndimor dhe Turqia 2019, Vlerësimi i Zbatimit të Ligjit për Biznesin e Vogël për Evropën.

⁴⁶ Të dhënat e Bankës Botërore.

⁴⁷ Banka e Shqipërisë.

⁴⁸ Banka e Shqipërisë.

⁴² Instituti i Statistikave në Shqipëri/ Të dhënat e Bankës Botërore.

⁴³ Instituti i Statistikave në Shqipëri.



madhe e këtyre kompanive (69%) operojnë në qarkun e Tiranës. Pjesa më e madhe e kompanive të huaja në Shqipëri janë me origjinë italiane (40%), të ndjekura nga ato me origjinë kosovare (8.8%), greke (6.4%) dhe turke (5.5%). Kompanitë e huaja/ndërmarrjet e përbashkëta operojnë në fusha të ndryshme të aktivitetit ekonomik.

Tabela 10. IHD sipas vendit të origjinës (tremujori i tretë)

Vendi i origjinës	Përqindja e stokut të IHD-ve 2020	Fluksi i IHD-ve (milionë euro)	
		2019	2020
Zvicra	18.9	39	45
Holanda	16.2	77	41
Kanadaja	12.8	Nuk zbatohet	Nuk zbatohet
Italia	9.6	44	35
Turqia	7.2	9	21
Austria	6.6	5	15
Bullgaria	6.2	3	1
Greqia	5.7	3	3
Franca	3.8	6	17

Në fund të vitit 2018, energjia dhe miniera përbënin 40% të stokut total të IHD-ve, të ndjekura nga sektori i informacionit dhe komunikimit (16%) dhe shërbimet financiare (14%). Më pak se 10% e të gjitha IHD-ve në vend janë të fushës e manufakturës.⁴⁹ Siç është konfirmuar në diskutimet e grupeve të punës, lidhjet ndërmjet firmave të huaja dhe atyre lokale janë ende relativisht të dobëta.

Klima e investimeve të huaja

Klima e investimeve në Shqipëri është përmirësuar gjatë viteve të fundit. Sipas Indeksit 2019 të OECD-së për Kufizimet Rregullatore të IHD-ve, regjimi i IHD-ve në Shqipëri është më pak kufizues se sa mesatarja e OECD-së apo ekonomisë së BE-së, por më pak i hapur ndaj IHD-ve se sa vendet e tjera të Ballkanit Perëndimor. Indeksi i IHD-ve mat kufizimet ligjore në investimet e huaja direkte në 22 sektorë të ekonomisë në 69 vende. Kufizimet vlerësohen me një shkallë nga 0 (të hapura) në 1 (të mbyllura) Rezultati i përgjithshëm i Shqipërisë është 0.057 krahasuar me 0.064 që është mesatarja e OECD-së.⁵⁰ Legjislacioni shqiptar për investimet është pjesërisht i përafëruar me

politikat e BE-së, dhe negociatat për aderimin në BE risin tërheqjen dhe reputacionin e vendit si destinacion investimi. Përveç regjimit të liberalizuar të investimeve, avantazhet e Shqipërisë përfshijnë pasurinë në vlera dhe burime natyrore për zhvillimin e mëtejshëm të agrobiznesit, turizmit dhe prodhimit të energjisë së rinovueshme, vendndodhjen e afërt me tregjet e mëdha dhe kostot operationale konkurruese.

Në vitin 2017, Shqipëria prezantoi ligjin për krijimin dhe funksionimin e zonave të teknologjisë dhe zhvillimit ekonomik (TEDA), me qëllim tërheqjen e IHD dhe promovimin e zhvillimit ekonomik. U përcaktuan një sërë zonash në të gjithë vendin, por ato janë ende në fazën e planifikimit/zhvillimit.

AIDA është agjencia e dedikuar për promovimin e investimeve dhe lehtësimin e dhënies së informacionit, kontakteve dhe mbështetjes për investitorët e mundshëm dhe ekzistues. Me qëllim tërheqjen e IHD-ve, në vitin 2015 qeveria miratoi ligjin për investimet strategjike, i cili përcakton stimujt për investime dhe ofron procedura administrative të shpejta për investitorët strategjikë përmes qendrës së shërbimit me një ndalesë që administrohet nga AIDA. Gjatë periudhës 2016–2020, janë miratuar 19 investime strategjike me një investim total prej

⁴⁹ BERZH (2019), Diagnostikimi i Shqipërisë 2019.

⁵⁰ Indeksi 2019 i OECD-së për Kufizimet Rregullatore të IHD-ve.



1.2 bilionë €. Projektet fokusohen kryesisht në turizëm, bujqësi, industri dhe energji. Gjithashtu, investitorët në fushën e energjisë dhe minierave, transportit infrastrukturës, turizmit, bujqësisë, manufakturës dhe BPO-së mund të aplikojnë për lehtësi fiskale, kryesisht në formën e përjashtimit nga/ulje të taksave dhe ulje të çmimit të qirasë së tokës. Në fund të vitit 2020, u zhvilluan tetë projekte me interes në fushën e investimeve në Shqipëri, kryesisht nga Gjermania dhe Italia si dhe nga Holanda, Kina dhe Japonia. Vlera totale e këtyre projekteve të investimeve arrin në rreth 94 milionë euro dhe parashikohet të hapen 4,090 vende të reja pune.

Pavarësisht zhvillimeve pozitive, diskutimet në grupet e punës dhe palët e interesit në intervista kanë theksuar mungesën e një profili të qartë dhe ndërgjegjësimin e ulët të Shqipërisë si destinacion investimi. Gjithashtu, fusha e veprimtari e kufizuar e paketës politike, e cila fokusohet në stimujt fiskalë (të bazuar në fitim), oferta e kufizuar e zonave të investimit dhe mungesa e zonave operationale pengojnë rritjen e investimeve.

Duke ditur se Shqipëria aspiron për t'u bërë një vend kandidat për anëtar i BE-s, *benchmark*-u i BE-së është i rëndësishëm, por, gjithashtu, është i rëndësishëm krahasimi me vendet e Evropës Juglindore (SEE) në aspektin e konkurrencëshmërisë.

Strategjia e Zhvillimit të Biznesit dhe Investimeve 2014–2020

Në vitin 2014, u miratua Strategjia e Zhvillimit të Biznesit dhe Investimeve 2014–2020 hartuar nga Ministria përgjegjëse për ekonominë. Për monitorimin e zbatimit të kësaj strategjie janë hartuar tri raporte monitorimi, të cilat vlerësojnë nivelin e zbatimit në masën 75%. Më konkretisht:

- Raporti i parë i monitorimit vlerësoi zbatimin e strategjisë, për periudhën 2015–2016;
- Raporti i 2-të i monitorimit vlerësoi zbatimin e strategjisë, për periudhën 2017–2018;
- Raporti i 3-të i monitorimit vlerësoi zbatimin e strategjisë, për vitin 2019 dhe periudhën janar–gusht 2020

Monitorimi për vitin 2020, vlerësoi se janë zbatuar 19 masa, janë 22 masa të zbatuara pjesërisht dhe 7 masa nuk u zbatuan.

Për monitorimin e SZHBI-së u zhvilluan takime në Ministrinë e Financave dhe Ekonomisë me përfaqësues të institucioneve, në mënyrë që të njihen masat e Planit të Veprimit, duke qenë se në raportin e monitorimit 2016–2018, kjo strategji nuk ishte e njohur për shumicën e palëve të interesit. Një problem i përgjithshëm me të cilin u përballën të gjitha institucionet, ishte formulimi i paqartë i masave në Planin e Veprimit. Vihen re edhe mangësi, si:

- ndarja e pasaktë e kompetencave të institucioneve për zbatimin e masave;
- mosraportimi periodik i institucioneve për zbatimin ose jo të masave;
- masa me formulim të ndryshëm, por me të njëjtin kuptim.

Disa nga masat që nuk u zbatuan nga kjo Strategji janë përfshirë të zbatohen në Strategjinë e re 2021–2027. Për të shmangur disa nga problematikat e sipërcituara, gjatë hartimit të SZHBI-së 2021–2027 u krijuan katër grupe pune me përfaqësues të institucioneve të ndryshme dhe u punua me ta për propozimin e reformave dhe masave të reja prioritare.

Situata aktuale dhe reformat e vazhdueshme, në lidhje me mjedisin e biznesit janë përmbledhur si më poshtë:

- Regjistrimi i një biznesi dhe aplikimi për licenca dhe leje është modernizuar. Pas bashkimit të Qendrës Kombëtare të Regjistrimit dhe Licencimit për të krijuar Qendrën Kombëtare të Biznesit (QKB), më 2016, sipërmarrësit mund të marrin shërbime të tilla, si regjistrimi i biznesit, lejet dhe licencat në vetëm “një ndalesë”. Krijimi i QKB-së ka luajtur një rol kryesor në uljen e burokracisë dhe procedurave të panevojshme për NVM-të.

- Digjitalizimi i shërbimeve qeveritare që ka ulur barrën administrative për NVM-të. Nga 1 janari 2020, filloi një proces i ri për shërbimet publike ai i ofrimit të 472 aplikimeve të shërbimeve publike për qytetarët dhe bizneset ekskluzivisht *online*. Qytetarët dhe bizneset aplikojnë vetëm *online* përmes platformës *e-Albania* dhe janë punonjësit e administratës publike që u kërkohet të sigurojnë të gjitha dokumentet shoqëruese shtetërore. Të gjitha të dhënat dhe dokumentet qeveritare tani janë duke u përdorur dhe ripërdorur brenda administratës, duke lehtësuar qytetarët nga barra e mbledhjes së



tyre fizikisht në kopje fizike në sportelet e shtetit. Është ngritur një sistem i dedikuar për ndërveprimin e të gjitha institucioneve, me qëllim shkëmbimin e të gjitha dokumenteve të bashkangjitura të dosjes së qytetarit në formë elektronike, pa letër dhe me nënshkrim elektronik. Kjo zvogëlon barrën mbi qytetarët dhe bizneset në institucione dhe dokumentet e vetme që ata duhet të ngarkojnë janë vetëdeklarimet dhe dokumentet që ata marrin nga subjektet private. Në mënyrë që të zvogëlohen sa më shumë që të jetë e mundur burokracitë e lidhura me shërbimet publike, ata iu nënshtruan një procesi të derregullimit, me qëllim të:

- Reduktimit të numrit të dokumenteve shoqëruese që u kërkojnë qytetarëve/bizneseve;
- Rërxhinierimit të të gjithë procesit të sigurimit të tyre, në mënyrë që të reduktohen hapat e proceduralë, të digjitalizohen proceset e brendshme duke ulur kështu burokracitë, kostot dhe kohën për qytetarët.

- Nga 1 janari 2020, Ministria e Financave dhe Ekonomisë ofron përmes portalit qeveritar *e-Albania* 194 shërbime, si për biznesin ashtu edhe për qytetarët. Këto shërbime lehtësojnë biznesin e përditshëm, duke kursyer kohë dhe, gjithashtu, përmirësojnë ofrimin e shërbimeve. Pothuajse 100% e kompanive të regjistruara ngarkojnë pasqyrat financiare dhe raportin e auditimit në internet. Shërbimet e zyrës së taksave 99.5% mund të bëhen *online*. Që nga prilli i vitit 2018 *e-Albanian* mund të mbështesë kompanitë të regjistruar dhe të bëjnë pagesa në internet, por fatkeqësisht ky aplikacion nuk përdoret shumë nga biznesi, për shkak të qasjes dhe mentalitetit të tyre.

- **Reforma e derregullimit:** Me reformën e derregullimit, u propozua eliminimi i 21 licencave të siguruara nga Qendra Kombëtare e Biznesit. Për këtë qëllim u hartuan 15 projektligje, që synojnë të ndryshojnë legjislacionin ekzistues të sektorit.

Për më tepër, për të lehtësuar më tej procesin e licencimit, nga QKB-ja janë propozuar si vijon:

- tetë licenca të zhvendosen nga grupi 3 në grupin 1;
- nëntë licenca të zhvendosen nga grupi 3 në grupin 2;

- 17 licenca të zhvendosen nga grupi 2 në grupin 1.

Propozimet për të lëvizur licencat nga një grup në tjetrin synojnë të thjeshtojnë procedurën për të shqyrtuar dhe dhënë një licencë dhe për të zvogëluar barrën dhe koston burokratike. Gjatë vitit 2018, procesi i vlerësimit të shërbimeve publike ka filluar nga Agjencia e Ofritit të Shërbimeve të Integruara në Shqipëri (ADISA) në bashkëpunim me Ministrinë e Financave dhe Ekonomisë dhe institucionet e saj në varësi. 15 institucionet vartëse të Ministrisë së Financave dhe Ekonomisë ofrojnë gjithsej 511 shërbime publike për qytetarët/bizneset. Proces i përgatitjes së kartelevë informuese është finalizuar për këto shërbime.

- **Forcimi i infrastrukturës së cilësisë ka përmirësuar konkurrueshmërinë e NVM-ve.** Në zbatim të Planit Kombëtar për Integrimin Evropian, Shqipëria ka bërë hapa të shpejtë në transpozimin e standardeve të Bashkimit Evropian dhe forcimin e kapaciteteve të saj institucionale për infrastrukturën e cilësisë.

- **Sipërmarrjet dhe NVM-të.** Që nga viti 2012, moduli i sipërmarrjes është përfshirë në sistemin e arsimit profesional dhe është akoma në proces përmirësimi. Ekziston një bashkëpunim midis shkollës arsimore profesionale dhe komunitetit të biznesit në mënyrë që të kombinohen nevojat dhe aftësitë e kërkuara nga kompanitë me cilësinë e studentëve të prodhuar nga këto shkolla arsimore profesionale. Çdo shkollë ka të paktën tre përfaqësues nga komuniteti i biznesit në bordin e tyre të menaxhimit.

- **NVM-të inovative.** Përparimi i NVM-ve inovative matet përmes inkubatorit dhe krijimit të klasterave. Gjatë vitit 2019 është themeluar klasteri i drurit. Programi GIZ/Fondi i Hapur Rajonal për Tregtinë e Jashtme ka ndihmuar partnerët shqiptarë për krijimin dhe forcimin e klasterit të Industrisë së Drurit WICA të Shqipërisë. Aktualisht, grupi ka 12 anëtarë themelues. *Green Ideas* është një konkurs vjetor i organizuar nga partnerët në Shqipëri, i cili synon të shërbejë si një inkubator për idetë e zhvillimit të gjelbër në shkallë të vogël në Shqipëri, duke përdorur burimet lokale dhe duke ringjallur traditat e prodhimit dhe tregjeve të bazuara në komunitet në një mënyrë miqësore me mjedisin



- **Rritja e kapaciteteve institucionale që mbështesin NVM-të:** Gjatë vitit 2019, Agjencia Shqiptare e Zhvillimit të Investimeve (AIDA) si promovuesi zyrtar i investimeve, zhvillimit të NVM-ve dhe agjencia e nxitjes së eksportit në Shqipëri kaloi në një reformë rishërtim. Në qershor 2019, Bordi i AIDA-s miratoi strukturën e re të AIDA-s, duke krijuar njësi dhe funksione të reja që mbulojnë çështje horizontale si koordinimi, kërkimi dhe shërbimet e *after-care*. Njësia e koordinimit është përgjegjëse për koordinimin me organizatat ndërkombëtare dhe aktorët e tjerë të interesuar, si dhe institucionet shqiptare. Kërkimi është përgjegjës për përgatitjen dhe përditësimin e informacionit, shënjestrimin etj. Në të ardhmen e afërt AIDA synon të zgjerojë rrjetin e bashkëpunimit me bashkitë e reja, si dhe me aktorë të tjerë të interesuar, në mënyrë që të jetë më afër biznesit. Gjatë vitit 2019 struktura u rrit nga 29 në 39 punonjës (34% rritje).

- **Grantet për mbështetjen e buxhetit të shtetit që mbështesin NVM-të.** Një nga funksionet kryesore të MFE-së është të mbështesë biznesin, veçanërisht ndërmarrjet e vogla dhe të mesme. Aktualisht, kjo mbështetje sigurohet nga AIDA. Gjatë periudhës 2014–2019 shuma e buxhetit të shtetit ishte gjithsej 264 milionë lekë të dhëna për 373 biznese.

Liberalizimi i tregtisë së shërbimeve me vendet në rajon. Protokolli shtesë 6 në CEFTA hyri në fuqi në janar 2021 Aktualisht ka filluar puna për zbatimin dhe monitorimin i tij.

Regjimi tregtar nuk ka pësuar ndonjë ndryshim thelbësor dhe ka ruajtur nivelin e tij të përgjithshëm të hapjes gjatë vitit të kaluar. Hapja e tregtisë për vitin 2018, si një pjesë e PBB-së, arriti në 56%, ndërsa koeficienti i mbulimit të eksporteve/importeve tregoi një rritje të lehtë nga 43.6% për 2017 në 48.4% për 2018. Gjatë vitit 2019, eksportet e mallrave në vendet e BE-28 në 228.9 miliardë lekë, ose rreth 76.6% të eksporteve totale. Këto eksporte ranë me rreth 2.9% krahasuar me 2018-en. Gjatë së njëjtës periudhë, importet e mallrave nga vendet e BE-28 arritën në 379.7 miliardë lekë, duke regjistruar një rënie në terma vjetorë me 3%. Importet nga këto vende zënë rreth 58.4% të importeve totale. Italia është destinacioni kryesor i eksporteve shqiptare, ku gjatë vitit 2019, kanë shkruar 47.9%

e eksporteve totale. Për eksportet totale Spanja rezultoi me 8%, Gjermania me 4.8% dhe Greqia me 4.3% Vende partnere të rëndësishme brenda BE-28 janë Italia me 62.5%, Spanja 10.5%, Gjermania 6.2% dhe Greqia 5.6%, Franca me 2%. Në të njëjtën kohë, pjesën kryesore në importet nga vendet e BE-28 e zë Italia me 43.2%, Greqia me 14.3% dhe Gjermania me 12.3%. Për importet totale, Italia zë 25.2%, Greqia 8.4% Gjermani 7.2%. Gjatë vitit 2019, eksportet e mallrave në vendet e CEFTA-s arritën në 51.4 miliardë lekë me një rritje vjetore prej 1.3%. Ato përbënin 17.2% të totalit të mallrave të eksportuara. Importet nga vendet e CEFTA-s arritën në 44.5 miliardë lekë ose rreth 6.9% të importeve totale, me një rënie në terma vjetorë prej 1.4%. Sipas të dhënave doganore, eksportet shqiptare në partitë e CEFTA-s janë rritur me 8% në vëllim dhe me 1% në vlerë gjatë vitit 2019 krahasuar me 2018.

- **Komiteti Kombëtar për Lehtësimin e Tregtisë** funksionon që nga viti 2016 si një platformë e brendshme për të lehtësuar çështjet tregtare dhe zbatimin e politikës ekonomike që prekin të gjithë zinxhirin e furnizimit. Gjatë vitit 2018 disa nga arritjet e këtij komiteti janë:

MAP REA u promovua në korrik 2018, si një plan veprimi teknik konkret duke iu referuar të gjitha masave në shtyllën tregtare.

- Studim mbi “Pengesën e eksporteve për produktet bujqësore”.

- Inventari tarifor dhe pagesa e zbatueshme për importin dhe eksportin shqiptar.

- Studim paraprak për vlerësimin e kapacitetit të biznesit për të marrë statusin e Operatorit të Autorizuar Ekonomik

- Shqipëria, si kryesuese e CEFTA-s për vitin 2019, ka marrë pjesë dhe ka kontribuar në mënyrë konstruktive në të gjitha takimet dhe aktivitetet e CEFTA-s. Për më tepër, gjatë kësaj kryesie, nga Takimi i Përbashkët Ministror, i mbajtur më 18 dhjetor 2019 në Tiranë, u miratuan vendime shumë të rëndësishme nga palët e CEFTA, të tilla si: vendimi për njohjen reciproke të statusit të AEO; protokollin AP 6 i Shtesave të Tregtisë së Shërbimit dhe Rekomandimi për miratimin e Strategjisë së Menaxhimit të Rrezikut. Që nga viti 2018 zyrat doganore filluan deklaratën me porosi *online*, të cilat sjellin përmirësimin e shërbimit, bashkimin



me zyrat e tjera doganore rajonale dhe të BE-së dhe kufizojnë korrupsionin. Kjo funksionon që nga viti 2019.

Tërheqja e investimeve të huaja direkte

- 100 spote publicitare, promovime janë realizuar në mediat e shkruara dhe vizive gjatë periudhës 2016–2018 të organizuara në vende të ndryshme të botës. Gjatë vitit 2016–2018 janë organizuar rreth 300 aktivitete promovuese, konferenca, panairë, ekspozita, forume, takime B2B etj.

- AIDA është aktori kryesor në tërheqjen e investimeve të huaja në Shqipëri. Agjencia promovon dhe mbështet investimet e huaja direkte në Shqipëri në sektorë të ndryshëm dhe ndërmerr të gjitha iniciativat e nevojshme për zhvillimin e sektorit privat dhe përmirësimin e klimës së biznesit, duke ndihmuar subjektet tregtare private në të gjitha fazat e aktivitetit të tyre të biznesit, përmes ndërhyrjes dhe bashkëpunimi me subjektet e tregtisë së jashtme dhe organet shtetërore. Si një Agjenci ndërmjetëse midis investitorëve të huaj dhe Qeverisë së Shqipërisë, AIDA u siguron investitorëve akses në informacionin e azhurnuar, si dhe ndihmë gjatë vizitave të mundshme në terren dhe fazave të ndryshme të zbatimit të projektit. AIDA, gjithashtu, mbështet qëndrueshmërinë e kompanive ekzistuese dhe investimet përmes monitorimit të personalizuar dhe ndihmës së vazhdueshme *after-care*.

Leading

Drejtoria e Investimeve dhe *After-care* në AIDA arriti numrin e 13 projekteve kryesore deri në fund të vitit 2019, nga të cilat 2 janë materializuar. Shumica e këtyre projekteve *Lead* vijnë nga Italia dhe Gjermania, pasuar nga kompanitë greke, izraelite, koreane dhe japoneze, të cilat kanë shprehur interesin e tyre për të kryer projekte investimi në Shqipëri. Vlera totale e këtyre investimeve arrin në rreth 470 milionë euro, ndërsa numri i të punësuarve në këto aktivitete vlerësohet të jetë mbi 4400. Lidhur me fushat e veprimtarisë së këtyre projekteve, interesi kryesor ka qenë në sektorët e prodhimit, industrisë së automobilave, si dhe industrive nxjerrëse dhe përpunuese.

After-care

AIDA ofroi ndihmë për 26 kompani gjatë vitit 2019, duke identifikuar dhe ofruar zgjidhje për problemet e tyre përkatëse.

Investimet strategjike

Ligji nr. 55/2015 për investimet strategjike në Republikën e Shqipërisë ofron garancitë maksimale ligjore për investitorët e huaj. Ky ligj është i bazuar në dy elemente kryesore: zvogëlimin e rreziqeve kontraktuale dhe ligjore për investitorët e huaj dhe vendës dhe miratimin e procedurave “të shpejta”. Gjithashtu, ai siguron një sistem efikas dhe efektiv për tërheqjen dhe mbështetjen e investitorëve vendës dhe të huaj në një nga sektorët strategjikë ekonomikë. AIDA (Agjencia Shqiptare e Zhvillimit të Investimeve) është struktura administrative përgjegjëse, që ofron ndihmë për investitorët përmes një “dritare unike”. AIDA mund të ndihmojë investitorët me të gjitha procedurat administrative dhe burokratike deri në përfundimin e projektit të investimit. Për më tepër, AIDA shërben si sekretaria teknike e KIS-së. Investimet strategjike ndryshojnë në vlerë nga 1 në 50 milionë euro dhe në disa sektorë kërkohet të hapet një numër i caktuar i vendeve të lira të punës. Investimi strategjik është i gjithë investimi privat, publik ose publik - privat në sektorët strategjikë. Rezultatet e zbatimit të ligjit strategjik janë si më poshtë:

- 31 projekte – në proces asistimi nga AIDA;
- 9 projekte në fazë aplikimi;
- 27 projekte të miratuara nga KIS-i;
- 11 projekte të refuzuara nga KIS-i.

AIDA ka ndihmuar më shumë se 14 kompani. Periodikisht, janë zhvilluar takime me përfaqësues të ndryshëm të këtyre kompanive, të cilat kishin interes paraprak për të marrë statusin strategjik nga investitorët vendës dhe të huaj dhe u ndihmuar në përgatitjen e dokumentacionit përkatës. Lidhur me tremujorin e parë të vitit 2020, AIDA vlerësoi tri projekte të reja, kryesisht në turizëm, bujqësi dhe zonat e zhvillimit ekonomik teknologjik. Në procesin e ndihmës janë 17 projekte më shumë ku informacioni, në lidhje me procedurën strategjike të investimeve u shpërndahet kompanive. Për shkak të situatës së krijuar si rezultat i virusit korona në Shqipëri, AIDA, gjatë periudhës mars–prill 2020 ka qenë në kontakt të vazhdueshëm me investitorë



strategjikë. AIDA ka kontaktuar kompanitë përmes postës elektronike dhe telefonatave. Informacion rreth masave dhe planit financiar të miratuar nga Qeveria, të cilat kryesisht synojnë të lehtësojnë ndikimin negativ të situatës me të cilën përballen bizneset, për shkak të gjendjes së jashtëzakonshme u dërguan këtyre kompanive.

Në vitin 2019 është miratuar Strategjia Kombëtare për diasporën, me ligjin nr. 32/2018 për “Fondin Shqiptar të Zhvillimit për Diasporën”. Agjencia zbatuese e kësaj strategjie është Fondi Shqiptar i Zhvillimit për Diasporën, i cili synon të sigurojë dhe alokojë burime financiare në kuadrin e promovimit të zhvillimit socio-ekonomik dhe kulturor, inkurajimin dhe promovimin e tendencave dhe investimeve filantropike në mbështetjen e zhvillimit të Diasporës në Republika e Shqipërisë dhe jashtë saj.

Në angazhimin e diasporës shqiptare për zhvillimin ekonomik të vendit është miratuar Strategjia Kombëtare për Diasporën (e rishikuar) me vendimin nr. 585, datë 22.7.2020, të Këshillit të Ministrave. Në funksion të këtij dokumenti janë miratuar ligji nr. 115, datë 18.12.2017, “Për krijimin e Agjencisë Kombëtare të Diasporës”, ligji nr. 16, datë 5.4.2018, “Për diasporën” dhe ligji nr. 32/2018 për “Fondin Shqiptar të Zhvillimit për Diasporën”. Agjencitë shtetërore të diasporës dhe veçanërisht Fondi Shqiptar i Zhvillimit për Diasporën, synojnë të sigurojnë burime financiare në kuadrin e promovimit të zhvillimit socio-ekonomik dhe promovimin e tendencave dhe investimeve në ekonominë shqiptare. Në këtë kuadër është miratuar edhe vendimi nr. 419, datë 27.5.2020, “Për miratimin e programit shtetëror për mbështetje në fuqizimin dhe angazhimin e diasporës shqiptare”.

Krijimi i zonave të lira dhe parqeve industriale (TEDA)

Lidhur me ngritjen e Zonës së Teknologjisë dhe Zhvillimit Ekonomik në Elbasan, Ministria e Financave dhe Ekonomisë negocioi kontratën me zhvilluesin “Italdruri Elbasan” LLC. Pas kësaj, Këshilli i Ministrave miratoi vendimin e tij nr. 238, datë 20.3.2020, “Për miratimin e nënshkrimit të kontratës ndërmjet Ministrisë së Financave dhe Ekonomisë dhe zhvilluesit, ‘Italdruri Elbasan’ LLC për ndërtimin, mirëmbajtjen dhe funksionimin e teknologjisë

zona e zhvillimit në Elbasan”. Ministria e Financave dhe Ekonomisë dhe zhvilluesi i saj “Italdruri Elbasan” nënshkruan kontratën dhe pajisur shoqërinë me licencën e zhvilluesit.

TEDA në truall shtetëror

Janë shpallur me vendim të Këshillit të Ministrave “TEDA Spitallë”, me sipërfaqe 49.1 ha dhe “TEDA Koplik” Malësi e Madhe, me sipërfaqe 62 ha. Së shpejti do të fillojnë procedurat për përzgjedhjen e zhvilluesit.

TEDA me qeverinë qendrore ose zhvilluesin e njërive të qeverisjes vendore

Bashkia e Tiranës, për projektin e TEDA Kashar, ka aplikuar pranë Agjencisë Shqiptare të Zhvillimit të Investimeve (AIDA) për të marrë statusin e investitorit strategjik.

Disa nga sfidat kryesore të evidentuara gjatë vlerësimit të SZHBI 2014–2020:

- Strategjia e BID-së është një strategji shumë komplekse, që lidhet me objektivat të përgjithshëm (jo SMART) dhe aktivitetet e planifikuara e bëjnë shumë të vështirë për pasqyrimin e duhur të tij.

- Kjo strategji ka realizuar 75% të aktiviteteve, sipas planit të veprimit, por progresi sipas treguesve është shumë i ulët;

- Mungesa e treguesve të monitorimit të progresit. Kjo strategji ka tregues të përgjithshëm. Kjo e bën shumë të vështirë matjen e ndikimit të drejtpërdrejtë të planit të veprimit të strategjisë.

- Një nga aspektet kryesore të suksesit të strategjisë është komunikimi. Kjo strategji ishte e njohur nga disa aktorë gjatë fazës së hartimit dhe nuk kishte asnjë përfshirje gjatë periudhës së zbatimit të tij.

- Shpërndarja e aktiviteteve në dimensione të ndryshme dhe partnerët përgjegjës për zbatimin e tyre nuk ishin shumë të qarta.

- Ka disa aktivitete që përmenden në planin e veprimit, por nuk ka tregues monitorimi për ta matur atë, si për shembull arsimi, trajnimi, flukset e IHD-ve etj.

- Nuk ka një sistem monitorimi dhe vlerësimi sistematik (muajor, 3 muaj, 6 muaj dhe në vit). Për të marrë informacionin e kërkuar për pasqyrën e strategjisë është pothuajse e pamundur, sepse për këtë nevojiten përpjekje shtesë.

- Asnjë masë ndikimi. Kjo strategji ka bërë shumë përmirësime në regjistrimin e biznesit,



pagesën e taksave, tregtinë dhe procedurat me porosi etj., por prapëseprapë sipas treguesve të të bërit biznes ne nuk renditemi shumë mirë ose ku duam të arrijmë. Arsyeja është se kjo strategji ka mungesë për matjen e ndikimit e çdo shërbimi që i ofron komunitetit të biznesit. Ky faktor është shumë i rëndësishëm, nëse dëshirojmë të përmirësojmë jo vetëm klimën e biznesit, por edhe kapacitetin e NVM-ve, IHD-të, eksportet etj., në vend dhe të ecim përpara.

- Ekzistojnë tri plane veprimi të hartuar brenda kësaj strategjie; *Triple Helix*, përgjegjësia e Korporatës Sociale dhe fuqizimi i sipërmarrjes së grave dhe nuk zhvillime për asnjë aktivitetet për t'i zbatuar ato.

- Asnjë koordinim jo vetëm brenda partnerëve të përfshirë në zbatimin e strategjisë, por edhe me donatorë dhe organizata të tjera që operojnë në fushën e promovimit të biznesit.

4. Vizioni dhe misioni i dokumentit

Vizioni

“Një ekonomi shqiptare konkurruese, e nxitur nga inovacioni dhe e bazuar në njohuri, e cila krijon vende pune të reja dhe më cilësore, duke shfrytëzuar mundësitë që ofron transformimi digjital dhe transformimi i zinxhirit të vlerave ndërkombëtare, me theksin mbi zhvillimin e qëndrueshëm, integrimin evropian dhe atë rajonal”

Misioni

“SZHBI 2021–2027” ka një kohëzgjatje shtatëvjeçare, brenda së cilës synohet të arrihet jo vetëm sukses por dhe qëndrueshmëri në veprimet e planifikuara e të realizuara. Në tërësinë e saj “SZHBI 2021–2027” përbëhet nga një qëllim strategjike kryesor, ku zënë vend edhe objektivat specifike, që reflektojnë nevojën për ndryshim apo shtimin e dimensioneve të reja drejt të cilave duhet të fokusohet vëmendja për adresimin e duhur të çështjeve të zhvillimit të biznesit, bazuar dhe në zhvillimet më të fundit, si dhe duke konsideruar çështje të lidhura me zhvillimin ekonomik dhe nxitjen e integritit në tregjet ndërkombëtare dhe zinxhirët e vlerës apo fushat e reja deri tani të paadresuara apo shumë pak të adresuara, në lidhje me zhvillimin e biznesit (digjitalizimi, kapitali njerëzor etj.).

Procesi i hartimit të kësaj Strategjie është udhëhequr nga parimet e mëposhtme:

- **Proces bashkëpunues** – duke përfshirë konsultime të vazhdueshme me palët e interesit gjatë të gjithë procesit;

- **Strategji e bazuar në prova** – përmes diagnostikimit të saktë, të përshtatur sipas nevojave specifike në faza të ndryshme;

- **Vlerësim i përvojës ndërkombëtare** – duke marrë në konsideratë dhe duke integruar praktikën e mirë në këtë drejtim;

- **Qasje specifike sipas kontekstit** – duke përshtatur strategjinë dhe veprimet me kontekstin specifik të vendit dhe veprimtaritë ekzistuese;

- **Qasje koherente** – duke siguruar një ndërveprim efektiv ndërmjet strategjive, fushave të ndërhyrjes dhe veprimeve të ndryshme;

- **Qasje e zbatueshme** – me fokus mbi masat efektive dhe realiste, duke marrë në konsideratë burimet dhe kapacitetet e disponueshme.

Duke marrë parasysh rezultatet e diagnostikimit fillestar, si dhe diskutimet në grupet e punës me ekspertët, *workshop*-in për hartimin e strategjisë dhe intervistat me ekspertë, SZHBI-ja e re është projektuar si një strategji ombrellë e zhvillimit ekonomik për NVM-të dhe investimet:

Duke përcaktuar transformimin strukturor të synuar dhe trajektoren e zhvillimit ekonomik;

Duke u fokusuar në objektivat e qartë të politikës dhe fushat e ndërhyrjes që trajtojnë mundësitë dhe sfidat kryesore për zhvillim ekonomik;

Duke krijuar një lidhje qendrore brenda kuadrit strategjik përmes shpalosjes së potencialeve, duke ndërlidhur programet dhe planet e veprimit, pa i mbivendosur me ato ekzistuese;

Duke vendosur theksin në nivelin horizontal dhe kombëtar;

Duke dhënë udhëzime për strategjitë e ardhshme tematike, rajonale dhe sektoriale përmes zhvillimit të veprimeve prioritare model, që mund të ndërmerren dhe të plotësohen.

SZHBI 2021–2027 do të luajë rolin siç përshkruhet në vijim:

Roli dhe qëllimi i SZHBI-së së re brenda kuadrit strategjik përkatës



. Strategjitë dhe programet e gjithëpërfshirëse në nivel kombëtar dhe ndërkombëtar - p.sh.:

Strategjia
Kombëtare për
Zhvillim dhe Integrim

Programi i
Reformave Ekonomike

Plani Kombëtar
për Integrimin
Evropian

MAP REA

Strategjia e BE-së
për NVM-të

*Në linjë me, duke u bazuar në dhe në plotësim
të masave përkatëse*

Strategjia e Zhvillimit të Biznesit dhe Investimeve (SZHBI) dhe Plani i Veprimit 2021–2027 – e cila përcakton...

- Vizionin, duke përcaktuar rrugën drejt zhvillimit ekonomik të dëshiruar;
- Tri fusha subjekt të ndërhyrjes: 1. Tërheqja e investimeve dhe ndërkombëtarizimi; 2. Zhvillimi i NVM-ve, sipërmarrja dhe inovacioni; 3. Zhvillimi i kapitalit njerëzor.
- Objektivat e politikës, objektivat specifikë dhe veprimet prioritare në fushat e përcaktuara për ndërhyrje.

*Dhënia e udhëzimeve dhe e masave tip,
që mund të merren dhe të plotësohen.*

Strategjitë e ardhshme sektoriale, tematike dhe rajonale/lokale.

Ky vizion është zbërthyer në një qëllim të politikës: “Zhvillimi plotësisht i potencialeve të investimeve për zhvillimin ekonomik dhe nxitjen e integritimit në tregjet ndërkombëtare dhe zinxhirët e vlerës”.

Qëllimi i politikës është zbërthyer në tre objektiva:

Objektivi specifik 1.1: Tërheqja e investimeve dhe ndërkombëtarizimi

Objektivi specifik 1.2: Zhvillimi i NVM-ve, sipërmarrja dhe inovacioni

Objektivi specifik 1.3: Zhvillimi i kapitalit njerëzor

Objektivi specifik 1.1: Tërheqja e investimeve dhe ndërkombëtarizimi

Kjo fushë e ndërhyrjes e vendos theksin mbi rëndësinë strategjike të investimeve dhe integritimit në zinxhirin e vlerave dhe tregjet ndërkombëtare për rritje dhe zhvillim të qëndrueshëm. Integritimi në tregjet ndërkombëtare dhe zinxhirin e vlerave ndërkombëtare luan një rol kritik në rritjen dhe diversifikimin e eksporteve dhe forcimin e konkurrueshmërisë dhe aftësive inovative të bizneseve lokale. Investimet mund të nxisin krijimin e vendeve të punës dhe rritjen e të ardhurave, kontribuojnë në transferimin e teknologjisë dhe zhvillimin e aftësive, duke stimuluar gjithashtu eksportet.


Megjithatë kushtet aktuale janë të vështira, me shkallën globale të HDI-ve në rënie që prej vitit 2016, rritjen e proteksionizmit në tregjet globale, si dhe nën ndikimin e rëndë të pandemisë COVID-19 në tregtinë ndërkombëtare, flukset e investimeve dhe zinxhirët e vlerave. Në të njëjtën kohë, ndryshimet në modelin e tregtisë dhe investimeve dhe tendencave të tjera që janë përshpejtuar nga pandemia COVID-19, të tilla si transformimi digjital, shpalosin, gjithashtu mundësi të reja. Siç është përmendur, Shqipëria është e pozicionuar mirë për të përfituar nga transformimi i zinxhirit të vlerave ndërkombëtare dhe për të tërhequr grupe të reja investitorësh, pasi kompanitë në BE po riformësojnë zinxhirët e tyre të vlerave dhe po kërkojnë alternativa në vendet fqinje. Transformimi digjital, i cili luan një rol kyç në Strategjinë e re Industriale dhe të NVM-ve të BE-së, hap, gjithashtu, mundësi premtuese për përmirësimin e aksesit në tregje.



Në një situatë të tillë është thelbësore, që:

- Mekanizmat politikekzistues, të tillë si: promovimi i investimeve, masat mbështetëse për investimet strategjike, shërbimi i përkujdesjes së mëtejshme (*after-care*) dhe TEDA-t të jenë sa më efektive;
- Gama e mbështetjes zgjerohet duke kërkuar mënyra të reja, p.sh. promovimi i zgjidhjeve digjitale dhe ndërlidhjeve, me qëllim nxitjen e ndërkombëtarizimit të NVM-ve;
- Vendosja plotësisht në përdorim e sinergjive ndërmjet mjeteve dhe fushave të ndryshme të politikave, p.sh. të promovohet, gjithashtu, integrimi ndërkombëtar i ekosistemit të sipërmarrjes
- Në këtë kontekst, veprimet në këtë fushë të ndërhyrjes synojnë arritjen e objektivave dhe të rezultateve të pritshme që shfaqen në figurën më poshtë, duke plotësuar dhe specifikuar objektivin e përcaktuar të politikës.

Objektivat specifikë dhe rezultatet e pritshme⁵¹ të fushës së ndërhyrjes “Tërheqja e investimeve dhe ndërkombëtarizimi”



⁵¹ Gjithashtu, është përcaktuar një strukturë e përqendruar për treguesit kryesorë të performancës (TKP) për çdo veprim prioritar, p.sh., sigurimi i 160 projekteve të riinvestimit në programin e përkujdesjes së mëtejshme, lehtësimi i një vlere prej 75 milionë në nënkontraktimeve për NVM-të lokale në programin e zhvillimit të ofruesve. TKP-të detajohen në fishat e veprimeve në aneks.



Faktori për sukses në rritjen e efektivitetit dhe ndikimit të përpjekjeve për tërheqjen e investimeve qëndron ndërtimin e një qasjeje të targetuar dhe sistematike, duke ndërtuar marrëdhënie me investitorët ekzistues dhe ata potencialë. Në kontekstin e transformimit të zinxhirit të vlerave ndërkombëtare dhe ndikimit të pandemisë COVID-19 në modelet e investimit, është e nevojshme të rishikohet fokusi i grupeve të synuara në masat për tërheqjen e investimeve dhe të zgjerohen instrumentet promovuese (p.sh., duke integruar mjetet digjitale). Fokusi kryesor është që grupet e synuara të rrisin rezistencën dhe konkurrueshmërinë e ekonomisë në terma afatgjatë dhe të kontribuojnë në arritjen e OZHQ-ve. Përveç promovimit të investimeve të synuara, qasja sistematike ndaj përkujdesjes së mëtejshme ofron një potencial premtues për rritjen e investimeve dhe nxitjen e ndërlidhjeve me ekonominë lokale, me qëllim rritjen e ndikimit të zhvillimit.

Shfrytëzimi i mundësive të TEDA-ve në pikën e lidhjes ndërmjet tërheqjes së investimeve dhe integritit ndërkombëtar luan, gjithashtu, një rol të rëndësishëm në këtë kontekst. TEDA-t priten mirë nga investitorët dhe përdoren nga zonat më konkurruese. Aktualisht, ka ende një mungesë të zonave të përshtatshme dhe operacionale në Shqipëri, çka përbën një barrierë të madhe për investimet. Është e nevojshme të përshpejtohet zbatimi dhe të rritet efektivitetin e programit të TEDA-ve për të krijuar një portofol të orientuar drejt nevojave për grupe të ndryshme.

Në të njëjtën kohë është e nevojshme dhe ka potencial për zgjerimin e fushës së veprimit të politikës, si për shembull, për sa i përket

prezantimit të trajnimeve, stimujve fiskale lidhur me K&ZH dhe kredi me interes zero për eksportuesit dhe investitorët. Gjithashtu, ka një potencial premtues për të eksploruar hapësira dhe sinergji të reja për të përmirësuar aksesin në tregje dhe për të nxitur integrimin e NVM-ve dhe sipërmarrjes në zinxhirin e vlerave dhe ekosistemet ndërkombëtare. Në këtë mënyrë, ndërkombëtarizimi nuk trajtohet i veçuar, por në kontekstin e instrumenteve të tjera politike dhe fushave të ndërhyrjes. Promovimi i ndërlidhjeve ndërmjet investitorëve dhe ofruesve lokalë, si dhe zgjidhjeve digjitale për të mbështetur aksesin në treg konsiderohen si hapësira alternative efektive për të mbështetur eksportet dhe procesin e ndërkombëtarizimit të NVM-ve. Kjo zbatohet edhe për integrimin ndërkombëtar të ekosistemit të sipërmarrjes, për të nxitur dhe shkallëzuar aktivitetin e *startup*-eve dhe inovacionit, i cili përshkruhet në detaje të mëtejshme në kapitullin tjetër.

Intensifikimi i bashkëpunimit dhe i dialogut ndërmjet aktorëve konsiderohet një faktor gjithëpërfshirës për sukses. Kjo lidhet, ndër të tjera, me zgjerimin e mëtejshëm të përpjekjeve për bashkëpunim në fushën e diplomacisë ekonomike dhe forcimit të dialogut ndërmjet sektorit publik dhe atij privat – mbështetur nga Komiteti Kombëtar i Lehtësimit të Tregtisë – për të identifikuar dhe gjetur zgjidhje për problematikat e eksportit.

Tabela nr. 11 paraqet një panoramë të veprimeve prioritare të parashikuara në këtë fushë të ndërhyrjes të SZHBI-së 2021–2027. Detaje të mëtejshme (objektivat dhe TKP-të, institucionet përgjegjëse dhe burimet e nevojshme) gjenden në aneksin nr. 1.



Tabela 11. Masat në fushën e ndërhyrjes “Tërheqja e investimeve dhe ndërkombëtarizimi”

Veprimet prioritare	Përshkrim përmbledhës
Promovimi /lehtësimi sistematik i investimeve të synuara	Fokusi kryesor i këtij prioriteti është intensifikimi i masave për promovimin dhe lehtësimin e investimeve specifike, sipas grupeve të synuara, duke reflektuar praktikën e mirë ndërkombëtare. Në kontekstin e transformimit të vazhdueshëm të zinxhirit të vlerave ndërkombëtare dhe ndikimit të fuqishëm të pandemisë COVID-19 në fluksin e investimeve, pika e nisjes do të jetë rishqyrtimi i hollësishëm i grupeve të synuara në përpjekjen për tërheqjen e investimeve. Duke marrë parasysh ndryshimet në zhvillim në modelet e investimeve, rishikimi do të vlerësojë nevojën për të përshtatur ose plotësuar fokusin ekzistues të grupit të synuar, siç parashikohet në kornizën ligjore dhe strategjike (p.sh. TIK/BPO, automotive, agropërpunimin) dhe integrimin e mundësive të diasporës. Aktivitetet përkatëse nën Planin e Veprimit të Tregut të Përbashkët Rajonal do të merren parasysh për të gjeneruar sinergji. Duke ndjekur një qasje të orientuar drejt zbatimit, përzgjedhja e ndryshuar e grupit të synuar jo vetëm që do t'i japë përparësi industrive, por segmenteve dhe pikave specifike. Bazuar në rishikimin do të zhvillohet një strategji koherente e promovimit të investimeve, e cila, gjithashtu, përshkruan propozimet specifike të vlerës për grupin e synuar dhe masat e komunikimit. Bazuar në eksperiencën e mëparshme, rishqyrtimi dhe zhvillimi i strategjisë së promovimit dhe mjetet e nevojshme të komunikimit janë parashikuar të kryhen në bashkëpunim të ngushtë me partnerët dhe ekspertët ndërkombëtarë. Theks i veçantë do të vihet mbi mjetet digjitale. Gjithashtu është parashikuar që për argumentim të përdoret krahasimi i përfitueshmërisë së projekteve model të investimit dhe profilet e ambienteve industriale. Për më tepër do të integrohen masat për ngritjen e kapaciteteve në përputhje me nevojat. Përmes një qasje sistematike dhe proaktive, fushata specifike, sipas grupeve të synuara do të zhvillohen rregullisht dhe gjatë të gjithë periudhës deri në vitin 2027. Në bazë të segmentimit të parashikuar do të kombinohen mjete dhe veprimtari të ndryshme promovimi (p.sh., fushata marketingu “lead generation” dhe evente virtuale) për të ndërtuar marrëdhënie me investitorët potencialë dhe për të tërhequr IHD në Shqipëri si edhe promovimin e investimeve për transformimin digjital, automatizimin e industrisë dhe investimet për ekonominë e gjelbër. Bashkëpunimi ndërorganizativ luan një rol kritik për të arritur suksesin. Kjo lidhet, ndër të tjera, me zgjerimin e mëtejshëm të përpjekjeve për bashkëpunim nga AIDA, MEPJ-ja, ministri i Shtetit për Diasporën dhe ambasadave shqiptare në fushën e diplomacisë ekonomike. Gjithashtu, koordinimi ndërmjet ministrive, agjencive dhe aktorëve të tjerë në fushën e lehtësimit të investimeve duhet të forcohet, me qëllim sigurimin dhe ndjekjen e investimeve.



Program i strukturuar për shërbimin e përkujdesjes së mëtejshme

Kohët e fundit, roli i përkujdesjes së mëtejshme është përforcuar në të gjithë globin, në kushtet e ndërprerjes serioze të zinxhirëve ndërkombëtarë të vlerave, tregtisë dhe fluksit të investimeve që shkaktoi pandemia COVID-19. Megjithatë, përkujdesja e mëtejshme ofron një potencial premtues që shkon përtej krizës aktuale. Ajo konsiderohet si një mënyrë kosto-efektive për ruajtjen e investimeve, sigurimin e riinvestimeve dhe rritjen e ndikimit në zhvillim.

Siç e vërteton eksperiencia praktike, deri në 70% e projekteve të IHD-ve lidhen me zgjerimin e riinvestimeve. Përkujdesja e mëtejshme sistematike ndihmon për të kuptuar ndikimin që kanë vendimet për vazhdimin e investimeve, të cilat mund të përfshijnë, gjithashtu, veprimtari me vlerë më të lartë dhe të kontribuojnë në zhvillimin e strukturës industriale.

Në këtë kuadër, masat për përkujdesjen e mëtejshme do të përforcohen sipas këtij plani veprimi, bazuar në një qasje të strukturuar. Duke u bazuar në aktivitetet ekzistuese, p.sh., nga specialistët e AIDA-s për shërbimin e përkujdesjes së mëtejshme dhe eksperiencia e marrë nga masat, në kuadër të mbështetjes nga donatorët, do të rritet ndjeshëm numri i investitorëve që do të marrin shërbim.

Do të përdoren kritere të mirëpërcaktuara për të vendosur nivelet dhe prioritetet e shërbimit brenda mjedisit të investitorit, të tilla si potenciali për riinvestime dhe punësim, roli i investitorëve në zinxhirin e vlerave, mundësitë për ndërlidhje, si dhe kontributi i tyre në eksport dhe dinamika e inovacionit.

Portofoli i shërbimeve të përkujdesjes së mëtejshme do të zgjerohet, duke u fokusuar veçanërisht në gjenerimin e sinergjive me veprimet e tjera prioritare. Kjo përfshin shërbimet në fushën e zhvillimit të aftësive dhe rekrutimit, promovimit të ndërlidhjeve dhe zhvillimit të ofruesve, gjetjen e hapësirave dhe ambienteve për zgjerim.

Do të zhvillohen/përditësohen vazhdimisht mjetet e nevojshme. Këto përfshijnë mjetet e komunikimit *online* dhe të drejtpërdrejta (p.sh., informacion mbi shërbimet e përkujdesjes së mëtejshme në faqen e internetit të AIDA-s, *webinare* me theksin mbi përfitimet nga perspektiva e investitorëve, bazuar në histori suksesi, aktivitete të mediave sociale, sistem MMK).

Koordinimi dhe bashkëpunimi ndërorganizativ konsiderohet si një faktor kyç për sukses. Ka një gamë të gjerë institucionesh që ofrojnë shërbime mbështetëse për investitorët ose që luajnë një rol të rëndësishëm në ofrimin e këtyre shërbimeve (p.sh. BDHTI, dhomat e tregtisë, shoqatat, bashkitë). Shërbimet e përkujdesjes së mëtejshme do të zgjerohen, duke ndjekur një qasje bashkëpunuese për të shmangur dublikimin dhe konfuzionin tek investitorët ekzistues. Theks i veçantë do të vendoset në forcimin e ndërlidhjeve midis qeverisjes qendrore dhe bashkive nëpërmjet memorandumeve të bashkëpunimit që do të lidhen me AIDA-n dhe bashkitë.



Vlerësimi dhe reforma e programit të TEDA-ve

Shfrytëzimi i mundësive të TEDA-ve luan një rol kritik në rrugën e dëshiruar për zhvillim, në veçanti për sa i përket shpalosjes së potencialeve në kontekstin e transformimit të zinxhirit të vlerave ndërkombëtare. TEDA-t priten mirë nga investitorët dhe përdoren nga zonat më konkurruese. Duke tërhequr investime në sektorin e eksporteve, TEDA mund të japin një kontribut të rëndësishëm në integrimin në zinxhirin e vlerave dhe tregjet ndërkombëtare. Aktualisht ka ende një mungesë të zonave të përshtatshme dhe operacionale në Shqipëri, çka përbën një barrierë të madhe për investimet. Si rezultat, është e nevojshme që të ndiqet zbatimi i shpejtë dhe të rritet efektiviteti i TEDA-ve.

Në këtë kuadër, ky veprim prioritar ka si pikënisje kryerjen e një vlerësimi të thelluar të programit të TEDA-ve në bashkëpunim të ngushtë me një partner ndërkombëtar. Është parashikuar që një ekip ekspertësh ndërkombëtarë të kryejë vlerësimin, duke përfshirë, ndër të tjera, një krahasim me vendet fqinje dhe një analizë të nevojave të investitorëve dhe praktikës së mirë ndërkombëtare.

Do të zhvillohet një strategji për reformën bazuar në vlerësimin e mundësive për rritjen e efektivitetit të TEDA-ve – me theksin në dimensionet e mëposhtme:

- **Fokusi strategjik:** përcaktimi i objektivave, TKP-ve, prioritetëve strategjike dhe llojeve të zonave të parashikuara (p.sh., Zonat e Inovacionit të Bashkisë) nga një këndvështrim dinamik ku fokusi përputhet me zhvillimin e përgjithshëm të ekonomisë dhe merr parasysh strategjitë përkatëse siç është Strategjia e Specializimit Smart.

- **Oferta:** kalimi përtej stimujve, duke vendosur theks të veçantë mbi infrastrukturën dhe shërbimet e orientuara sipas grupeve të synuara (p.sh. qendrat e formimit “modelet gjysmë të gatshme” (*plug and play*) me objekte të ndërtuara më parë).

- **Kuadri ligjor dhe institucional:** vlerësimi i nevojës për përshtatje të kuadrit ekzistues ligjor dhe institucional, duke marrë, gjithashtu, në konsideratë modelet e ndryshme të PPP-ve, me detyra të ndara qartë (p.sh. lidhur me infrastrukturën dhe shërbimet brenda dhe jashtë zonës) dhe duke qartësuar rolin e Korporatës Shqiptare të Investimeve.

- **Promovimi:** dhënia e rekomandimeve mbi mënyrën e intensifikimit të promovimit të TEDA-ve duke përdorur sinergjitë ndërmjet zonave dhe institucioneve të tjera (p.sh., AIDA).

- Gjithashtu, **për një TEDA** – që do të përzgjidhet duke pasur në konsideratë përshtatshmërinë e vendndodhjes, potencialin për investime dhe fizibilitetin financiar – do të hartohet një koncept zhvillimi. Duke reflektuar nevojat e grupeve të synuara, ky koncept siguron bazën për zhvillimin e infrastrukturës brenda zonës dhe jashtë saj (p.sh.: rruga hyrëse, lidhja me shërbimet, lehtësirat teknike), duke marrë në konsideratë mundësitë për të vijuar me qasjen me faza. Koncepti i zhvillimit duhet të japë udhëzime për caktimin e zonave të tjera.



Programi i zhvillimit të ofruesve	Integrimi në zinxhirin e vlerave ndërkombëtare luan një rol kritik në forcimin e konkurrueshmërisë dhe aftësive inovative të bizneseve lokale. Promovimi i ndërlidhjeve ndërmjet investitorëve dhe ofruesve lokalë konsiderohen si një hapësirë alternative efektive për të mbështetur eksportet dhe procesin e ndërkombëtarizimit të NVM-ve. Bazuar në praktikën e mirë ndërkombëtare do të prezantohet një program për zhvillimin e ofruesve, për të rritur nivelin e sofistikimit të NVM-ve lokale, për t'i ndihmuar ata të konkurrojnë në mënyrë më efektive dhe për t'i integruar ata në zinxhirët globalë dhe rajonalë të furnizimit të investitorëve të mëdhenj të huaj. Programi do të hartohet me asistencën e organizatave dhe ekspertëve ndërkombëtarë, duke zhvilluar/përshtatur mjetet e nevojshme si bazën e të dhënave të ofruesve, mjete për vlerësimin e bizneseve dhe proceset e programit. Do të identifikohen një grup pilot investitorësh dhe biznesesh lokale të gatshme për të marrë pjesë. Bazuar në një listë kriteresh transparente, të cilat reflektojnë, ndër të tjera, mundësitë për burime dhe nevojat e investitorëve, si dhe kapacitetet e bizneseve lokale, do të përpilohet lista e shkurtër/përzgjedhja përfundimtare e pjesëmarrësve. Programi do të përfshijë fazën e vlerësimit të biznesit, duke vlerësuar kapacitetet e firmave lokale. Bazuar në këtë vlerësim, me mbështetjen e një ekipi të përbërë nga konsulentë vendës dhe ndërkombëtarë, NVM-të do të zhvillojnë plane modernizimi për të arritur standardet dhe kërkesat e investitorëve. Gjatë zbatimit të planeve të tyre të modernizimit, NVM-të do të përfitojnë nga mentorimi dhe trajnimet, të cilat përfshijnë mbështetjen teknike (p.sh. mbi standardet e cilësisë ose reduktimin e humbjeve), mbështetjen në menaxhim (p.sh. udhëzime për planifikimin e biznesit dhe atë financiar, marketing) dhe këshillim mbi (financiar) programet që mund të mbështesin zbatimin. Në një vlerësim të dytë të biznesit do të vlerësohet progresi i bizneseve pjesëmarrëse. Programi do të plotësohet me aktivitete ndërlidhëse. Pas përfundimit me sukses të fazës pilot, programi i mbështetjes së ofruesit do të zhvillohet dhe do të bëhet gradualisht pjesë e shërbimeve të përkujdesjes së mëtejshme të ofruara nga AIDA. Parashikohet rekrutimi i dy specialistëve të zinxhirit të furnizimit (me eksperiencë në prokurime dhe inxhinieri prodhimi) Ata do të jenë përgjegjës për zbatimin e programit, duke përfshirë vlerësimin e biznesit dhe mbështetjen që do t'u jepet NVM-ve lokale. Gjithashtu, do të zhvillohen trajnime (të cilat do të fillojnë që në fazën pilot) për stafin e AIDA-s dhe partnerët e tjerë të përfshirë, për të garantuar zhvillimin e kompetencave dhe kapaciteteve të nevojshme, p.sh., lidhur me si të ndërtojmë një program të suksesshëm për zhvillimin e ofruesve ose si të zbatojmë standardet ndërkombëtare në vlerësimin e bizneseve.
--	--

**Strategjia e eksportit**

Integrimi në tregjet ndërkombëtare luan një rol kritik në rritjen dhe diversifikimin e eksporteve dhe nxitjen e konkurrueshmërisë së bizneseve lokale. Një shportë e larmishme eksportesh forcon më tej qëndrueshmërinë ekonomike. Në të kaluarën, shumë vende kanë zgjeruar paketate tyre të politikave për të mbështetur veprimtaritë e eksporteve dhe proceset e ndërkombëtarizimit bazuar në strategji eksporti që u japin përparësi industrive, produkteve dhe tregjeve.

Në bashkëpunim me partnerët ndërkombëtarë do të hartohet strategjia e eksporteve. Kjo strategji do të fokusohet në rritjen e sofistikimit të eksporteve për firmat vendëse në industritë me potencial të lartë për rritjen e eksporteve.

Studimet dhe raportet e fundit nga organizata ndërkombëtare si Banka Botërore do të përbëjnë pikën e nisjes për të analizuar performancën aktuale të eksporteve për sa i përket cilësisë, volumit, produkteve/shërbimeve dhe destinacioneve të rëndësishme si dhe faktorëve kryesorë që nxisin apo pengojnë konkurrueshmërinë e bizneseve eksportuese.

Përmes përdorimit të metodologjive të provuara ndërkombëtarisht, të tilla si hapësira e produkteve apo harta e eksporteve e Qendrës Ndërkombëtare të Tregtisë dhe duke u bazuar në analizat ekzistuese (p.sh. “Çlirimi i Potencialit të transformimit për zhvillim në Ballkanin Perëndimor” nga OECD-ja), do të evidentohen industritë lider në eksport me perspektivë të madhe për rritje/diversifikim dhe ku Shqipëria mund të konkurrojë ndërkombëtarisht.

Për industritë e zgjedhura do të kryhen vlerësime të tjera tregu për të identifikuar nxitësit kryesorë të avantazhit konkurrues, potencialet e tjera për diversifikimin e produkteve, tregjet e synuara, dhe strategjitë për pozicionimin e duhur dhe hyrjen në treg.

Potenciali i masave të mëtejshme të promovimit dhe lehtësimit të eksportit do të vlerësohet bazuar në praktikën e mirë ndërkombëtare. Nismat/veprimet kryesore të kërkuara për të nxitur rritjen e eksportit mund të përfshijnë masa për të eliminuar pengesat e eksportit, si dhe stimuj dhe masa për ndërtimin e kapaciteteve, për shembull trajnime të orientuara drejt nevojave, ose një markë tregtare “*Made in Albania*”. Mjetet dhe zgjidhjet digjitale janë me rëndësi kryesore për rritjen e efektivitetit dhe nxitjes së eksportit. Mjetet digjitale mund të përfshijnë informacione dhe platforma të aplikimit në internet, *webinare*, panairë virtuale tregtare dhe eksplorim të tregut digjital.

Iniciativat do të detajohen duke u fokusuar, ndër të tjera, në arritjen e objektivave, përgjegjësi dhe burimeve të nevojshme kombëtare lidhur me performancën e eksporteve, gjatë periudhës së zbatimit të strategjisë.

Procesi i hartimit të strategjisë do të përdoret, gjithashtu, për të intensifikuar dialogun ndërmjet sektorit publik dhe privat, me qëllim identifikimin dhe gjetjen e zgjidhjeve për problemet e eksportit. Komiteti Kombëtar për Lehtësimin e Tregtisë do të marrë një rol proaktiv dhe do të mbështesë konsultimet në baza të rregullta - edhe përtej zhvillimit të strategjisë së eksporteve.



Iniciativa e zhvillimit të tregtisë elektronike dhe digjitalizimit të bizneseve

Ekziston një potencial për të eksploruar hapësira të reja për përmirësimin e aksesit në tregje dhe konkurrueshmërisë përmes transformimit digjital. Tregtia elektronike (*e-Commerce*) dhe *e-Business* po shndërrohen me shpejtësi në një pjesë integrale të ekonomisë globale dhe ekonomia digjitale ka potencialin të luajë një rol të rëndësishëm në kapërcimin e pengesave madhore për tregtinë. Tendenca drejt mjeteve dhe transformimit digjital është theksuar në strategjitë e fundit të BE-së si Strategjia për NVM-të dhe Strategjia Industriale. Pandemia COVID-19 po e përshpejton më tej këtë trend digjitalizimi.

Një kornizë e plotë ligjore dhe aftësitë e forta digjitale janë një përbërës thelbësor për zhvillimin e tregjeve *online* të Shqipërisë dhe zbatimin e proceseve digjitale në NVM-të.

Në këtë kuadër dhe në bazë të draftaportit “Mbështetje për digjitalizimin e NMVM-ve në Shqipëri për të zbutur ndikimin negativ ekonomik të COVID-19” të hartuar me asistencën e BERZH-it dhe të “Raportit diagnostifikues për tregtinë elektronike” të hartuar nga Banka Botërore dhe planit të veprimit të zhvilluar nga grupi ndërmarrës i punës për tregtinë elektronike, ky veprim prioritar fokusohet në hartimin e iniciativës së zhvillimit të *e-Business* për të mbështetur sipërmarrësit dhe NVM-të, përmes përdorimit të sinergjive me masat e parashikuara në Agjendën e re Digjitale dhe Planin e Veprimit për Tregun e Përbashkët Rajonal.

Kjo iniciativë do të zhvillohet dhe zbatohet në bashkëpunim me partnerët ndërkombëtarë, duke u bazuar në praktikën e mirë ndërkombëtare dhe duke kombinuar lloje të ndryshme ndërhyrjesh për të rritur aftësitë e NVM-ve në tregtinë elektronike dhe biznesin elektronik, përfshirë, dhe jo vetëm:

- Fushata ndërgjegjësuere të organizuara nga AIDA për të inkurajuar më shumë NMVM për të filluar tregtinë elektronike.
- Publikimi në faqen e internetit të AIDA-s i instrumentit digjital të vetëvlerësimit për NVM-të, i cili do të japë informacion që shpjegon se çfarë duhet të marrin parasysh kompanitë kur miratojnë zgjidhjet e tregtisë elektronike dhe të *e-Business*. Ai do të përmbajë informacion për legjislacionin në fuqi dhe programet mbështetëse, një mënyrë vetëvlerësimi digjitale, një udhëzues me hapa mbi vendimet dhe investimet që do të marrë biznesi dhe raste studimore të bizneseve vendëse që kanë zbatuar me sukses aplikacione të tregtisë elektronike dhe *e-Business*.
- Publikimi në faqen e internetit të AIDA-së i një udhëzuesi se si të ndihmohen NVM-të që të fillojnë tregtinë elektronike
- Trajnime mbi tregtinë elektronike të ofruara nga AIDA për të ndihmuar NVM-të të fillojnë tregtinë elektronike, duke ofruar programet e trajnimit për NVM-të. Programet e trajnimit do të përfshijnë tema si strategjitë e ndërtimit të faqes së internetit, ERP *software*, modalitetet e pagesave, sigurinë kibernetike, fatura elektronike dhe module specifike sipas grupeve të synuara (p.sh. shitjen e shërbimeve të mikpritjes). Pjesëmarrësit mund të përfitojnë nga udhëzimet shtesë kur zbatojnë zgjidhjet e tyre individuale të tregtisë elektronike dhe biznesit elektronik.
- Krijimi i një portali të tregut digjital me një bazë të dhënash gjithëpërfshirëse të ofruesve të shërbimeve të specializuara dhe produkteve të tyre. Sipërmarrjet mund të përdorin bazën e të dhënave për të kërkuar kompani për t'i ndihmuar ata në transformimin digjital.
- Gjatë hartimit të skemave të granteve për SME-të, sipas përcaktimeve në objektivin 1.2 do të mbahet në konsideratë përfshirja e financimeve edhe të kostove të pranueshme që lidhen me *e-Business*/tregtinë elektronike.
- Në kuadër të Planit të Veprimit të Tregut të Përbashkët Rajonal është parashikuar adaptimi i një vendimi në nivel CEFTA për lehtësimin e tregtisë elektronike.
- Për të siguruar një bazë të plotë ligjore për zhvillimin e biznesit elektronik, aspektet e bazës ligjore do të rishikohen dhe rregullohen aty ku është e nevojshme.




Objektivi specifik 1.2: Zhvillimi i NVM-ve, sipërmarrja dhe inovacioni

Fusha e dytë e ndërhyrjes e Strategjisë së re njeh dhe pranon kontributin e rëndësishëm që mund të japin NVM-të – si shtylla kurrizore e ekonomisë – dhe *startup*-et për një ekonomi më inovative dhe të bazuar në njohuri, duke krijuar vende pune cilësore dhe përmirësuar strukturën ekonomike. Ajo pranon, gjithashtu, se ekosistemi sipërmarrës dhe inovativ është ende në fazë të hershme, dhe pavarësisht disa mjediseve optimale dhe rasteve të suksesit, “masa kritike” që i lejon organizatat mbështetëse të ndryshojnë portofolin e tyre dhe të bëhen të pavarura nuk është arritur ende.

Pra, është e nevojshme që veprimtaritë e *startup*-eve dhe ato inovative të rriten gradualisht dhe të promovohet specializimi dhe ndërlidhjet, me qëllim që të arrihet “masa kritike”, duke u fokusuar në sektorët dhe zinxhirët e vlerave me potencial më të lartë. Në këtë kontekst, në këtë fushë të ndërhyrjes është parashikuar një qasje e targetuar që promovon bashkëpunimin ndërmjet aktorëve të ndryshëm dhe specializimin inteligjent.

Objektivi i politikës, si dhe objektivat specifikë në këtë fushë të ndërhyrjes, që shfaqen në figurën më poshtë marrin në konsideratë faktin se kushtet aktuale janë të vështira për *startup*-et dhe NVM-të. Ndër të tjera, kjo lidhet me aksesin në financë dhe në tregje, ndikimin e pandemisë COVID-19, si dhe sfidat në kontekstin e transformimit të gjelbër dhe atij digjital.

Objektivat specifikë dhe rezultatet e pritshme⁵² të fushës së ndërhyrjes “Zhvillimi i NVM-ve, sipërmarrja dhe inovacioni”



⁵² Gjithashtu, është përcaktuar një strukturë e përqendruar për treguesit kryesorë të performancës (TKP) për çdo veprim prioritar, p.sh., 60 zgjidhje për tregtinë elektronike që adoptohen nga NVM-të, 100 biznese të reja të regjistruara në vit nga pjesëmarrësit në skemën mbështetëse të sipërmarrjes bazuar në konkurrencë. TKP-të detajohen në fishat e veprimeve në aneks.



Duke marrë në konsideratë nevojat e ndryshme, fokusi kryesor i objektivit të parë strategjik është të zhvillimi dhe shfrytëzimi i potencialit për inovacion dhe rritje, ndërsa objektivi i dytë adreson më në thellësi ekosistemin e sipërmarrjes dhe *startup*-eve. Në të gjithë fushën e ndërhyrjes, një theks i veçantë vendoset në promovimin e aftësive sipërmarrëse të grave dhe krijimin e një klime favorizuese për rritjen e numrit të grave sipërmarrëse dhe madhësisë së bizneseve ekzistuese që drejtohen nga gratë.

Masat për përmirësimin e aksesit në financë konsiderohen me rëndësi kritike për forcimin e konkurrueshmërisë së NVM-ve dhe *startup*-eve. Është e nevojshme të shtohen skemat e granteve për NVM-të dhe të hartohen mjete dhe instrumente të reja financiare, të tilla si: garancia shtetërore, kapitali sipërmarrës dhe financimi *crowdfunding*. Kjo kërkon ndryshim të kuadrit ligjor.

Kushtet aktuale janë sfiduese për *startups* dhe NVM-të. Ndër të tjera, kjo lidhet me qasjen në financa dhe ndikimin e pandemisë COVID-19. Në mënyrë që të zhblokojë plotësisht potencialet e sipërmarrjes, nevojitet një qasje me bazë të gjerë dhe gjithëpërfshirëse, e cila zgjeron mbështetjen për grupet e synuara përtej “*startups inovative*” dhe kombinon ndihmën financiare me mbështetjen e trajnimit dhe mentorimit.

Për të mbështetur NVMM-të që përballen me situatën e përgjithshme sfiduese gjatë krizës COVID-19, pjesë e këtij veprimi prioritar është GIZ Advisory Facility CoSolve-19, program dyvjeçar, i cili ofron shërbime këshilluese dhe me mundësinë shtesë për të marrë grante të vogla në

mënyrë që të përshtaten operacionet e biznesit me situata e re për SME-të. Vijimi i programeve të tilla nga donatorët është i mirëpritur.

Eksperienca ndërkombëtare tregon se skemat mbështetëse të përgjithshme për NVM-të dhe sipërmarrjen duhet të plotësohen me masa të cilat promovojnë ndërlidhjet dhe projektet bashkëpunuese. Rrjedhimisht, forcimi i lidhjeve ndërmjet të gjithë aktorëve dhe komponentëve të ekosistemit të sipërmarrjes dhe inovacionit përbën një faktor gjithëpërfshirës për sukses. Kjo përfshin forcimin e lidhjeve ndërmjet aktorëve të spirales së trefishtë në vend, por, gjithashtu, dhe integrimin ndërkombëtar të ekosistemit për të rritur veprimtarinë e *startup*-eve dhe inovacionit.

Së fundi, për të shpalosur potencialin e specializimit inteligjent dhe për të arritur “masën kritike” për procese zhvillimi të pavarura është e nevojshme të eksplorohe mënyra të reja për t’u përqendruar dhe për të bashkëpunuar në zinxhirët e vlerave, duke përfshirë të gjithë aktorët – nga *startup*-et te kompanitë e mëdha, nga NVM-të lokale tek investitorët ndërkombëtarë, nga akademia te kërkimi, nga institucionet mbështetëse publike te BDHTI-ja dhe shoqatat e tregtisë.

Për të përmbushur rolet e reja, një sektor i ri mbi trajnimin do të shtohet në strukturën e AIDA brenda 2021, i përbërë nga një përgjegjës sektori dhe dy specialistë.

Në këtë kontekst, tabela nr. 12 paraqet një panoramë të veprimeve prioritare të parashikuara në këtë fushë të ndërhyrjes të SZHBI-së, 2021–2027. Detaje të mëtejshme (objektivat dhe TKP-të, institucionet përgjegjëse dhe burimet e nevojshme) gjenden në aneksin nr. 1.



Tabela 12. Masat në fushën e ndërhyrjes “Zhvillimi i NVM-ve, sipërmarrja dhe inovacioni”

Veprimet prioritare	Përshkrim përmbledhës
Skema për mbështetjen e sipërmarrjes me bazë konkurrencën	Kushtet aktuale janë sfiduese për <i>startups</i> dhe NVM-të. Ndër të tjera, kjo lidhet me qasjen në financa dhe ndikimin e pandemisë COVID-19. Në mënyrë që të zhblokojë plotësisht potencialet e sipërmarrjes, nevojitet një qasje me bazë të gjerë dhe gjithëpërfshirëse e cila zgjeron mbështetjen për grupet e synuara përtej “<i>startups inovative</i>” dhe kombinon ndihmën financiare me mbështetjen e trajnimit dhe mentorimit. Për të mbështetur NVMM-të që përballen me situatën e përgjithshme sfiduese gjatë krizës COVID-19, pjesë e këtij veprimi prioritar është programi 2-vjeçar, 2021–2022, GIZ “Advisory Facility CoSolve-19”, i cili ofron shërbime këshilluese dhe me mundësinë shtesë për të marrë grante të vogla, në mënyrë që të përshtaten operacionet e biznesit me situatën e re. Fokusi kryesor i këtij veprimi prioritar është në hapjen dhe shkallëzimin e një skeme të mbështetjes së sipërmarrjes të bazuar në konkurrencë. Veprimi prioritar mund të bazohet në iniciativat ekzistuese – p.sh. në nivelin komunal – si dhe skemat që janë zhvilluar në bashkëpunim me partnerët ndërkombëtarë. Theks i veçantë vihet në promovimin e sipërmarrjes së grave dhe rritjen e numrit dhe madhësisë së bizneseve të drejtuara nga gratë. Skema do të kombinojë grante me trajnime gjithëpërfshirëse të sipërmarrjes dhe mbështetje të trajnimit/mentorimit për të siguruar që përfituesit të kenë aftësitë e nevojshme për të realizuar idetë e tyre të biznesit. Programi trajnues modular, i bazuar në nevoja do të mbulojë tema të tilla, si gjenerimi dhe përzgjedhja e ideve të biznesit, puna në ekip, të kuptuarit e tregut, menaxhimi i inovacionit, planifikimi i biznesit dhe financiar. Këshillimi plotësues do të ndihmojnë sipërmarrësit të përpunojnë plane biznesi të vlefshme. Masat për ndërtimin e kapaciteteve do të mbulojnë, gjithashtu, tema të tilla si sistemet dhe standardet e menaxhimit të cilësisë. Për më tepër, veprimi prioritar synon forcimin e bashkëpunimit dhe koordinimit me skemat dhe strukturat ekzistuese - veçanërisht në nivelin vendor - për të integruar konkurset dhe trajnimet në nivelin lokal/rajonar dhe për të krijuar një mjedis të favorshëm sipërmarrës. Për më tepër, parashikohet një bashkëpunim i ngushtë me eksperte të fushës të administratës publike, sipas fushave të përgjegjësisë dhe qeverisjen vendore. Gjatë hartimit të skemës, rreziqet në lidhje me shtrembërimet e tregut do të merren parasysh. Për të përmbushur rolet e reja, një sektor i ri mbi trajnimin do të shtohet në strukturën e AIDA brenda 2021, i përbërë nga një përgjegjës sektori dhe dy specialistë, të pajisur me certifikate për ofrim trajnimesh.

Fuqizimi i ekosistemit të startup-ve

Duke njohur kontributin e rëndësishëm të *startup*-eve në një ekonomi më të drejtuar nga inovacioni dhe njohuritë, ky veprim përqendrohet në zhvillimin e një mjedisi të favorshëm sipërmarrës, i lidhur ngushtë me projektligjin për mbështetjen dhe zhvillimin e *startup*-eve inovative, dhe Programin e Inovacionit dhe programi EU for Innovation. Theks i veçantë do t'i kushtohet grave sipërmarrëse dhe fillestarëve që ofrojnë zgjidhje digjitale ose produkte/shërbime që kontribuojnë në zhvillimin e ekonomisë së gjelbër dhe qarkulluese. Veprimi prioritar, gjithashtu, do të adresojë masat rregullatore që lehtësojnë krijimin e ndërmarrjeve të sapo themeluara dhe do të pasqyrojnë rëndësinë e mbrojtjes së të drejtave të pronësisë industriale dhe intelektuale.

Komponentët e mëposhtëm do të zbatohen në bashkëpunim të ngushtë me partnerë ndërkombëtarë, qytete/bashki dhe aktorë të tjerë të ekosistemit:

- **Ndërtimi i bazës së një ekosistemi fillestar të qëndrueshëm:** krijimi i një Agjencie të dedikuar për *startup* ("Startup Albania"), që lehtëson zhvillimin e ekosistemit formon një element qendror të këtij veprimi prioritar.

- **Ndërtimi i kapaciteteve që adresojnë ekosistemin fillestar dhe inovacionin:** masat e personalizuar të ndërtimit të kapaciteteve do të synojnë fillestarët, si dhe organizatat mbështetëse (të tilla si inkubatorët, përshpejtuesit dhe iniciativat e institucioneve të arsimit të lartë), duke i ndihmuar ata në përmirësimin dhe shtrirjen e shërbimeve të tyre. Masat e mëtejshme synojnë diversifikimin e strukturës dhe shërbimeve të mbështetjes për fillestarët, si dhe tërheqjen e lojtarëve të rinj publikë dhe privatë (p.sh. nga diaspora) në ekosistem.

- **Përmirësimi i aksesit në financa:** Ndërtimi i skemave ekzistuese/të mbështetura nga donatorët, p.sh. nën BE për Inovacionin, kjo komponent parashikon futjen e instrumenteve të mëtejshme të financimit që plotësojnë sigurimin e granteve për fillestarët dhe organizatat mbështetëse. Kjo përfshin, ndër të tjera, zhvillimin e një rrjeti të engjëjve të biznesit dhe kornizën ligjore për financimin e turmës.

- **Nxitja dhe zbatimi i qasjes Quadra Helix:** Promovimi i lidhjeve midis aktorëve të ndryshëm të ekosistemit (institucionet e arsimit të lartë, industri, qeveri, shoqëri) formon një fokus tjetër të këtij veprimi prioritar që përfshin, për shembull, një varg ngjarjesh dhe formatesh të rrjeteve. Për të zhbllokuar potencialet e sipërmarrjes, institucionet arsimore do të ndihmohen në përshtatjen e plan-programeve të tyre dhe forcimin e lidhjeve me komunitetin fillestar (p.sh. lidhjet e praktikave dhe hackathonët e studentëve).

- **Promovimi i Shqipërisë si një ekosistem fillestar dhe inovacioni:** Masat e synuara të komunikimit do të përdoren për të promovuar potencialet e sipërmarrjes/ekosistemit në nivel lokal dhe ndërkombëtar.



Integrimi ndërkombëtar i ekosistemit të *startup*-eve

Integrimi ndërkombëtar i ekosistemit të *startup*-eve konsiderohet të jetë një element premtues për të mbështetur rritjen dhe ndërkombëtarizimin e *startup*-eve dhe NVM-ve të reja. Në të njëjtën kohë, ekspozimi ndërkombëtar dhe bashkëpunimi me organizatat e tjera të *startup*-eve kontribuojnë në forcimin e kapaciteteve të organizatave lokale mbështetëse dhe zhvillimin e një mjedisi të favorshëm sipërmarrës në vend.

Në këtë kuadër, fokusi kryesor i këtij veprimi prioritar është lidhja e *startup*-eve Shqiptare me mentorët e diasporës dhe zhvillimi i një iniciative rajonale për *startup*-et. Ky veprim prioritar mbështetet në aktivitetet ekzistuese të mbështetura nga donatorët (p.sh. nën Programin BE për Inovacionin) dhe plotëson iniciativat në nivel rajonal në kuadër të Planit të Veprimit për Tregun e Përbashkët Rajonal (2021–2024)

Për të shfrytëzuar përvojën, rrjetet dhe burimet e diasporës, programet e dedikuara të mentorimit do të shkallëzohen. Rrjeti i mentorëve do të shtrihet në mënyrë sistematike, duke përfshirë, gjithashtu, gra të suksesshme në biznes për të mbështetur gratë sipërmarrëse. Rrjeti i mentorëve do të shtrihet në mënyrë sistematike, duke përfshirë, gjithashtu, gra të suksesshme në biznes për të mbështetur gratë sipërmarrëse. Në bazë të eksperiencës së përftuar nga marrëdhëniet bilaterale të mentorimit do të vlerësohet mundësia për grupe të rregullta mentorimi.

Gjithashtu, do të organizohen aktivitete (virtuale) ndërlidhëse/prezantuese për të forcuar lidhjet dhe për t'i dhënë sipërmarrësve shqiptarë mundësinë të gjejnë mentorë/investitorë me eksperiencë ndërkombëtare. Këto aktivitete do të plotësohen me masa komunikimi të shënjestruara për të informuar diasporën mbi zhvillimin e komunitetit të *startup*-eve, bashkëpunimet përkatëse dhe mundësitë për investim.

Në bazë të vlerësimit të nevojave dhe interesave të *startup*-eve lokale dhe organizatave mbështetëse, zhvillimi i një iniciative rajonale për *startup*-et përbën komponentin e dytë të këtij veprimi. Për hartimin e kësaj iniciative do të merren në konsideratë shembuj të praktikës së mirë ndërkombëtare (p.sh. EuroIncNet ose *Startup* Alpe-Adria). Qëllimi është integrimi i organizatave të *startup*-eve jo vetëm brenda rajonit, por, gjithashtu, nga shtetet anëtare të BE-së zgjerimi i rrjetit të bashkëpunimit dhe përfitimi nga eksperiencat përkatëse lidhur me shfrytëzimin e programeve të financuara nga BE-ja.

Midis të tjerash, parashikohen aktivitetet e mëposhtme bashkëpunuese:

- Zhvillimi i studimeve për hyrjen në treg dhe prezantimi i strategjive për *startup*-et me organizatat partnere;
- Sigurimi i mbështetjes për hyrjen në treg (paketa shërbimesh të ofruara nga organizatat partnere për *startup*-et që kërkojnë të testojnë modelin e tyre të biznesit në nivel ndërkombëtar, p.sh. hapësira për zyra falas, shërbime këshillimi dhe mundësi për ndërlidhje);
- Prezantimi i një programi të përbashkët përshpejtimi.
- Hapi i parë për të përgatitur aktorët shqiptarë për pjesëmarrje në iniciativën rajonale, do të jetë mbështetja e bashkëpunimeve bilaterale.



Nisma për përmirësimin e zinxhirit të vlerave me bazë konkurrencën

Zhvillimi dhe përmirësimi i zinxhirit të vlerave në vend dhe në nivel rajonal, si dhe integrimi në zinxhirin e vlerave ndërkombëtare luan një rol kritik në rrugën e dëshiruar për zhvillim. Për të rritur gradualisht veprimtaritë inovative dhe për të shpalosur plotësisht potencialet e specializimit inteligjent është e nevojshme të eksplorohehen mënyra të reja për t'u përqendruar dhe për të bashkëpunuar në zinxhirët e vlerave duke përfshirë të gjithë aktorët.

Shqipëria aktualisht po zhvillon një strategji për specializimin inteligjent. Përvoja ndërkombëtare tregon se procesi i hartimit të strategjisë dhe qasja e tij lidhur me pjesëmarrjen sigurojnë një mundësi premtuese për zhvillimin e përbashkët të ideve për projekte bashkëpunuese për rritjen e kapaciteteve. Megjithatë, në shumë raste, mungesa e mekanizmave financiarë për zhvillimin e këtyre ideve dhe zbatimin e tyre ka rezultuar një sfidë e vështirë.

Duke marrë në konsideratë “mësimet e nxjerra” si dhe përvojën praktike në nivel ndërkombëtar, si p.sh. programin gjerman “WIR - Transformim përmes inovacionit në rajon”, fokusi kryesor i këtij veprimi prioritar është të hartojë dhe zbatojë një skemë mbështetëse të dedikuar, e cila ofron grante për konsorciumet, institucionet e arsimit të lartë për projekte bashkëpunuese për rritjen e kapaciteteve.

Iniciativa e bazuar në konkurrencë do të strukturohet në disa faza, me qëllim përqendrimin e burimeve në zinxhirët e vlerave dhe projektet më premtuese, dhe në të njëjtën kohë rritjen e ndërgjegjësisë mbi potencialin e inovacionit në përgjithësi:

- Pas thirrjes për propozime, konsorciumet e interesuara dorëzojnë aplikimet e tyre së bashku me një plan të projektidesë së tyre (p.sh. për përparimin drejt një zinxhiri qarkullues vlerash). Theks i veçantë do të vendoset mbi idetë e zhvilluara në kontekstin e Strategjisë së Specializimit Inteligent. Megjithatë, mund të paraqiten dhe ide të tjera.
- Juria do të përzgjedhë 20 konsorciume për fazën e konceptit. Secila nga konsorciumet e përzgjedhura do të marrë një grant prej 50 mijë euro për zhvillimin e një koncepti zhvillimi. Kostot e pranueshme përfshijnë aktivitetet ndërlidhëse dhe *workshop*-et, kërkimet e tregut dhe studimet e fizibilitetit.
- Juria do të vlerësojë konceptet zhvilluese dhe do të zgjedhë 10 konsorciume për fazën e zbatimit. Grante deri në 200 mijë euro do të jepen për zbatimin e koncepteve për një periudhë fillestare prej dy vjetësh. Kostot e pranueshme lidhen me aktivitetet e kërkim-zhvillimit dhe pajisjeve, trajnimeve dhe promovimit.
- Në bazë të vlerësimit të rezultateve do të shqyrtohen potencialet dhe fizibiliteti i një programi zhvillimi klaster, me qëllim zhvillimin e iniciativës.

**Rritje e aksesit në financë**

Kushtet aktuale - veçanërisht në kontekstin e krizës së COVID-19 - janë sfiduese për NVM-të, si shtylla kurrizore e ekonomisë shqiptare. Përmirësimi i aksesit në financë konsiderohet me rëndësi kritike për forcimin e konkurrueshmërisë së NVM-ve, duke mbështetur rimëkëmbien. Është e nevojshme të rritet efektiviteti i skemave ekzistuese të granteve për NVM-të dhe të prezantohen dhe promovohen mjete dhe instrumente të reja financiare.

Ky veprim prioritar bazohet në dhe plotëson iniciativat ekzistuese të mbështetura nga donatorët, si Programi i BERZH-it për Mbështetjen e Agrobiznesit Shqiptar, Fondi Evropian për Evropën Juglindore dhe Programi Italo-Shqiptar për zhvillimin e NVM-ve në Shqipëri. BERZH po mbështet, gjithashtu, kryerjen e një analize gjithëpërfshirëse të të gjitha skemave ekzistuese për mbështetjen e NVM-ve dhe zhvillimin e një platforme informative që detajon mundësitë e disponueshme për financim, të cilat janë pjesë e PRE 2020–2022.

Në këtë kuadër, ky veprim prioritar përfshin masat e parashtruara më poshtë. Theks i veçantë do të vendoset në mbështetjen e grave sipërmarrëse dhe sipërmarrjeve që drejtohen nga gratë.

- Krijimi i një portali informacioni për aksesin në financë për NVM-të në AIDA: Portali ofron një përmbledhje të mundësive të financimit në dispozicion për të gjitha instrumentet e tregut financiar të ofruara nga institucionet shtetërore ose donatorët.

- Ridisnjimi i skemës ekzistuese të granteve për NVM-të: Kjo përfshin krijimin e një Fondi të Vetëm për Zhvillimin e NVM-ve, i cili kombinon skemat ekzistuese. Fondi i ri do të lejojë më shumë fleksibilitet, në lidhje me qëllimet e financimit. Shuma maksimale e granteve për projekt do të rritet për të përmirësuar tërheqjen dhe ndikimin e Fondit.

- Ristrukturimi i proceseve të aplikimit për grante dhe administrimi: Proceset e aplikimit *online* do të futen për të zgjeruar gamën e aplikuesve duke ua bërë më të lehtë procedurën e aplikimit NVM-ve jashtë Tiranës.

- Prezantimi i mjeteve dhe instrumenteve shtesë financiare: Bazuar në përvojën ndërkombëtare, do të hartohet një skemë e garancisë shtetërore. Karakteristikat kryesore do të specifikohen, p.sh. kriteret e pranimi, kolaterali/tarifat dhe korniza institucionale.

- Hartimi i një ligji të ri për NVM-të

- Prezantimi i skemave mbështetëse shtesë, të tilla si garancitë e kredive. Do të krijohet instrumenti i garancisë prej 50 milionë euro për manufakturën në rastet e ndryshimit të porosive për të përballuar kostot e ndërrimit dhe kalimit në linja prodhimi të reja (*switching costs*).

- Krijimi i një kuadri ligjor dhe rregullator të favorshëm për financimin *crowdfunding* nga AMF-ja – Autoriteti i Mbikëqyrjes Financiare në bashkëpunim me Bankën e Shqipërisë.

- Me mbështetjen e projektit “EU for Innovation”, një program pilot do të iniciohet për krijimin e një rrjeti engjëjsh biznesi.


**Program për aftësitë
sipërmarrëse për NVM-të**

Ndërmarrjet e vogla dhe të mesme përbëjnë pjesën kryesore të bizneseve në Shqipëri. Ato janë thelbësore për krijimin e vendeve të punës dhe rritjen e produktivitetit, zhvillimin dhe konkurrueshmërinë. Aftësia e NVM-ve për të shtuar vlerë, për të hapur vende pune dhe nxitu inovacionin varet nga aftësitë e kapitalit njerëzor. Cilësia e aftësive menaxheriale është veçanërisht e rëndësishme për NVM-të, të cilat duhet të jenë në gjendje të përshtaten me shpejtësi me zhvillimin e tregjeve dhe ndryshimin e kushteve - me burime të kufizuara.

Kjo masë reflekton rekomandimet e Indeksit të Politikave për NVM-të të OECD-së, i cili thekson nevojën për të zgjeruar ofrimin e trajnimeve për NVM-të dhe nxitjen e bashkëpunimit ndërmjet bizneseve dhe ofruesve të trajnimeve.

Në këtë kuadër dhe në përpos mbështetjes financiare, ky veprim prioritar fokusohet në zhvillimin dhe zbatimin e një programi për aftësitë sipërmarrëse për NVM-të, duke përfshirë dhënien e asistencës teknike, trajnimeve dhe masat e tjera për zhvillimin e kapaciteteve. Për pronarët, menaxherët dhe punonjësit e NVM-ve të interesuara do të ofrohen shërbime këshillimi, udhëzime dhe trajnime sipas nevojave. Programet e trajnimit dhe trajnimit do të përqendrohen në aftësitë e biznesit, duke përfshirë tema nga fusha të ndryshme, si menaxhimi i përgjithshëm i biznesit dhe qeverisja e suksesshme e korporatave, menaxhimi i inovacionit, sfidat dhe mundësitë e transformimit të gjelbër dhe digjital ose përfitimet e standardeve për të rritur eksportet. Për më tepër, arsimimi i NVM-ve do të stimulohet përmes përdorimit të mediave vizive dhe sociale dhe do të promovohen shembuj të praktikave të mira.

Planifikohet që AIDA të koordinojë skemën, e cila përfshin për shembull zhvillimin e programeve/planeve të trajnimit si dhe masat e komunikimit, materiale informative të shënjestruara për NVM-të dhe detyra monitorimi. Personeli i ri për sektorin e trajnimit, i parashikuar në veprimin prioritar 2.1, do të marrë përsipër këtë funksion. Në ofrimin e trajnimeve do të përfshihen një sërë partnerësh, si dhe shoqatat e biznesit dhe ofruesit privatë të trajnimeve. Për zbatimin e programit të trajnimeve do të sigurohen fondet e nevojshme.

Gjatë fazës së hartimit të programit do të merren në konsideratë faktorët përkatës për suksesin e praktikave të mira ndërkombëtare, veçanërisht ato që lidhen me formatet digjitale dhe specifikat e grupeve të synuara. Gjithashtu, do të vlerësohen mekanizmat e ndryshëm financiarë dhe zbatues me mbështetje nga donatorët.

Ky program do të përdorë në mënyrë të veçantë sinergjitë me veprimet e tjera prioritare, të tilla si vlerësimi periodik i nevojave për trajnim dhe programi për zhvillimin e forcës së punës. Vlerësimi i nevojave për trajnim do të ndihmojë në përshtatjen e shërbimeve që ofrohen për mbështetjen e biznesit me nevojat e NVM-ve, sektorin e tyre, fazën e zhvillimit dhe përvojën e tyre në treg. Gjithashtu, ky veprim plotëson zhvillimin e aftësive të punonjësve përmes programit për zhvillimin e forcës së punës.

Programi do të përdorë veçanërisht sinergjitë me veprime të tjera prioritare siç janë vlerësimi i rregullt i nevojave për trajnim dhe programi i zhvillimit të fuqisë punëtore.

Objektivi specifik 1.3: Zhvillimi i kapitalit njerëzor

Në përputhje me parimet e Strategjisë për NVM-të dhe Agjendën për Aftësi të BE-së, SZHBI-ja e re thekson rëndësinë strategjike që ka zhvillimi i aftësive për sa i përket NVM-ve, investitorëve të mëdhenj dhe *startup*-eve. Zhvillimi i aftësive dhe të mësuarit gjatë gjithë jetës kanë rëndësi thelbësore për një rritje, produktivitet dhe inovacion të qëndrueshëm. Vetëm me aftësitë e duhura do të mundet Shqipëria të forcojë pozicionin e saj në konkurrueshmërinë dhe zinxhirët e vlerave ndërkombëtare dhe të ketë një rimëkëmbje ekonomike të qëndrueshme pas krizës së pandemisë.

Veprimtaritë arsimore dhe ato të rritjes së aftësive janë thelbësore për bizneset në mënyrë që ato të jenë në gjendje të përballojnë transformimin e zinxhirit të vlerave ndërkombëtare, tregun e vetëm, specializimin inteligjent, si dhe transformimin e gjelbër dhe digjital. Në një mjedis konkurrues të ndryshueshëm, si *startup*-et ashtu dhe NVM-të e krijuara shpesh vihen në sfidë nga mungesa e punonjësve të aftë. Ata shpesh nuk kanë të njëjtat burime si kompanitë e mëdha për të investuar për trajnimin e punonjësve të tyre. Në të



njëjtën kohë, baza e aftësive ka mjaft rëndësi në vendimin e investitorëve mbi vendndodhjen e biznesit, veçanërisht nga grupet e synuara bizneset e të cilave bazohen në njohuri dhe teknologji

Duke marrë në konsideratë situatën aktuale dhe burimet e disponueshme, është e rëndësishme që zhvillimi i kapitalit njerëzor të vendoset në të njëjtin kontekst me fushat e tjera të ndërhyrjes dhe të ndiqet një qasje largpamëse dhe bashkëpunuese. Në këtë kontekst, veprimet në këtë fushë të ndërhyrjes synojnë arritjen e objektivave dhe rezultateve të pritshme që shfaqen në figurën më poshtë, duke plotësuar dhe specifikuar objektivin e përcaktuar të politikës.

Objektivat specifikë dhe rezultatet e pritshme⁵³ të fushës së ndërhyrjes “Zhvillimi i kapitalit njerëzor”

Objektivi i politikës

Eksplorimi i mënyrave të reja për të nxitur zhvillimin e kapitalit njerëzor bashkëpunues

Rezultatet e pritshme:

- 1. Rritje e PBB-së për person të punësuar nga 34,600 në 37,000 (në vitin 2017, PPP konstante në \$)**
- 2. Rritje e përqindjes së punësimeve në profesione që kërkojnë njohuri të thelluara nga 17.5% në 19.5%**

Objektivat specifikë:

Hartimi i programeve të dedikuara për të siguruar forcë punëtore të kualifikuar dhe zhvillimin e aftësive për specializimin inteligjent

Përmirësimi i inteligjencës së aftësive dhe përputhshmërinë ndërmjet arsimit/trajnimeve dhe kërkesës nga bizneset

Inteligjenca e shëndoshë e aftësive formon pikën e nisjes për të garantuar ofrimin e arsimit dhe formimit modern dhe dinamik, në përputhje me nevojat e tregut të punës dhe ato shoqërore. Në bazë të inteligjencës së aftësive së azhurnuar dhe lehtësisht të aksesueshme, nevojiten përpjekje të bashkërenduara për të asistuar NVM-të në identifikimin e masave të duhura për rritjen e aftësive, për të zgjeruar ofertën e trajnimeve dhe për të ecur me hapin e transformimeve dhe ndryshimeve në një mjedis konkurrues. Kjo përfshin forcimin e lidhjeve ndërmjet aktorëve të spirales së trefishtë përmes eksplorimit të qasjeve të reja për të promovuar bashkëpunimin dhe lëvizshmërinë ndërmjet mjedisit akademik dhe biznesit.

Në këtë kontekst, ka, gjithashtu, një potencial premtues për të shfrytëzuar sinergjitë në pikën e lidhjes ndërmjet zhvillimit të kapitalit njerëzor dhe fushave të ndryshme të ndërhyrjes së SZHBI-së për sa i përket:

- Përqendrimit në nevojat e investitorëve dhe përfshirjes së tyre në masat e zhvillimit të aftësive në të njëjtën kohë;

- Nxitjes së të mësuarit sipërmarrës dhe intensifikimit të bashkëpunimit midis sipërmarrësve dhe institucioneve arsimore dhe trajnuese;

- Integritet të zhvillimit të aftësive në masat mbështetëse për NVM-të dhe iniciativat për përmirësimin e zinxhirëve premtues të vlerave në kontekstin e specializimit inteligjent.

Në këtë kontekst, tabela nr. 13 paraqet një panoramë të veprimeve prioritare të parashikuara në këtë fushë të ndërhyrjes të SZHBI-së 2021–2027. Detaje të mëtejshme (objektivat dhe TKP-të, institucionet përgjegjëse dhe burimet e nevojshme) gjenden në aneksin nr. 1.

⁵³ Gjithashtu, është përcaktuar një strukturë e përqendruar për treguesit kryesorë të performancës (TKP) për çdo veprim prioritar, p.sh. 100 NVM punësojnë talente përtej kohëzgjatjes së projekteve për mbështetjen e inovacionit, 25 kompani përfitojnë në vit nga ofrimi i trajnimeve të personalizuar, nën programin e zhvillimit të fuqisë punëtore. TKP-të detajohen në fishat e veprimeve në aneks.



Tabela 13. Masat në fushën e ndërhyrjes “Zhvillimi i kapitalit njerëzor”

Veprimet prioritare	Përshkrim përmbledhës
Skema e mbështetjes për zhvillimin e kapitalit njerëzor bashkëpunues	Si <i>startup</i>-et ashtu dhe NVM-të e krijuara shpesh përballen me sfida nga mungesa e punonjësve të aftë, veçanërisht për pozicione pune që kërkojnë më shumë aftësi. Në bazë të rekomandimeve të Planit të Veprimit të Spirales së Trefishtë do të zhvillohet një skemë mbështetëse për të rritur bazën e aftësive dhe për të eksploruar qasje të reja për promovimin e bashkëpunimit dhe mobilitetit ndërmjet shkollës dhe bizneseve. Kjo skemë do të ofrojë mbështetje financiare për punësimin e talentëve të kualifikuar në K&ZH dhe projekte inovacioni, dhe mbulon dy komponentë: 1. Asistencë për NVM-të që punësojnë të sapodiplomuarit e talentuar për projekte inovacioni: Të sapodiplomuarit do të punësohen për detyra në fushën e kërkimit dhe zhvillimit, zhvillimit/përmirësimit të produkteve dhe proceseve të reja, kërkim tregu dhe zhvillimi biznesi për inovacionin. Kjo skemë do të ofrojë subvencion page që mbulon deri në 50% të pagës bruto si dhe shpenzimet që lidhen me punën (si p.sh. trajnimet) e një të sapodiplomuarit nga një NVM për të punuar në projekte inovacioni, për një periudhë deri në 18 muaj. Kontributi maksimal do të arrijë vlerën 4,500 euro për një person (25 euro në muaj). Të sapodiplomuarit do të punësohen përsëri dhe për herë të parë. I sapodiplomuari nuk duhet të zëvendësojë një pozicion ekzistues. 2. Asistencë për studentët doktorantë: Programi i doktoraturës industriale është projekt kërkimi dhe program PHD i fokusuar tek industria dhe zhvillohet bashkërisht nga një kompani e sektorit privat, një kandidat për PhD industriale dhe një institucion të arsimit të lartë. Kandidati për PhD industriale punësohet nga kompania dhe në të njëjtën kohë regjistrohet në institucionet e arsimit të lartë dhe punon për të njëjtin projekt në të dy vendet. Kandidati duhet ta shpenzojë të gjithë kohën e punës duke punuar mbi projektin dhe nuk mund të kryejë detyra të tjera. Kompania merr një subvencion page për pagesën e kandidatit (p.sh. deri në 50% të pagës së plotë bruto/deri në 200 euro në muaj) për një periudhë deri në tre vjet. Institucionet e arsimit të lartë marrin një subvencion për mbikëqyrjen, pajisjet dhe shpenzime të tjera për arsimimin e kandidatit (p.sh. deri në 2,000 euro në vit). Për koordinimin e skemës nevojitet një pozicion shtesë për AIDA-n, e cila do të mbështesë, gjithashtu, zbatimin e skemës së mbështetjes së sipërmarrjes (veprimi prioritar 2.1). Gjatë fazës së hartimit, do të vlerësohet nëse është e nevojshme të ndryshohet kadri ligjor/rregullator. Bazuar në vlerësimet e përvojës së fituar, programi mund të zgjerohet në grupe të mëtejshme të synuara. Prezantimi do të shoqërohet me një sërë masash komunikimi. Promovimi do të përshtatet sipas grupeve të synuara (NVM-të, institucionet e arsimit të lartë, të diplomuarit/doktorantët) dhe do të përfshijë aktivitete dhe njoftime në botimet e bashkimit të dhomave të tregtisë dhe industrisë dhe shoqatave të biznesit, institucionet e arsimit të lartësi dhe në materialet e orientimit në karrierë dhe informacionet e shërbimeve të punësimit (p.sh. broshura, udhëzime). Projektimi dhe zbatimi i një skeme mbështetëse që përfshin: - Asistencë për NVM-të që punësojnë të sapodiplomuarit për projekte inovacioni. - Asistencë për studentët doktorantë që janë punësuar në NVM dhe në të njëjtën kohë janë regjistruar në institucionet e arsimit të lartë, të cilët punojnë për një projekt të përbashkët kërkimi. - Do të krijohen programet “Inovacion dhe ekselencë në manifakturë” dhe “Inovacion dhe ekselencë në IT” për trajnime në inovacion, disajnim, marketing, kërkim dhe zhvillim nëpërmjet mbulimit të kostove të trajnimit 100%. Kostot do të rimbursohen 50% direkt dhe 50% si 2-fish i tatimit të zbritshëm ndaj shoqërive ku është i punësuar përfituesi. Kostot e këtyre programeve do të përcaktohen gjatë përgatitjes së politikave fiskale në vijim.



**Program
për zhvillimin e forcës së
punës për dhe me NVM-
të dhe investitorët**

Atraktiviteti i një destinacioni për investitorët varet shumë nga cilësia e bazës së aftësive, veçanërisht nga perspektiva e grupeve të synuara bizneset e të cilëve bazohen në njohuri dhe teknologji. Në të njëjtën kohë, përvoja ndërkombëtare tregon se investitorët dhe bizneset lokale mund të japin një kontribut të vyer në forcimin e kapitalit njerëzor. Programi për zhvillimin e forcës së punës do të përfshijë investitorët dhe NVM-të në rritjen e bazës së aftësive, si edhe rritjen e aftësive digjitale për fuqinë punëtore të NVM-ve, përmes kryerjes së trajnimeve të posaçme për TIK. Ky program përfshin tre komponentë, të cilët do të zbatohen me faza.

Komponenti 1: Integrimi i zhvillimit të aftësive në shërbimet e përkujdesjes së mëtejshme

Ky komponent mund të bazohet në aktivitetet ekzistuese dhe mbështetjen e donatorëve, të tilla si asistencë nga GIZ për shërbimet e përkujdesjes së mëtejshme. Fokusi do të jetë në lehtësimin e shërbimeve, duke mbështetur investitorët për zhvillimin e fuqisë së tyre punëtore përmes strukturave dhe programeve ekzistuese, të tilla si trajnimet në vendin e punës dhe formim profesional. Këto shërbime do të zhvillohen përmes bashkëpunimit të ngushtë ndërmjet AIDA-s, AKPA-s, qendrave të formimit profesional dhe palëve të tjera të interesit si dhomat dhe organizatat. Ndarja e detyrave do të detajohet përmes MoU-ve.

Ky program do të koordinohet nga AIDA dhe do të zbatohet në bashkëpunim të ngushtë me ofruesit privatë të trajnimeve dhe shoqatat e biznesit. Fokusi kryesor do të jetë mbi kurset afatshkurtra, p.sh. kurse formimi afatshkurtra për saldator. Kurset e formimit do të jepen nga ekspertë të jashtëm/trajnues privatë. Për të garantuar zbatimin efektiv, AIDA-s do t'i nevojiten burime dhe kapacitete të përshtatshme. Koordinimi i programit të zhvillimit të forcës së punës do të bëhet nga sektori i trajnimeve.

Komponenti 2: Studimi i fizibilitetit për një qendër për zhvillimin e aftësive sipas modelit PPP

Përvoja ndërkombëtare tregon se ka një potencial premtues për bashkëpunim me investitorët lidhur me masat për zhvillimin e aftësive. Zbatimi i modeleve PPP për zhvillimin e aftësive konsiderohet si një opsion strategjik premtues. Në përputhje me praktikën e mirë ndërkombëtare, si Penang Skills Development Centre, do të zhvillohet një studim i plotë fizibiliteti për të vlerësuar mundësinë për një qendër trajnimesh pilot bazuar në modelin PPP dhe në bashkëpunim me investitorët në një TEDA. Kjo qendër mund të përfshijë programe trajnimi të orientuara, sipas grupeve të synuara, të tilla si kurse teknike, formim profesional ose diploma *Bachelor*.

**Sistemi i parashikimit të nevojave për aftësi**

Zhvillimi i aftësive dhe të mësuarit gjatë gjithë jetës kanë rëndësi thelbësore për një rritje, produktivitet dhe inovacion të qëndrueshëm. Vetëm me aftësitë e duhura do të mundet Shqipëria të forcojë pozicionin e saj në konkurrencën dhe zinxhirët e vlerave ndërkombëtare dhe të ketë një rimëkëmbje ekonomike të qëndrueshme pas krizës së pandemisë. Inteligjenca e shëndoshë e aftësive formon pikën e nisjes për të garantuar ofrimin e arsimit dhe formimit modern dhe dinamik në përputhje me nevojat e tregut të punës dhe ato shoqërore.

Në zbatim të kërkesave të *“Small Business Act”* do të hartohet një sistem parashikimi, për të kryer parashikimin periodik afatmesëm/gjatë të nevojave (për pesë vitet e ardhshme) për aftësi.

Në bashkëpunim me partnerët dhe ekspertët ndërkombëtarë dhe bazuar në praktikën e mirë ndërkombëtare do të zhvillohet një sistem i besueshëm. Ky sistem do të ndërtohet bazuar në vlerësimin e nevojave për aftësi në Shqipëri. Do të kombinohen instrumente/metoda të ndryshme, duke marrë në konsideratë informacione sasiore dhe cilësore për të arritur rezultate të konsoliduara, të tilla si: sondazhe mbi aftësitë punëdhënës-punëmarrës, gjurmimi i të sapodiplomuarve, grupe fokusi/ekspertësh, forume për evidentimin e aftësive dhe konsorciume sipas sektorëve.

Të gjitha palët e interesit si NVM-të, institucionet arsimore, shërbimet e punësimit dhe shoqatat e biznesit dhe ministritë përkatëse do të angazhohen për të garantuar që vlerësimi i aftësive dhe ushtrimet përgatitore të ofrojnë informacion në një format dhe nivel që përputhet me objektivat e politikës dhe të bëhet pjesë e veprimit politik.

Sistemi i zhvilluar do të përdoret për të kryer parashikime të nevojave për trajnim çdo 2–3 vjet, duke forcuar kapacitetet dhe infrastrukturën për mbledhjen, analizimin dhe shpërndarjen e informacionit. Përveç parashikimit të përgjithshëm të nevojave, do të integrohen dhe parashikime të tjera tematike, duke u fokusuar për shembull në digjitalizimin, specializimin inteligjent, të mësuarit gjatë gjithë jetës apo rajone/industri specifike. Raportet e gjeneruara do të lejojnë nxjerrjen e konkluzioneve dhe kryerjen e rregullimeve, p.sh., në programet dhe kurrikulat arsimore, për t'i përshtatur ato me kërkesat e ardhshme të tregut të punës.



Vlerësim periodik i nevojave për trajnim

Bizneset shqiptare shprehen se pengesa kryesore në mjedisin e biznesit është fuqia punëtore e patrajnuar si duhet. Për shkak të përmasave të tyre të vogla, veçanërisht NVM-të e kanë të vështirë të plotësojnë nevojat e tyre për arsim dhe trajnim dhe nuk kanë burime për identifikimin e nevojave dhe për të investuar në trajnime. Megjithatë, veprimtaritë arsimore dhe ato të rritjes së aftësive janë thelbësore për bizneset, në mënyrë që ato të jenë në gjendje të përballojnë transformimin e zinxhirit të vlerave ndërkombëtare, tregun e vetëm, specializimin inteligjent, si dhe transformimin e gjelbër dhe digjital. Sipas raporteve të fundit, trajnimet aktuale nuk i plotësojnë nevojat e bizneseve.

Në këtë kuadër, ky veprim prioritar fokusohet në vlerësimin periodik të nevojave për trajnim (VNT), i plotësuar shërbime mbështetëse për NVM-të, të cilat do të zhvillohen në bashkëpunim me ekspertët ndërkombëtarë.

Ky vlerësim do të evidentojë nevojat afatshkurtra për trajnim, duke përfshirë nevojat e sipërmarrësve dhe punonjësve të tyre. Do të bazohet në studimet kombëtare për bizneset, raste studimi dhe konsultime të mëtejshme me komunitetin e biznesit/palët e interesit dhe do të mbështetet në studimet e fundit mbi nevojat për trajnim të kryer nga AIDA. Rezultatet do të shërbejnë si bazë për vendimmarrësit për të mundësuar përputhjen e trajnimeve të ofruara me kërkesat e NVM-ve dhe për të zhvilluar struktura mbështetëse të shënjestruara.

Në bashkëpunim me partnerët ndërkombëtarë do të prezantohen shërbime të tjera për NVM-të, për t'i mbështetur ato në identifikimin e nevojave të brendshme dhe në gjetjen e ofertave të përshtatshme për trajnim, duke plotësuar vlerësimin e nevojave për trajnim. Në këtë kontekst, parashikohet një pozicion shtesë brenda AIDA-s, i cili do të jetë pika kryesore e kontaktit për bizneset, dhe do të ofrojë shërbime informacioni dhe këshillimi. Përveç asistencës bilaterale, AIDA do të organizojë *workshop*-e dhe *webinar*-e me mbështetjen e ekspertëve të jashtëm dhe partnerëve të tjerë si dhe shoqatat e biznesit, p.sh., mbi metodologjitë dhe përfitimet e biznesit nga analiza e nevojave për trajnim. Për zbatimin e analizës së brendshme të nevojave për trajnim do të përgatiten lista dhe manuale të cilat do të publikohen *online*. Gjithashtu, do të ndërtohet një platformë *online*. Ajo do të sigurojë informacion mbi ofertat specifike në nivel rajonal ose në nivel industrie (duke përfshirë kontaktet) dhe do të promovojë aktivitete dhe histori suksesi.

5. Metodologjia

Siç është shpjeguar në nënkapitullin 2, kuadri ligjor dhe institucional në fuqi dhe lidhja me dokumentet dhe prioritetet strategjike të këtij dokumenti, përputhet plotësisht me dokumentet strategjike në nivel ndërkombëtar e kombëtar të miratuar nga Kuvendi dhe Këshilli i Ministrave duke bërë që vizioni, objektivat strategjike dhe specifike të parashikuar të përputhen plotësisht me këto dokumente strategjike.

Nisma për hartimin e këtij dokumenti strategjik u ndërmor nga autoriteti kryesor përgjegjës, pra Ministria e Financave dhe Ekonomisë, e cila punoi ngushtësisht me Grupin Ndërinstitucional të Punës të përbërë nga përfaqësues dhe përfaqësues të ministrave kryesore të linjës. Mbështetja dhe orientimi bazuar te raporti i vlerësimit të zbatimit të SZHBI 2021–2027 ka qenë tepër ndihmuese. Gjithashtu vlen të përmendet dhe mbështetja e veçantë e ofruar nga Projekti *Proseed*, përmes një grupi ekspertësh, të cilët lehtësuan punën e GNP-së në përgatitjen e këtij dokumenti strategjik, që nga momenti i hartimit deri te kostimi dhe përgatitja e pasaportës së treguesve.

Gjatë punës për përgatitjen e dokumentit janë realizuar një sërë konsultimesh me aktorë dhe bashkëpunëtorë të rëndësishëm në nivel qendror dhe të vetëqeverisjes vendore (kryesisht me nëpunëset/nëpunësit e nxitjes së biznesit dhe investimeve në nivel qendror dhe të vetëqeverisjes vendore, akademia, organizatat e shoqërisë civile, si dhe me komunitetin e organizatave ndërkombëtare, të cilët kanë në fokus çështjet e zhvillimit të biznesit dhe tërheqjes së biznesit).

Gjithashtu, ky dokument do të publikohet për konsultim publik.



PJESA II – QËLLIMI I POLITIKAVE, OBJEKTIVAT SPECIFIKË DHE MASAT PRIORITARE TË ZBATIMIT TË STRATEGJISË

“SZHBI 2021 – 2027” përbëhet nga qëllimi kryesor si vijon:

“Zhvillimi plotësisht i potencialeve të investimeve për zhvillimin ekonomik dhe nxitjen e integritimit në tregjet ndërkombëtare dhe zinxhirët e vlerës.”

Arritja e këtij qëllimi kërkon përpjekje të gjithanshme nga të gjitha ministrat dhe institucionet që zbatojnë politika, të cilat ndikojnë në mënyrë të drejtpërdrejtë në zhvillimin e biznesit dhe tërheqjen e investimeve. Një nevojë e domosdoshme dhe e vazhdueshme është gjetja e mekanizmave të duhur dhe të përshtatshëm që sigurojnë një bashkëpunim të fortë dhe efektiv ndër-institucional si në drejtimin horizontal ashtu dhe atë vertikal.

Bashkëpunimi me akademinë, organizatat e shoqërisë civile dhe grupet e interesit, kanë, gjithashtu, rëndësi themelore, pasi ato mund të ndikojnë ndjeshëm në ndërgjegjësimin rreth zhvillimit të biznesit dhe investimeve, si dhe ofrimin e ekspertizës për zhvillimin e shërbimeve mbështetëse të specializuara për biznesin.

Politika I

Qëllimi Strategjik I - Zhvillimi plotësisht i potencialeve të investimeve për zhvillimin ekonomik dhe nxitjen e integritimit në tregjet ndërkombëtare dhe zinxhirët e vlerës.

Për arritjen e këtij qëllimi, janë përcaktuar tri fusha për ndërhyrje dhe objektivat përkatës të politikës, të cilët përmbledhen në paraqitjen si më poshtë:

Vizioni, fushat e ndërhyrjes dhe objektivat e politikës për SZHBI-në e re

Vizioni (objektiva zhvillimi gjithëpërfshirës):

Një ekonomi shqiptare konkurruese, e nxitur nga inovacioni dhe e bazuar në njohuri, e cila krijon vende pune të reja dhe më cilësore, duke shfrytëzuar mundësitë që ofron transformimi digjital dhe transformimi i zinxhirit të vlerave ndërkombëtare, me theksin mbi zhvillimin e qëndrueshëm, integrimin evropian dhe atë raional

Fushat subjekt i ndërhyrjeve dhe objektivat e politikës:

Tërheqja e investimeve dhe ndërkombëtarizimi

Shpalosja e plotë e potencialit investues për zhvillim ekonomik dhe nxitja e integritimit në tregjet dhe zinxhirin e vlerave ndërkombëtare

Zhvillimi i NVM-ve, sipërmarrja dhe inovacioni

Zhvillimi i një ekosistemi dinamik dhe të qëndrueshëm për sipërmarrjen dhe inovacionin

Zhvillimi i kapitalit njerëzor

Eksplorimi i mënyrave të reja për të nxitur zhvillimin e kapitalit njerëzor bashkëpunues



Treguesit kryesorë të impaktit nën këtë qëllim strategjik janë:

- Fluksi e IHD-ve në raport me PBB-së;
- Volumi i tërhequr i investimeve;
- Vende pune të reja të krijuara nga zbatimi i projekteve të investimeve;
- Nr. i klientëve të kujdesit ndaj investitorëve;
- Volumi i riinvestimeve;
- Finalizimi i vlerësimit dhe udhëzuesi i reformës për programin TEDA;
- Numri i rezidentëve aktivë në zonën e zgjedhur;
- Eksportet e mallrave dhe shërbimeve në raport me PBB-së;
- Rezultati në Indeksin e Politikave të NMVM-ve – integrimi i NVM-ve në zinxhirët e vlerës globale;
- Ndërmarrjet vendëse, që marrin pjesë në programin e zhvillimit të furnitorëve;
- Vëllimi i nënkontratave të mundësuar nga programi i zhvillimit të furnizuesve;
- Zhvillimi i strategjisë së eksportit;
- Numri i përfituesve të iniciativës për zhvillimin e biznesit elektronik;
- Zgjidhje për biznesin elektronik/tregtinë elektronike të miratuara nga përfituesit e iniciativës për zhvillimin e tregtisë elektronike;
- Angazhimi i Programit “Connect Albania”, ku ndërmjetësit e investimit të huaj janë nga diaspora;
- Numri i *startup*-ve;
- Pjesëmarrësit në trajnime në skemën e mbështetjes së sipërmarrjes bazuar në konkurrencë;
- Bizneset e reja të regjistruara nga pjesëmarrësit e skemës së mbështetjes së sipërmarrjes të bazuar në konkurrencë;
- Fillimi i Programit të *startup*-eve dhe Inovacionit dhe Agjencisë së *startup*;
- Vende të reja të punës të krijuara nga *startup*-et inovative;
- Numri i *startup*-ve që marrin pjesë në nismën e mentorimit të diasporës;
- Numri i organizatave mbështetëse që bashkëpunojnë me qendra ndërkombëtare;

- Rezultati në Indeksin Global të Konkurrueshmërisë – aftësitë për inovacion;
- Rezultati në Indeksin e Politikave të NMVM-ve – Shërbimet mbështetëse për NMVM-të;
- Numri i konsorciumeve të mbështetur në fazën e zbatimit të iniciativës së zbatimit të zinxhirit të vlerës së bazuar në konkurrencë;
- Numri i vendeve të reja të punës të krijuara nga përfituesit e iniciativës për ngritjen e zinxhirit të vlerës së bazuar në konkurrencë;
- Numri i përfituesve të Fondit të Zhvillimit të NVM-ve;
- Pjesa e grave sipërmarrëse/bizneseve të drejtuara nga gratë mbështetur nga Fondi për Zhvillimin e NMVM-ve;
- Numri i trajnimeve të ofruara, në kuadër të programit të aftësive të ndërmarrjeve për NMVM-të;
- Numri i pjesëmarrësve në trajnime të dhëna në programin e aftësive të ndërmarrjeve për NMVM-të;
- PBB-ja për person të punësuar;
- Numri i përfituesve në skemën e mbështetjes për zhvillimin bashkëpunues të kapitalit njerëzor;
- Numri i NMVM-ve që marrin pjesë në skemën e mbështetjes për zhvillimin bashkëpunues të kapitalit njerëzor;
- Numri i investitorëve/NMVM-ve të mbështetura përmes programit të zhvillimit të fuqisë punëtore;
- Numri i pjesëmarrësve në trajnime të dhëna në programin e zhvillimit të fuqisë punëtore;
- Rezultati në Indeksin e Politikave të NMVM-ve – aftësitë e ndërmarrjes;
- Numri raporteve të parashikimit të nevojave për aftësim;
- Numri i vlerësimeve të trajnimeve të nevojshme.

Për arritjen e këtij qëllimi strategjik, institucionet shtetërore që kanë përgjegjësi në këtë fushë në partneritet me institucione dhe organizata të tjera do të fokusohen në këto **tre objektiva specifike**:

Objektivi specifik I.1	Tërheqja e investimeve dhe ndërkombëtarizimi. Shpalosja e plotë e potencialit investues për zhvillim ekonomik dhe nxitja e integritit në tregjet dhe zinxhirin e vlerave ndërkombëtare.
Objektivi specifik I.2	Zhvillimi i NVM-ve, sipërmarrja dhe inovacioni. Zhvillimi i një ekosistemi dinamik dhe të qëndrueshëm për sipërmarrjen dhe inovacionin.
Objektivi specifik I.3	Zhvillimi i kapitalit njerëzor. Eksplorimi i mënyrave të reja për të nxitur zhvillimin e kapitalit njerëzor bashkëpunues.



Përmbushja e këtyre objektivave do të sjellë një përmirësim të dukshëm në zhvillimin e biznesit dhe investimeve.

Zinxhiri i vlerave ndërkombëtare ka hyrë në një periudhë transformimi, e cila pritet të vazhdojë gjatë të gjithë këtij dhjetëvjeçari. Pavarësisht disa sfidave, ky transformim shpalos mundësi të reja zhvillimi. Shqipëria është e pozicionuar mirë dhe është e vendosur të përfitojë nga këto mundësi.

Kriza e shkaktuar nga pandemia COVID-19 nuk përbën vetëm një sfidë të madhe për ekonominë botërore dhe atë shqiptare. Ajo, gjithashtu, po përshpejton një sërë tendencash madhore, duke ndikuar fuqishëm konfigurimin e zinxhirit të vlerave ndërkombëtare. Transformimi pritet të vazhdojë, i nxitur nga:

- Ndryshimet teknologjike, p.sh., transformimi digjital dhe prodhimi me teknologji të avancuar;

- Tendencat botërore të qeverisjes ekonomike;

- Tendencat e qëndrueshmërisë.

- Me qëllim rritjen e rezistencës ndaj rreziqeve në të ardhmen, kompanitë po ndryshojnë burimin e sigurimit të produkteve dhe vendndodhjen e veprimtarisë. Pavarësisht sfidave të ndryshme, të tilla si ngushtimi i hapësirave për investime efikase, transformimi i zinxhirit të vlerave ndërkombëtare do të shpalosë, gjithashtu, mundësi të mëdha për zhvillimin e ekonomisë shqiptare dhe riindustrializimin e qëndrueshëm në të ardhmen, duke përfshirë:

- **Tërheqjen e projekteve në vendet e afërta:** investitorët që operojnë në vendet e BE-së pritet që të përqendrojnë më shumë aktivitete në afërsi të vendit të tyre të origjinës, veçanërisht në zinxhirin e vlerave, që lidhen me teknologjinë e lartë, si pajisjet elektronike, makineritë dhe pajisjet që krijojnë mundësi për zhvillimin e industrive dhe tregjeve të reja.

- **Përfitim nga diversifikimi i zinxhirit të vlerave ndërkombëtare:** Ndër të tjera, në industri

me teknologji të ulët si ajo e tekstileve dhe e modës, por edhe në industri shërbimesh me vlerë më të lartë, shërbimet e biznesit, të teknologjisë së informacionit dhe ato financiare, kompanitë e mëdha ka të ngjarë të diversifikojnë aktivitetet e tyre dhe zinxhirët e furnizimit, duke adoptuar zgjidhje digjitale. Përveç mundësive për investime të reja, ky trend ofron mundësi të mira për integrimin e NVM-ve lokale dhe sipërmarrësve në zinxhirin e vlerave ndërkombëtare.

- **Ndërtimi i zinxhirit rajonal të vlerave:** Një tendencë tjetër e pritshme është një rritje e përsëritjes së zinxhirit të vlerave në nivel rajonal. Kjo tendencë luan një rol të rëndësishëm për industritë e përpunimit në rajon, duke ofruar, ndër të tjera, perspektiva të reja për zhvillimin e zinxhirit të vlerave në sektorin e agropërpunimit.

- **Shfrytëzimi i mundësive që lidhen me kalimin në ekonominë e gjelbër dhe zinxhirë vlerash më të qëndrueshëm dhe qarkullues:**

Kompanitë do të ndryshojnë gjithnjë e më shumë zinxhirët e furnizimit, si përgjigje ndaj kërkesës së konsumatorit dhe qeverisë për procese më të qëndrueshme. Pavarësisht sfidave që paraqiten, veçanërisht në lidhje me nevojën e NVM-ve për t'u përshtatur me kërkesat e reja, kalimi në ekonominë e gjelbër siguron, gjithashtu, mundësi premtuese për investime dhe inovacion në të gjithë sektorët e industrisë. Ndërtimi i zinxhirëve qarkullues të vlerave dhe zhvendosja drejt një ekonomike qarkulluese siguron ndikime pozitive mjedisore, sociale dhe ekonomike.

Rezultate e analizës së fuqive, dobësive, mundësive dhe kërcënimeve të cilat jepen të përmbledhura në tabelën 14, si dhe diskutimet në grupet e punës, konsultimet me palët e interesit dhe intervistat me ekspertë, tregojnë se ekzistojnë parakushtet për të përfituar nga transformimi i zinxhirit të vlerave ndërkombëtare.



Tabela 14. Analiza e fuqive, dobësive, mundësive dhe kërcënimeve kyçe

Fuqitë	Dobësitë
- Vendndodhja e afërt me BE-në dhe afërsia dhe aksesit në tregjet e mëdha bazuar në MTL-të - Kosto operationale konkurruese - E pasur në vlera dhe burime natyrore - Negociatat për aderimin në BE dhe integrimi në tregjet rajonale në kuadër të Zonës Rajonale Ekonomike - Regjim i liberalizuar për tregtinë dhe investimet dhe mbështetje specifike për projektet e investimeve strategjike - Mjedis i larmishëm i kompanive, numri në rritje i vlerës së shtuar të NVM-ve - Biznese që ofrojnë mjedis optimal/raste suksesi në fushën e kërkimit dhe mjedisit të biznesit - Shërbime me një ndalesë (<i>one-stop-shop</i>), p.sh. për regjistrimin, digjitalizimi i shërbimeve qeveritare - Novacioni, sipërmarrja dhe aftësitë (digjitale) janë përfshirë në agjendën e politikave, përmirësimi i paketës së politikave - Progres në reformat kurrikulare (të bazuara në kompetenca) në fushën e arsimit dhe formimit - Popullsia në moshë të re, njohuri të gjuhëve të huaja dhe numër i madh i të diplomuarve në institucionet e arsimit të lartë - Shkallë e lartë punësimi dhe kënaqësisë së bizneseve me aftësitë e fuqisë punëtore	- Mangësi në infrastrukturën e transportit dhe mungesa e një portofoli të fushave të investimit i orientuar drejt nevojave - Shkallë e ulët e eksporteve dhe diversifikimit në shportat e eksportit me teknologji të ulët - Numër i lartë i ndërmarrjeve të vogla me kapacitete të kufizuara për përthithjen/prezantimin e inovacionit, bazë e ngushtë furnizimi - Treg i vogël lokal, nivel i ulët specializimi dhe mungesë e “masës kritike” për një sërë instrumentesh politike - Vështirësi për akses në financë për NVM-të dhe <i>startup</i>-et - Fazë e hershme për ekosistemin e inovacionit dhe sipërmarrjes me mbështetje/burim financimi të kufizuar dhe mungesë bashkëpunimi ndërmjet aktorëve - Nivel i ulët i shpenzimeve për K&ZH, botime SHTI - Emigracion i vazhdueshëm - Punësim informal, papunësi e të rinjve, pjesëmarrje e ulët e grave - Vështirësi nga ana e bizneseve për të rekrutuar staf të ri me kualifikimet e duhura - Mospërputhje e aftësive, mangësi në sistemin e arsimit dhe formimit (veçanërisht aftësitë praktike) - Produktivitet i ulët, pjesërisht i shkaktuar nga transformimi i ngadalë drejt veprimtarive me produktivitet më të lartë.
Mundësitë	Kërcënimet
- Proceset e integritimit në nivel rajonal dhe të BE-së - Përmirësimi i aksesit në tregje - Sigurim i bashkëpunimit premtues dhe mundësive të financimit për disa fusha të politikës - Rritja e tërheqjes së Shqipërisë si destinacion për investime dhe <i>startup</i>-e - Mundësi për investime dhe eksporte në kontekstin e transformimit të zinxhirit të vlerave ndërkombëtare (p.sh., mundësi për tërheqjen e projekteve në vendet e afërta) - Efekti <i>spill-over</i> nga projektet e IHD-ve që mbështesin transferimin e inovacionit dhe zhvillimin e aftësive - Angazhimi i ndërmjetësve nga diaspora në programin “Connect Albania” në investimet e huaja - Zgjidhjet digjitale për përmirësimin e aksesit në tregje për NVM-të dhe zgjerimin e masave për promovimin/ lehtësimin e investimeve dhe eksportit - Potencialet për inovacion dhe rritje lidhur me specializimin inteligjent, si dhe transformimin digjital dhe të gjelbër - Përdorimi i njohurive dhe i burimeve të diasporës për zhvillimin e mëtejshëm të ekosistemit të <i>startup</i>-eve dhe inovacionit - Shpalosja e plotë e potencialeve sipërmarrëse dhe të fuqisë punëtore (p.sh. duke mbajtur talentet, promovuar aftësitë sipërmarrëse të grave)	- Ngadalësimi i procesit të integritimit në BE dhe rajon, çka dobëson vullmin edhe kufizon mundësitë e financimit dhe bashkëpunimit - Paqëndrueshmëria politike në rajon - Rënia e IHD-ve që kërkojnë eficiencë - Ndërprerje serioze e shkaktuar nga kriza e COVID-19, që ndikon në zinxhirët e vlerave ndërkombëtare, tregtinë dhe fluksin e investimeve, si dhe konkurrueshmërinë e NVM-ve (p.sh. burimet për rritjen e aftësive) - Rritje e proteksionizmit në nivel ndërkombëtar - Ndikim i ulët i projekteve të investimit në ekonominë rajonale si pasojë e ndërlikimeve të kufizuara dhe fokusit në vende pune cilësore - Rritja e konkurrencës nga destinacione të tjera investimi - Sfidat e NVM-ve për përshtatjen e modeleve dhe proceseve të tyre të biznesit në kontekstin e transformimit të gjelbër dhe atij digjital - Nivel i lartë i largimit të trurit çka kufizon potencialin për sipërmarrje, inovacion dhe rekrutim



- Ekzistojnë disa dobësi të natyrës strukturore, që duhen adresuar, p.sh.:

- Mangësitë në infrastrukturën e transportit dhe mungesa e një portofoli të fushave të investimit i orientuar drejt nevojave;

- Faza e hershme në të cilën ndodhet ekosistemi i inovacionit dhe i sipërmarrjes, me lidhje të dobëta;

- Niveli i ulët i specializimit dhe numri i madh i bizneseve të vogla me orientim të kufizuar drejt eksportit dhe inovacionit;

- Vështirësi në aksesin në financë;

- Mospërputhje e aftësive;

- Nivel i lartë i largimit të trurit.

Në të njëjtën kohë, pozicioni konkurrues i Shqipërisë është përmirësuar ndjeshëm duke marrë në konsideratë proceset integruese në nivel rajonal dhe të BE-së. Të dyja këto procese sigurojnë, gjithashtu, bashkëpunime premtuese dhe mundësi financimi me qëllim nxitjen e zhvillimit, në nivel rajonal dhe integritet në zinxhirin e vlerave ndërkombëtare, duke u bazuar në fuqitë e Shqipërisë, p.sh.:

- Pozicioni gjeografik strategjik dhe aksesin në tregjet kyçe;

- Kosto operacionale konkurruese;

- E pasur në vlera dhe burime natyrore;

- Popullsia në moshë të re me njohuri të gjuhëve të huaja dhe numër i madh i të diplomuarve në institucionet e arsimit të lartë.

Transformimi i zinxhirit të vlerave përbën një trend që ka nisur në dekadën e fundit dhe do të vazhdojë deri në fund të kësaj dekade. Është një proces i gjatë dhe kompleks, i cili kërkon një qasje

strategjike dhe afatgjatë. Përmes kësaj strategjie, Qeveria Shqiptare po e ofron këtë qasje.

Shfrytëzimi i mundësive kërkon një qasje të targetuar dhe koherente:

- Përqendrimi në zinxhirët e vlerave që ofrojnë mundësitë më të mëdha, duke marrë në konsideratë procesin e transformimit;

- Shpalosja e plotë e potencialit investues për një zhvillim ekonomik të qëndrueshëm;

- Vendosja e theksit në zhvillimin e ekosistemeve dinamike industriale, inovative dhe sipërmarrëse;

- Rritja e efektivitetit të skemave mbështetëse për sipërmarrësit dhe NVM-të, si shtylla e ekonomisë shqiptare;

- Zhvillimi përmes rrugëve më inovative dhe të bazuara në njohuri, me në fokus rritjen e cilësisë dhe të punësimit;

- Eksplorimi i mënyrave të reja për të nxitur zhvillimin e kapitalit njerëzor bashkëpunues.

Më poshtë, paraqitet një përmbledhje e objektivave, rezultateve, masave dhe indikatorëve matës të strategjisë.

Objektivi specifik I.1. “Tërheqja e investimeve dhe ndërkombëtarizimi”, janë parashikuar:

Rezultatet e arritshme:

i. Rritja e fluksit të investimeve nga 7.6 në 9% të PBB-së;

ii. Rritja e totalit të eksportit të mallrave dhe shërbimeve nga 31.5% në 36% të PBB-së;

iii. Rritja e vlerësimit në Indeksin e Politikave për NVM-të (integrimi i NVM-ve në zinxhirin e vlerave globale) nga 1.1 në 3.1.

Masa:	Treguesit:
Promovimi/lehtësimi sistematik i investimeve të synuara	- 7 fushata specifike të targetimit për grupet e synuara - 51 projekte tërheqëse të investimeve - 127,500 mijë euro volumni i investimeve - krijimi i 15,300 vende pune të reja
Program i strukturuar për shërbimin e përkujdesjes së mëtejshme	- 300 klientë të <i>after-care</i> (investitorët ekzistues) - 20 memorandume mirëkuptimi të nënshkruara me bashki/partnerë - 160 projekte të riinvestimit - 320,000 mijë EUR vëllimi i riinvestimit - 16,000 vende pune të krijuara nga investitorët ekzistues
Vlerësimi dhe reforma e programit të TEDA-ve	- finalizimi i vlerësimit, udhëzuesit të reformës dhe konceptit të zhvillimit (deri në vitin 2022) - 30 ha tokë e zhvilluar/20 ha e përdorur nga investitorët në zonën e zgjedhur - 20 rezident aktivë në zonën e zgjedhur - 3,000 vende pune të reja të krijuara në zonën e zgjedhur
Programi i zhvillimit të ofruesve	- pjesëmarrje e 30 investitorëve deri më 2027 - pjesëmarrje e 150 bizneseve lokale deri më 2027 - lehtësimi i nënkontratave me vlerë 75 milionë euro deri më 2027



Strategjia e eksportit	- Strategjia e eksportit e zhvilluar deri në vitin 2022
Iniciativa e zhvillimit të biznesit elektronik	- 300 biznese përfituese (2022-2024) - 75 zgjidhje për biznesin elektronik/tregtinë elektronike të miratuara nga përfituesit - 15% rritje në eksportet e bizneseve përfituesve

Objektivi specifik I.2. “Zhvillimi i NVM-ve, sipërmarrja dhe inovacioni”, janë parashikuar:

Rezultatet e arritshme:

I. Rritja e dendësisë së *startup*-eve nga 88 në 132 (*startup*-e për një milionë banorë)

II. Rritja e vlerësimit në Indeksin e Konkurrueshmërisë Globale (aftësitë inovative) nga 29.8 në 34

III. Rritja e vlerësimit në Indeksin e Politikave për NVM-të (shërbimet mbështetëse për NVM-të) nga 3.6 në 4.4

Masa:	Treguesit:
Skema e mbështetjes së sipërmarrjes së bazuar në konkurrencë	- 360 NMVM që marrin pjesë në CoSolve-19 - 150 pjesëmarrës në trajnime çdo vit (të paktën 40% femra) - 30 grante çdo vit (të paktën 40% ndaj grave)
Forcimi i ekosistemit të <i>startup</i> -eve	- funksionimi i Agjencisë së <i>startup</i> -eve - regjistruar 375 biznese <i>startup</i> inovative - shkalla e mbijetesës prej 65% pas 5 vitesh - 3,000 vende pune të krijuara nga bizneset <i>startup</i>
Integrimi ndërkombëtar i ekosistemit të <i>startup</i> -eve	- 30 biznese <i>startup</i> shqiptare dhe 25 mentorë të diasporës që marrin pjesë - 12 organizata mbështetëse shqiptare që bashkëpunojnë me qendrat ndërkombëtare - 25 biznese <i>startup</i> shqiptare që bashkëpunojnë me qendrat ndërkombëtare
Nisma për ngritjen e zinxhirit të vlerës së bazuar në konkurrencë	- 40 aplikime/20 konsorciume të zgjedhura për fazën e konceptit më 2022 - 10 konsorciume të mbështetura në fazën e zbatimit 2023-2024 - 15% rritje në të ardhurat e NVM-ve pjesëmarrëse në vitet 2023 dhe 2027 - 50 vende të reja pune të krijuara nga përfituesit deri më 2023 dhe 2027
Rritja e aksesit në financë	- 60 përfitues të Fondit të Zhvillimit të NVM-ve çdo vit (2022-2027) - 30% përfitues e sipërmarrëse gra/biznese të drejtuara nga gratë (2022-2027) - 180 vende pune të reja të krijuara nga përfituesit e Fondit çdo vit (2022-2027) - hartuar një kornizë ligjore dhe nënligjore për NVM-të (deri më 2021) - VKM për skemën e garancisë shtetërore e hartuar (deri në vitin 2023) - hartuar korniza ligjore për financimin e investimeve <i>crowdfunding</i> - krijimi i një rrjeti të engjëjve të biznesit
Programi i aftësive të ndërmarrjeve për NVM-të	- 12 trajnime çdo vit. - 300 pjesëmarrës në trajnime çdo vit.

Objektivi specifik I.3. “Zhvillimi i kapitalit njerëzor”, janë parashikuar:

Rezultatet e arritshme:

I. Rritje e PBB-së për person të punësuar nga 34,600 në 37,000 (në vitin 2017, PPP konstante në \$)

II. Rritje e përqindjes së punësimeve në profesione që kërkojnë njohuri të thelluara nga 17.5% në 19.5%

III. Rritje e vlerësimit në Indeksin e Politikave për NVM-të (aftësitë sipërmarrëse) nga 4.3 në 3.9

Masa:	Treguesit:
Skema e mbështetjes për zhvillimin bashkëpunues të kapitalit njerëzor	- 150 përfitues (të paktën 40% gra) - 100 NVM që punësojnë studentë dhe kandidatë PhD
Programi i zhvillimit të forcës së punës për dhe me NVM-të dhe investitorët	- 20 memorandume mirëkuptimi me partnerët - 10 investitorë/NVM të mbështetur çdo vit (2021-2023), - 25 investitorë/NVM të mbështetur çdo vit (2024-2027) - 40 pjesëmarrës në trajnime çdo vit (2021-2023), - 175 pjesëmarrës çdo vit (2024-2027)
Sistemi i parashikimit të nevojave të aftësive	- Sistemi i parashikimit i zhvilluar/implementuar (deri në vitin 2022) - 3 raporte parashikimi
Vlerësime të rregullta të nevojave për trajnim	- 1 vlerësim i nevojave për trajnim çdo vit - 250 SME të asistuar çdo vit.



III. PJESA III. ZBATIMI, PËRGJEGJËSIA E INSTITUCIONEVE, LLOGARIDHËNIA, RAPORTIMI DHE MONITORIMI

Përgjegjësia e institucioneve

Për zbatimin e masave të parashikuara në Planin e Veprimit të Strategjisë për Zhvillimin e Biznesit dhe Investimeve 2021–2027, do të angazhohen një tërësi institucionesh, duke filluar nga ministritë e linjës, institucionet e varësisë, njësitë e vetëqeverisjes vendore, akademja, organizatat e shoqërisë civile dhe organizatat ndërkombëtare.

Strategjia përcakton Ministrinë e Financave dhe Ekonomisë si institucionin përgjegjës kryesor të raportimit për progresin e saj edhe pse pjesa më e madhe e veprimtarive do të kërkojë bashkëpunim ndërmjet aktorëve të ndryshëm, duke përfshirë edhe akademinë. Institucionet përgjegjëse për çdo masë sipas objektivave specifike dhe fushave të politikës janë të përcaktuara në aneksin 1 të këtij dokumenti.

Llogaridhënia, monitorimi dhe raportimi

Llogaridhënia

Kuadri monitorues do të ushqejë orientimin e politikave në kuadër të Sistemit të Planifikimit të Integruar (SPI), i cili është sistemi kryesor vendimmarrës që përcakton drejtimin strategjik dhe alokimin e burimeve të vendit. Ai do të furnizojë me raporte monitoruese dhe vlerësuese Grupin e Menaxhimit të Integruar të Politikave (GMIP), për sektorin e biznesit dhe të investimeve, në zbatim të urdhrit të Kryeministrit nr. 157, datë 22.10.2018, “Për marrjen e masave për zbatimin e qasjes së gjerë sektoriale/ndërsektoriale, si dhe ngritjen dhe funksionimin e mekanizmit sektorial/ndërsektorial të integruar”, të cilat monitorojnë reformat sektoriale në Shqipëri në përputhje me prioritetet e qeverisë, Strategjinë Kombëtare për Zhvillim dhe Integrim (SKZHI), procesin e Programit Buxhetor Afatmesëm (PBA), procesin e anëtarësimit në BE dhe detyrimet ndërkombëtare të Shqipërisë. Përjasja dhe rishikimi i dokumentit strategjik do të jetë sipas kërkesave të VKM-së nr. 290, datë 11.4.2020, “Për krijimin e bazës së të dhënave shtetërore të sistemit informatik të planifikimit të integruar (SIPI/IPSIS), për të siguruar përputhshmërinë me sistemin IPSIS”.

Monitorimi

Monitorimi i progresit të zbatimit të objektivave dhe masave të kësaj strategjie dhe planit të saj të veprimit do të paraqitet në mënyrë periodike edhe

në GMIP/KDS për “Konkurrueshmërinë dhe investimet”. MFE-ja do të udhëzojë dhe mbështesë, gjithashtu, organizatat e biznesit dhe organet e vetëqeverisjes vendore në zbatimin e Planit të Veprimit në plane të zbatueshme në nivelin vendor, e në mënyrë të veçantë në përgatitjen e planeve përkatëse në përputhje dhe me parimet e aktit të biznesit të vogël (*Small Business Act*).

Gjatë punës së përditshme, përgjegjësia për monitorimin e zbatimit të Planit të Veprimit qëndron te nëpunëset/nëpunësit e nxitjes së biznesit dhe investimeve dhe strukturat vendore të politikave mbështetëse për zhvillimin e biznesit dhe investimeve.

MFE-ja ka rol koordinues dhe raporton në mënyrë periodike mbi ecurinë e zbatimit vjetor. Organizatat e shoqërisë civile luajnë, gjithashtu, një rol të rëndësishëm në ndërgjegjësimin rreth problemeve në zbatimin dhe në mbështetjen e proceseve të mbledhjes së të dhënave, ofrimit të shërbimeve dhe zbatimit të legjislacionit e politikave në tërësi për avancimin drejt nxitjes së biznesit.

Krahas zbatimit të masave të përcaktuara në Strategji dhe Planin e Veprimit, monitorimi i vazhdueshëm i strukturave të angazhuara për përmbushjen e detyrimeve që rrjedhin nga ky dokument konsiderohet i nevojshëm për të analizuar gjendjen reale gjatë zbatimit të tij me qëllim përmbushjen e objektivave në mënyrë sa më efektive.

Më konkretisht do të ndërmerren këto masa:

- do të monitorohen treguesit e përcaktuar në strategji;
- do të rekomandohen ndryshime në programet sektoriale, duke pasur parasysh arritjet, rrethanat, risqet dhe rreziqet si dhe eksperiencat e mëparshme, si dhe në përputhje me rekomandimet e raporteve vjetore të Komisionit Evropian për Shqipërinë, konkluzionet e përbashkëta të Dialogut Ekonomik dhe Financiar të Bashkimit Evropian dhe Ballkanit Perëndimor dhe Turqisë dhe dokumenteve të tjera ndërkombëtare;
- do të sigurohen konsultime me palët e interesit, përfshirë shpërndarjen sistematike të informacionit për publikun;
- monitorimi do të kryhet bazuar në raporte vjetore për monitorimin dhe koordinimin e



zbatimit të objektivave dhe masave të planit të veprimit.

Përmirësimet në sistemin e monitorimit dhe vlerësimit synojnë të lehtësojnë/ndihmojnë në përafrimin e kuadrit strategjik dhe prioriteteve në fusha të ndryshme dhe të informojnë për politikat e vendit të lidhura me avancimin drejt zhvillimit të biznesit dhe investimeve.

Vlerësimi

Për shkak të kohëzgjatjes shtatëvjeçare të zbatimit të strategjisë dhe përputhjes së saj me OZHQ-të, është menduar që përveç monitorimeve vjetore të zbatimit të kësaj strategjie, të ketë edhe një proces vlerësimi të përgjithshëm në vitin e katërt të zbatimit të saj. Bazuar mbi këtë vlerësim mund të ndryshohen/hiqen (nëse janë realizuar plotësisht) dhe shtohen jo vetëm veprime e masa, por edhe objektiva specifike nën qëllimet strategjike bazë të dokumentit.

Raportimi

Të gjitha institucionet e ngarkuara me zbatimin e SBZHI 2021–2027 do të hartojnë raporte mbi bazë 6-mujore dhe njëvjeçare në zbatim të detyrimeve të përcaktuara në këtë strategji dhe të zbërthyer në planin e saj të veprimit, si dhe do të hedhin të dhëna në sistemin IPSIS.

MFE-ja do të jetë institucioni udhëheqës, i cili do të mbledhë, përpunojë dhe analizojë raportet periodike 6-mujore dhe 1-vjeçare që do të përcillen nga të gjitha institucionet e ngarkuara në përmbushje të objektivave dhe masave përkatëse.

Institucionet duhet të raportojnë periodikisht për realizimin e masave, me periodicitet 6-mujor përmes të dhënave të raportuara në Sistemin Informativ për Planifikimin Strategjik të Integruar (IPSIS) në Këshillin e Ministrave dhe në Sekretariatit Teknik Ndërinstitucional.

IV. PJESA IV: ANALIZA BUXHETORE

1.1 Analiza e buxhetit për zbatimin e SZHBI 2021–2027

Ky kapitull përshkruan shpërndarjen e kostove indikative dhe burimeve financiare që financojnë

masat e Strategjisë të Zhvillimit të Biznesit dhe Investimeve 2021–2027. Efektet financiare janë përlogaritur për çdo masë bazuar në aktivitetet që janë të parashikuara në Planin e Veprimit të zbatimit të kësaj strategjie. Efektet financiare përballohen nga buxhetet respektive vjetore të institucioneve të ngarkuara me zbatimin e masave, nga buxhete të donatorëve dhe institucioneve të tjera që janë ngarkuar për zbatimin e një pjesë të masave.

Kostimi i Strategjisë është realizuar në bazë të metodologjive dhe praktikës së planifikimit buxhetor, me qëllim përcaktimin e kostos shtesë për zbatimin e Strategjisë dhe hendekut financiar në raport me fondet buxhetore të planifikuara në PBA 2021–2023, në Programin Buxhetor 04130 “Mbështetje për zhvillim ekonomik”, dhe nga financimi i donatorëve. Përlogaritjet buxhetore janë bërë duke përdorur instrumentin e rekomanduar nga IPSIS-ja, të përshtatur sipas udhëzimeve përkatëse. Kostot buxhetore të Strategjisë janë të planifikuara në Programin Buxhetor 04130 “Mbështetje për zhvillim ekonomik”, në të cilin përfshihet edhe institucioni i AIDA-s për implementimin e aktiviteteve përkatëse të Strategjisë.

Procesi i kostimit është mbështetur në konsultimin e dokumenteve kombëtare, përfshirë këtu Programi Buxhetor Afatmesëm 2021–2023 dhe propozimet sipas taveve të reja në kuadër të hartimit të PBA 2022–2024, si dhe konsultimet me të gjitha institucionet e përfshira, si dhe kostot historike nga zbatimi i strategjisë pararendëse. Plani i veprimit për zbatimin e kësaj strategjie shoqërohet me një kostim analitik të secilës masë.

Kostoja e përgjithshme, e përlogaritur për zbatimin e SBZHI 2021–2027, është **9,605,535,640 lekë** ose **78,093,786 euro**. Kursi mesatar për referencë është përlogaritur me 123 lekë për 1 euro. Tabela pasqyron kostot financiare, burimet e financimit dhe hendekun financiar përgjatë 7 viteve të zbatimit të SZHBI 2021–2027.




Qëllimi i Politikës	Tipologjia e kostos	Kostoja Totale	Kostot e Planifikuara	Hendeku Financiar
		2021-2027	PBA 2021-2027 Buxheti dhe Donatorët	2021-2037
P1 Zhvillimi plotësisht i potencialeve të investimeve për zhvillimin ekonomik dhe nxitjen e integrimit në tregjet ndërkombëtare dhe zinxhirët e vlerës.	Korente	9,605,251,360	8,914,680,908	690,570,452
	Kapitale	284,280	284,280	
TOTALI [Leke]		9,605,535,640	8,914,965,188	690,570,452
TOTALI [Euro]		78,093,786	72,479,392	5,614,394
1 euro 123 Leke				

Financimi i planit të veprimit të zbatimit të kësaj Strategjie do të realizohet nga disa burime, por buxheti i shtetit, fondet e NJVV-së dhe mbështetja financiare e donatorëve mbeten burimet kryesore. Për periudhën 2021–2027, buxheti i shtetit pritet të financojë zbatimin e planit në masën 71% të financimit të nevojshëm, 22% pritet të financohet nga donator të huaj, ndërsa 7% është hendek financiar.

NAP Cost- NDARJA E SHPENZIMEVE

Kostot korente zënë thuajse 100% të shpenzimeve totale.





Strategjia do të rishikohet pas 4 vitesh (në vitin 2025) për ta përshtatur me progresin në zbatimin e masave, por edhe për ta azhurnuar atë konform nevojave dhe programeve buxhetore afatmesme 2026–2027, të çdo institucioni.

Fondet buxhetore, të cilat përbëjnë kryesisht 71% të kostimit të strategjisë për përbëhet nga:

- Skema e garancisë shtetërore për manifakturën;
- Grantet vjetore për SME-të;
- Krijimi i Agjencisë përgjegjëse për *startup*;
- Krijimi i një sektori trajnimi pranë AIDA;
- Shtimi me 2 specialistë të zinxhirit të vlerës tek AIDA;
- Fonde për ofrimin e trajnimeve nga AIDA;
- Financimi i huaj, i cili përbën 22 % të kostimit të strategjisë përbëhet nga:

- Komisioni Evropian nëpërmjet Projektit të IPA II “EU for Innovation” dhe projektit të IPA III “EU for innovation” *second phase*.

Në vitin 2021–2022 Projekti i IPA II “EU for Innovation” do të financojë aktivitete që lidhen me:

- Vitin 2021, kostot e zbatimit të projektit në shumën 2.81 mln euro (i detajuar në 2,392,690 euro mbështetje teknike, si edhe grant për *startup*-et dhe organizatat e inovacionit në Shqipëri në shumën 425,000 euro);
- Në vitin 2022, kostoja e zbatimit është rreth 236,000 euro, e cila lidhet me mbështetjen teknike (trajtime, *matchmaking events* etj.).

- IPA III “EU for innovation” *second phase*. Ky propozim nga MFE-ja vjen si rezultat i nevojës për të vijuar me mbështetjen e fazës së dytë të projektit “EU for innovation” – faza e parë, financuar nga fondet e IPA II. Bazuar në kërkesat e Komisionit Evropian për IPA III, KKIPA ka koordinuar procesin e indentifikimit me përfituesit potencialë (institucionet qendrore), e më tej ka vijuar me përcjelljen e 53 fishave të veprimit për mbështetje nga IPA 2021 e 2022 në shtator 2020, të cilat kaluan fazën e relevancës strategjike deri në muajin dhjetor 2020. Një nga propozimet që kaluan këtë fazë dhe për të cilën u hartua edhe Dokumenti Përkatës i Veprimit (AD) është “EU for Innovation” - *phase 2*, me kosto indikative 10 milionë euro – potenciale për t’u financuar nga programi IPA 2021. Aktualisht AD-ja, e hartuar nga Drejtoria e Politikave të Zhvillimit Ekonomik në MFE, është objekt i një vlerësimi final nga Komisioni Evropian dhe priten komentet përkatëse. Projekti “EU for

Innovation” – second Phase, është parashikuar të zbatohet për periudhën 2023–2026 (periudhë katërvjeçare). Alokimi i shumave për periudhën referuese, në tabelën e kostimit është bërë në mënyrë të barabartë për çdo vit (2.5 mln euro).

Drejtoria e Politikave të Zhvillimit Ekonomik në MFE, më 15 shkurt 2021, hartoi dhe dërgoi Dokumentin e Veprimit/*Action Document* (AD) nëpërmjet MEPJ-së dhe Delegacionit të Komisionit Evropian,

- Projekti i Qeverisë Gjermane ProSEED.

Projekti i PROSEED-it, që prej shkurtit të vitit 2021, po zbaton Instrumentin Këshillimor që ofron *trajtime dhe shërbime këshillimi* për NMVM-të, me mundësi edhe për të marrë grante të vogla, me qëllim për tu përshtatur në situatën e krijuar nga COVID-19. Instrumenti këshillimor me titullin “CoSolve 19” është një iniciativë e përbashkët e programeve dypalëshe të bashkëpunimit gjermano-shqiptar për zhvillim: “Zhvillimi i qëndrueshëm ekonomik dhe rajonal, promovimi i punësimit edukimi dhe trajnimi profesional” (ProSEED) dhe zhvillimi i qëndrueshëm rural (SRD). Qëllimi i këtij instrumenti është mbështetja e NMVM-ve të prekura rëndë nga pasojat e krizës së COVID-19 në Shqipëri, për të ruajtur punësimin dhe pse jo edhe për ta rritur atë. Në realizimin e kësaj iniciative, ProSEED dhe SRD synojnë të japin një kontribut të rëndësishëm për NMVM-të në Shqipëri në sektorët e bujqësisë, turizmit, apo sektorë të tjerë. Projekti do të zbatohet për periudhën 2021–2022 në shumën gjithsej 534.9 mln lekë. Në strategji kostimi i këtij fondi është ndarë në mënyrë të barabartë për vitin 2021 dhe 2022 respektivisht 267.45 mln lekë.

- Banka Botërore

Banka Botërore do të asistojë AIDA me asistencë teknike për realizimin e masës 1.6 “Iniciativa e zhvillimit të biznesit elektronik”, e cila do të përqendrohet në:

- Fushata ndërgjegjëse të organizuara nga AIDA-s për të inkurajuar më shumë NVMM për të filluar tregtinë elektronike;
- Publikimi në faqen e internetit të AIDA-s i mjetit digjital të vetëvlerësimit për NVM-të;
- Publikimi në faqen e internetit të AIDA-s i një udhëzuesi se si të ndihmohen NVM-të që të fillojnë tregtinë elektronike;



- Trajnime mbi tregtisë elektronike të ofruara nga AIDA për të ndihmuar NVM-të të fillojnë tregtinë elektronike;

- Partnerët tanë për zhvillim janë të mirëpritur për të kontribuar në realizimin e aktiviteteve të përcaktuara për këtë masë.

- BERZH

BERZH-i ka asistuar MFE-ja dhe AIDA në krijimin e një portali elektronik për aksesin në financë të SME-ve, projekti i cili do të mbështetë gjatë gjithë vitit 2021.

Masat për të cilat kërkohet mbështetja e partnerëve tanë për zhvillim, në masën 7% të kostimit, janë:

- Promovimi /lehtësimi sistematik i investimeve të synuara;

- Vlerësimi dhe reforma e programit të TEDA-ve;

- Programi i zhvillimit të ofruesve;

- Integrimi ndërkombëtar i ekosistemit të *startup*-eve;

- Nisma për përmirësimin e zinxhirit të vlerave me bazë konkurrencën;

- Skema e mbështetjes për zhvillimin e kapitalit njerëzor bashkëpunues;

- Program për zhvillimin e fuqisë punëtore për dhe me NVM-të dhe investitorët;

- Sistemi i parashikimit të nevojave për aftësi.

Në fazën e hartimit të draftstrategjisë, gjatë takimeve të zhvilluara më përfaqësues të Ministrisë së Bashkëpunimit dhe Zhvillimit Ekonomik në Gjermani, në periudhën 12–23 prill, më 2021 u organizua një mision për vlerësimin e nevojave për mbështetje nëpërmjet programit të PROSEED 2. Në datën 11 maj, misioni prezantoi në MFE se rezultatet kryesore do të jenë si vijon:

- Përmirësimi i ofertës me fuqi punëtore të kualifikuar;

- Përmirësimi i aftësisë konkurruese të NMVM-ve dhe kapacitetin e tyre për krijimin e vendeve të punës;

- Integrimin e digjitalizimit dhe ekonomisë gjelbër.

- Fusha e ndërhyrjes 1: Arsimi dhe aftësimi profesional

Output: Përmirësimi i ofertës të punës së kualifikuar

Masat e mbështetjes:

1. Mbështetje për arsimin dhe aftësimin profesional;

2. Trajnimin e personelit dhe forcimin e kapaciteteve të arsimit dhe aftësimin profesional;

3. Zbatimi i “*digital road map*”;

4. Projekt pilot për zhvillimin e aftësive në sektorët “*green*”.

- Zona e ndërhyrjes 2: Zhvillimi i sektorit privat

Output: Përmirësimi i biznesit dhe sistemit të mbështetjes për NVMM-të, duke marrë parasysh transformimin digjital dhe elementet e biznesit të gjelbër.

Masat e mbështetjes:

1. Zbatimi i disa aktiviteteve të Strategjisë së Zhvillimit të Biznesit dhe Investimeve, si p.sh.: programi i ofruesve të furnizimit, tërheqja e investimeve (AIDA) 2021–2027;

2. Forcimin e shërbimeve mbështetëse për biznesin, duke përdorur trajnerët dhe rrjetin e këshilluesve;

3. Digjitalizimin e proceseve të biznesit të NMVM-ve (në biznes dhe në menaxhim);

4. Fushata ndërgjegjësimi për digjitalizimin dhe ekonominë e gjelbër.

- Fusha e ndërhyrjes 3: Mbështetja për zhvillimin e politikave

Output: Mbështetja e MFE-së, AKPA-së dhe AIDA-s në fushat e zgjedhura të politikave për të përmirësuar politikat për krijimin e vendeve të punës dhe punësimit

Masat e mbështetjes:

1. Analizë sektoriale për arsimin dhe aftësimin profesional;

2. Mbështetje për monitorimin e SZHBI 2021–2027;

3. Mbështetje për zhvillimin e politikave në digjitalizim dhe ekonominë e gjelbër.



ANEKSI 1
FORMATI I PLANIT TË VEPRIMIT I PËRMBLEDHUR

PLANI I VEPRIMIT NË ZBATIM TË DOKUMENTIT STRATEGJIK (2021–2027)

I. QËLLIMI STRATEGJIK: “Një ekonomi shqiptare konkurruese, e nxitur nga inovacioni dhe e bazuar në njohuri, e cila krijon vende pune të reja dhe më cilësore, duke shfrytëzuar mundësitë që ofron transformimi digjital dhe transformimi i zinxhirit të vlerave ndërkombëtare, me theksin mbi zhvillimin e qëndrueshëm, integrimin evropian dhe atë rajonal”

II. QËLLIMI I POLITIKËS: Zhvillimi plotësisht i potencialeve të investimeve për zhvillimin ekonomik dhe nxitjen e integritit në tregjet ndërkombëtare dhe zinxhirët e vlerës

III. PROGRAMI BUXHETOR: Programi buxhetor i MFE 04130 “Mbështetje për zhvillimin ekonomik”

Nr.	Objekti i specifik, produkti, masa	Produkti	Institucionet përgjegjëse		Afati i zbatimit		Totali 2021-2027			Hendeku financiar
			Institucioni udhëheqës	Institucion kontribues	Afati i fillimit	Afati i mbarimit	Kosto indikative	Burimi i financimit	Financimi i huaj	
								Buxheti i Shtetit Programi 04130 “Mbështetje për zhvillimin ekonomik”		
1.1	Tërheqja e investimeve dhe ndërkombëtarizimi	-Rritja e fluksit të investimeve nga 7.6 në 9% të PBB-së - Rritja e totalit të eksportit të mallrave dhe shërbimeve nga 31.5% në 36% të PBB-së -Rritja e vlerësimit në indeksin e politikave për NVM-të (integrimi i NVM-ve në zinxhirin e vlerave globale) nga 1.1 në 3.1	AIDA	Ministri përgjegjës për ekonominë, MEPJ, MIE, MTM, MBZHR, BDHTI dhe shoqatat e biznesit	TM1-2021	TM4-2027	152,706,415	66,882,383	1,601,100	(84,222,932)
1.1.1	Promovimi/lehtësimi sistematik i investimeve të synuara	-7 fushata specifike të targetimit për grupet e synuara -51 projekte tërheqëse të investimeve -127,500 mijë euro volumi i investimeve -Krijimi i 15,300 vende pune të reja	AIDA	Ministri përgjegjës për ekonominë, MEPJ, MIE, MTM, MBZHR, BDHTI dhe shoqatat e biznesit	TM1-2021	TM4-2027	30,824,970	16,301,130		(14,523,840)



Nr.	Objektivi specifik, produkti, masa	Produkti	Institucionet përgjegjëse		Afati i zbatimit		Kosto indikative	Totali 2021-2027		Hendeku financiar
			Institucioni udhëheqës	Institucion kontribues	Afati i fillimit	Afati i mbarimit		Buxheti i Shtetit Programi 04130 “Mbështetje për zhvillimin ekonomik”	Financimi i huaj	
1.1.2	Program i strukturuar për shërbimin e përkujdesjes së mëtejshme	-300 klientë të <i>after-care</i> (investitorët ekzistues) -20 memorandume mirëkuptimi të nënshkruara me bashki/partner -160 projekte të riinvestimit -320,000 mijë EUR vëllimi i riinvestimit -16,000 vende pune të krijuara nga investitorët ekzistues	AIDA	AIDA, ministri përgjegjës për ekonominë, bashkitë, dhomat dhe shoqatat e tregtisë	TM1-2022	TM4-2027	-	-	-	-
1.1.3	Vlerësimi dhe reforma e programit të TEDA-ve	- Finalizimi i vlerësimit, udhëzuesit të reformës dhe konceptit të zhvillimit (deri në vitin 2022) - 30 ha tokë e zhvilluar/20 ha e përdorur nga investitorët në zonën e zgjedhur - 20 rezident aktivë në zonën e zgjedhur - 3,000 vende pune të reja, të krijuara në zonën e zgjedhur	Ministri përgjegjës për ekonominë	Ministri përgjegjës për ekonominë, Korporata Shqiptare e Investimeve	Vlerësimi dhe koncepti i zhvillimit (2021) zbatimi dhe koncepti i zhvillimit (2022)	Vlerësimi dhe koncepti i zhvillimit (2022) zbatimi dhe koncepti i zhvillimit (2027)	11,876,724	-	-	(11,876,724)
1.1.4	Programi i zhvillimit të ofruesve	- Pjesëmarrje e 30 investitorëve deri në 2027 - Pjesëmarrje e 150 bizneseve lokale deri më 2027 - Lehtësimi i nënkontratave me vlerë 75 milionë euro deri më 2027	AIDA	AIDA, ministri përgjegjës për ekonominë	Faza pilot (2021) zbatimi i programit (faza pilot (2023)	Faza pilot (2024) zbatimi i programit (2027)	62,013,581	7,261,253	-	(54,752,328)
1.1.5	Strategjia e eksportit	- Strategjia e eksportit e	Ministri	Ministri përgjegjës	TM2-2022	TM4-2022	120,000	120,000	-	-



Nr.	Objektivi specifik, produkti, masa	Produkti	Institucionet përgjegjëse		Afati i zbatimit		Totali 2021-2027			
			Institucioni udhëheqës	Institucion kontribues	Afati i fillimit	Afati i mbarimit	Kosto indikative	Burimi i financimit		Hendeku financiar
								Buxheti i Shtetit Programi 04130 “Mbështetje për zhvillimin ekonomik”	Financimi i huaj	
		zhvilluar deri në vitin 2022	përgjegjës për ekonominë	për ekonominë, AIDA						
1.1.6	Iniciativa e zhvillimit të biznesit elektronik	- 300 biznese përfituese (2022–2024) - 75 zgjidhje për biznesin elektronik/tregtinë elektronike të miratuara nga përfituesit - 15% rritje në eksportet e bizneseve përfituesve	Ministri përgjegjës për ekonominë	Ministri përgjegjës për ekonominë, AIDA	TM2-2022	TM3-2024	47,801,100	43,200,000	1,601,100	(3,000,000)
1.2	Zhvillimi i NVM-ve, sipërmarrja dhe inovacioni	- Rritja e dendësisë së <i>startup</i> -eve nga 88 në 132 (<i>startup</i> -e për një milion banorë) - Rritja e vlerësimit në Indeksin e Konkurrueshmërisë Globale (aftësitë inovative) nga 29.8 në 34 - Rritja e vlerësimit në Indeksin e Politikave për NVM-të (shërbimet mbështetëse për NVM-të) nga 3.6 në 4.4	Ministri përgjegjës për ekonominë	Ministri përgjegjës për ekonominë, MIE, MTM, MZHBR, Agjencia për Mbështetjen e <i>startup</i> -eve, ministri i Shtetit për Mbrojtjen e Sipërmarrjes, inkubatorët, përshpejtuesit dhe organizatat e mbështetjes së mëtejshme	TM2-2021	TM4-2027	9,271,887,010	6,699,318,082	2,147,163,624	(425,207,520)
1.2.1	Skema për mbështetjen e sipërmarrjes me bazë konkurrencën	- 360 NMVM që marrin pjesë në CoSolve-19 - 150 pjesëmarrës në trajnime çdo vit (të paktën 40% femra) - 30 grante çdo vit (të paktën 40% ndaj grave)	AIDA	AIDA, ministri përgjegjës për ekonominë	TM1-2021	TM4-2027	675,601,114	140,698,714	534,902,400	-
1.2.2	Fuqizimi i ekosistemit të <i>startup</i> -eve	- Funksionimi i Agjencisë së <i>startup</i> -eve - Regjistruar 375 biznese <i>startup</i> inovative	Ministri përgjegjës për ekonominë	Ministri përgjegjës për ekonominë, MIE, MTM, MZHBR,	TM1-2021	TM4-2027	1,678,427,280	74,753,280	1,603,674,000	-



Nr.	Objekti i specifik, produkti, masa	Produkti	Institucionet përgjegjëse		Afati i zbatimit		Kosto indikative	Totali 2021-2027		Hendeku financiar
			Institucioni udhëheqës	Institucion kontribues	Afati i fillimit	Afati i mbarimit		Buxheti i Shtetit Programi 04130 “Mbështetje për zhvillimin ekonomik”	Financimi i huaj	
		- Shkalla e mbijetesës prej 65% pas 5 vitesh 3,000 vende pune të krijuara nga bizneset <i>startup</i>		Agjencia për Mbështetjen e <i>startup</i> -eve, ministri i Shtetit për Mbrojtjen e Sipërmarrjes, inkubatorët, përshtetuesit dhe organizatat e mbështetjes së mëtejshme						
1.2.3	Integrimi ndërkombëtar i ekosistemit të <i>startup</i> -eve	- 30 biznese <i>startup</i> shqiptare dhe 25 mentorë të diasporës që marrin pjesë - 12 organizata mbështetëse shqiptare që bashkëpunojnë me qendrat ndërkombëtare - 25 biznese <i>startup</i> shqiptare që bashkëpunojnë me qendrat ndërkombëtare	Ministri përgjegjës për ekonominë	Ministri përgjegjës për ekonominë, Ministria e Shtetit për Diasporën dhe Ministria për Evropën dhe Punët e Jashtme dhe Agjencia për <i>startup</i> -et	Nisma e diasporës për mentorim (2021) Nisma rajonale për <i>startup</i> -et (2024)	Nisma e diasporës për mentorim (2027) Nisma rajonale për <i>startup</i> -et (TM3-2027)	61,626,528	-	3,619,008	(58,007,520)
1.2.4	Nisma për përmirësimin e zinxhirit të vlerave me bazë konkurrencën	- 40 aplikime/20 konsorciume të zgjedhura për fazën e konceptit më 2022 10 konsorciume të mbështetura në fazën e zbatimit 2023-2024 - 15% rritje në të ardhurat e NVM-ve pjesëmarrëse në vitet 2023 dhe 2027 - 50 vende të reja pune të krijuara nga përfuturit deri në 2023 dhe 2027	AKKSHI	AIDA, ministri përgjegjës për ekonominë, MASR etj. dhe organizatat tjera mbështetëse	TM1-2022	TM4-2024	367,200,000	-	-	(367,200,000)
1.2.5	Rritje e aksesit në financë për NMVM-të	- 60 përfutur të Fondit të Zhvillimit të NVM-ve çdo vit (2022-2027)	Ministri përgjegjës për ekonominë	AIDA	TM1-2022	TM4-2027	6,451,466,016	6,446,497,800	4,968,216	-



Nr.	Objekti i specifik, produkti, masa	Produkti	Institucionet përgjegjëse		Afati i zbatimit		Kosto indikative	Totali 2021-2027		Hendeku financiar
			Institucioni udhëheqës	Institucion kontribues	Afati i fillimit	Afati i mbarimit		Buxheti i Shtetit Programi 04130 "Mbështetje për zhvillimin ekonomik"	Financimi i huaj	
		- 30% përfitues e sipërmarrëse gra /biznese të drejtuara nga gratë (2022-2027) - 180 vende pune të reja të krijuara nga përfituesit e Fondit çdo vit (2022-2027) - Hartuar një komizë ligjore dhe nënligjore për NVM-të (deri në 2021) - VKM për skemën e garancisë shtetërore e hartuar (deri në vitin 2023) - Hartuar korniza ligjore për financimin e investimeve <i>crowdfunding</i> - Krijimi i një rrjeti të engjëjve të biznesit								
1.2.6	Program për aftësitë sipërmarrëse për NVM-të	- 12 trajnime çdo vit. - 300 pjesëmarrës në trajnime çdo vit.	AIDA	Ministri përgjegjës për ekonominë, AKPA, BDHTI dhe shoqatat e biznesit	TM1-2022	TM4-2027	37,368,288	37,368,288	-	-
1.3	Zhvillimi i kapitalit njerëzor	- Rritje e PBB-së për person të punësuar nga 34,600 në 37,000 (në vitin 2017, PPP konstante në \$) - Rritje e përqindjes së punësimeve në profesione që kërkojnë njohuri të thelluara nga 17.5% në 19.5% - Rritje e vlerësimit në Indeksin e Politikave për NVM-të (aftësitë sipërmarrëse) nga 4.3 në 3.9	Ministri përgjegjës për ekonominë	AIDA, MASR, AKKSHI	TM1-2023	TM4-2027	181,140,000	37,700,000	-	(142,440,000)



Nr.	Objektivi specifik, produkti, masa	Produkti	Institucionet përgjegjëse		Afati i zbatimit		Kosto indikative	Totali 2021-2027		Hendeku financiar
			Institucioni udhëheqës	Institucion kontribues	Afati i fillimit	Afati i mbarimit		Buxheti i Shtetit Programi 04130 “Mbështetje për zhvillimin ekonomik”	Financimi i huaj	
1.3.1	Skema e mbështetjes për zhvillimin e kapitalit njerëzor bashkëpunues	- 150 Përfitues (të paktën 40% gra) - 100 NVM që punësojnë talente përtej kohëzgjatjes së mbështetjes	AIDA	Ministri përgjegjës për ekonominë, MASR, AKKSHI	TM2-2023	TM4-2027	108,000,000	-	-	(108,000,000)
1.3.2	Program për zhvillimin e fuqisë punëtore për dhe me NVM-të dhe investitorët	- 20 memorandume mirëkuptimi me partnerët - 10 investitorë/NVM të mbështetur çdo vit (2021-2023), 25 investitorë/NVM të mbështetur çdo vit (2024-2027) - 40 pjesëmarrës në trajnime çdo vit (2021-2023), 175 pjesëmarrës çdo vit (2024-2027)	AIDA	Ministri përgjegjës për ekonominë, MEPJ, AKPA, bashkitë, qendrat e formimit, dhomat dhe shoqatat e tregtisë	TM4-2021	TM4-2027	60,900,000	-	-	60,900,000 -
1.3.3	Sistemi i parashikimit të nevojave për aftësi	- Sistemi i parashikimit i zhvilluar/ implementuar (deri në vitin 2022) - 3 raporte parashikimi	AKPA	AKAFPK, ministri përgjegjës për ekonominë, MASR, BDHTI dhe shoqatat e biznesit, sektori privat	TM3-2021	TM4-2027	12,240,000	-	-	(12,240,000)
1.3.4	Vlerësim periodik i nevojave për trajnim	- 1 vlerësim i nevojave për trajnim çdo vit - 250 SME të asistuar çdo vit.	AIDA	AIDA, ministri përgjegjës për ekonominë, AKPA, BDHTI dhe shoqatat e biznesit.	TM4-2021	TM4-2027	-	-	-	-



URDHËR
Nr. 329, datë 3.8.2021

MBI NJË NDRYSHIM NË URDHRIN
NR. 438, DATË 7.10.2008, “PËR
MIRATIMIN E RREGULLORES ‘MBI
KUSHTET E SHËNDETIT PUBLIK DHE
SHËNDETIT TË KAFSHËVE, TË
CERTIFIKATAVE TË QUMËSHIT
LËNDË E PARË DHE TË
PRODUKTEVE ME BAZË QUMËSHIT
PËR KONSUM HUMAN”

Në mbështetje të nenit 102, pika 4, të Kushtetutës, nenit 38, të ligjit nr. 9863, datë 28.01.2008, “Për ushqimin”, i ndryshuar,

URDHËROJ:

1. Në urdhrin nr. 438, datë 7.10.2008, “Për miratimin e rregullores ‘Mbi kushtet e shëndetit publik dhe shëndetit të kafshëve, të certifikatave të qumështit lëndë e parë dhe të produkteve me bazë qumështi për konsum human”, aneksi 1, zëvendësohet me shtojcën bashkëlidhur këtij urdhri.

2. Urdhri nr. 286, datë 2.6.2014, “Mbi një ndryshim në urdhrin nr. 438, datë 7.10.2008, ‘Për miratimin e rregullores ‘Mbi kushtet e shëndetit publik dhe shëndetit të kafshëve, të certifikatave të

qumështit lëndë e parë dhe të produkteve me bazë qumështi për konsum human”, shfuqizohet.

3. Ngarkohen Drejtoria e Politikave të Sigurisë Ushqimore dhe Veterinarisë, si dhe Autoriteti Kombëtar i Ushqimit për zbatimin e këtij urdhri.

Ky urdhër hyn në fuqi pas botimit në Fletoren Zyrtare.

MINISTËR I BUJQËSISË DHE
ZHVILLIMIT RURAL
Milva Ekonomi

SHTOJCË
LISTA E VENDEVE NGA TË CILAT
LEJOHET IMPORTI NË REPUBLIKËN E
SHQIPËRISË TË DËRGESAVE TË
QUMËSHIT TË PAPËRPUNUAR DHE
PRODUKTEVE ME BAZË QUMËSHIT

Vendet nga të cilat lejohet importi në Republikën e Shqipërisë të dërgesave të qumështit të papërpunuar, produkteve të qumështit, kolostrumit dhe produkteve me bazë kolostrumi dhe duke treguar llojin e trajtimit me nxehtësi të kërkuar për këto produkte, janë:

1. Shtetet Anëtare të Bashkimit Evropian.

2. Vendet e treta ose pjesë të autorizuar të tyre sipas tabelës më poshtë.

Shenjat ‘+’ dhe ‘0’ kanë kuptimin e mëposhtëm:

‘+’: vendi i tretë i cili është i autorizuar;

‘0’: vendi i tretë i cili nuk është i autorizuar.

Kodi ISO i vendit të tretë	Vendi i tretë ose pjesë të tij	Kolona A	Kolona B	Kolona C
AD	Andorra	+	+	+
AE	Emirati i Abu Dabit dhe Dubai i Emirateve të Bashkuara Arabe ⁽¹⁾	0	0	+ ⁽²⁾
AR	Argjentina	0	0	+
AU	Australia	+	+	+
BR	Brazil	0	0	+
BM	Britania e Madhe	+	+	+
BW	Botsvana	0	0	+
BY	Belarus	0	0	+
BZ	Belize	0	0	+
BA	Bosnjë-Hercegovina	+	+	+
CA	Kanada	+	+	+
CH	Zvicër	+	+	+
CL	Kili	0	+	+
CN	Kina	0	0	+
CO	Kolumbia	0	0	+
CR	Kosta-Rika	0	0	+
CU	Kuba	0	0	+



DZ	Algeria	0	0	+
ET	Etiopia	0	0	+
GL	Grenlandë	0	+	+
GT	Guatemala	0	0	+
HK	Hong-Kong	0	0	+
HN	Honduras	0	0	+
IL	Izrael	0	0	+
IN	India	0	0	+
IM	Isle of Man	+	+	+
IS	Islandë	+	+	+
JE	Jersey	+	+	+
JP	Japoni	+	+	+
KE	Kenia	0	0	+
MZ	Mal i Zi	+	+	+
MA	Marok	0	0	+
MG	Madagaskar	0	0	+
NM	Maqedonia e Veriut	0	+	+
MR	Mauritania	0	0	+
MU	Mauritius	0	0	+
MX	Meksika	0	0	+
NA	Namibia	0	0	+
NI	Nikaragua	0	0	+
NZ	Zelanda e Re	+	+	+
PA	Panama	0	0	+
PY	Paraguai	0	0	+
RS	Serbia	0	+	+
RU	Rusia	0	0	+
SG	Singapor	0	0	+
SV	El Salvador	0	0	+
SZ	Swaziland	0	0	+
TH	Tailanda	0	0	+
TN	Tunizia	0	0	+
TR	Turqi	0	0	+
UA	Ukrainë	0	0	+
US	Shtetet e Bashkuara	+	+	+
UY	Uruguai	0	0	+
ZA	Afrika e Jugut	0	0	+
ZW	Zimbabve	0	0	+
KS	Kosova	+	+	+

⁽¹⁾ Vetëm për produktet e qumështit të prodhuara nga qumështi i deveve të llojeve *Camelus dromedarius*.

⁽²⁾ Janë të autorizuar produktet e qumështit të prodhuara nga qumështi i deveve të specieve *Camelus dromedarius*.



VENDIM QARKULLUES
Nr. 25, datë 5.8.2021

PËR ANËTARËSIMIN E SHOQËRISË SË
KURSIM-KREDITIT “RRUSHKULL
ONE” NË SKEMËN E SIGURIMIT TË
DEPOZITAVE DHE DHËNIEN E
CERTIFIKATËS PËR SIGURIMIN E
DEPOZITAVE

Në mbështetje dhe në zbatim të nenit 22, pika 5 dhe pika 6, të nenit 23 dhe nenit 52, pika 1, shkronja “p”, të ligjit nr. 53/2014, datë 22.5.2014, “Për sigurimin e depozitave”, i ndryshuar, të nenit 69, pika 2, të ligjit nr. 52/2016, datë 19.5.2016, “Për shoqëritë e kursim-kreditit dhe unionet e tyre”, të nenit 7, pika 2 dhe pika 3, të udhëzimit nr. 4188, datë 1.9.2016, “Për sigurimin e depozitave në shoqëritë e kursim-kreditit”, të nenit 10, pika 6 dhe të nenit 18, pika 2, të rregullores “Për rregullat dhe procedurat e funksionimit të mbledhjeve të Këshillit Drejtues të Agjencisë së Sigurimit të Depozitave”, si dhe të njoftimit të Bankës së Shqipërisë mbi dhënien e licencës shoqërisë së kursim-kreditit “Rrushkull One”, me anë të shkresës nr. 3541/1 prot., datë 30.7.2021 (ardhur në Agjenci më datë 4.8.2021), me propozim të drejtorit të përgjithshëm, Këshilli Drejtues

VENDOSI:

1. Anëtarësimin e shoqërisë së kursim-kreditit “Rrushkull One”, në skemën e sigurimit të depozitave, si dhe dhënien e certifikatës për sigurimin e depozitave, sipas formatit bashkëlidhur këtij vendimi.

2. Autorizohet drejtori i përgjithshëm për njoftimin e shoqërisë së kursim-kreditit “Rrushkull One” për anëtarësimin në skemën e sigurimit të depozitave dhe për dorëzimin e certifikatës për sigurimin e depozitave, si dhe të informojë Autoritetin Mbikëqyrës mbi këtë vendim.

3. Ky vendim botohet në Fletoren Zyrtare, shpallet në faqen zyrtare të internetit të Agjencisë, si dhe në një gazetë kombëtare.

4. Ngarkohen Sektori i Sigurimit dhe Kompensimit të Depozitave, Sektori i Marrëdhënieve me Publikun dhe Sektori i Administratës dhe Burimeve Njerëzore për zbatimin e këtij vendimi.

Ky vendim hyn në fuqi menjëherë.

SEKRETAR
Martin Blushi

KRYETAR
Donald Duraj

VENDIM
Nr. 152, datë 30.6.2021

MBI DISA NDRYSHIME NË VENDIMIN
E BORDIT TË ERE-s NR. 179, DATË
8.11.2017, “MBI CERTIFIKIMIN E
SHOQËRISË ‘OPERATORI I
KOMBINUAR I GAZIT NATYROR’
ALBGAS SHA”, TË NDRYSHUAR

Në mbështetje të nenit 16, të ligjit nr. 43/2015, “Për sektorin e energjisë elektrike”, të ndryshuar; të neneve 37, 50, 59, 68, dhe 80, të ligjit nr. 102/2015, “Për sektorin e gazit natyror”, të ndryshuar; të nenit 53, pika 3, të ligjit nr. 44/2015, “Kodi i Procedurave Administrative të Republikës së Shqipërisë”, si dhe të nenit 15, të “Rregullores për organizimin, funksionimin dhe procedurat e ERE-s”, miratuar me vendimin e Bordit të ERE-s nr. 96, datë 17.6.2016, Bordi i Entit Rregullator të Energjisë (ERE), në mbledhjen e tij të datës 30.6.2020, pasi shqyrtoi relacionin e përgatitur nga Drejtoria e Licencimit, Autorizimeve dhe Mbikëqyrjes nr. 96/2 prot., datë 23.6.2021, “Mbi disa ndryshime në vendimin e Bordit të ERE-s nr. 179, datë 8.11.2017, ‘Mbi certifikimin e shoqërisë ‘Operatori i Kombinuar i Gazit natyror’, ‘Albgaz’ sh.a.’, i ndryshuar”

konstatoi se:

- Mbështetur në kushtet e parashikuara në vendimin e Bordit të ERE-s nr. 179, datë 8.11.2017, të ndryshuar, rezulton se shoqëria “Albgaz” sh.a. duhet të plotësojë kushtet si më poshtë:

1. Bashkëpunimin ndërinstitucional për realizimin e ndryshimeve në kuadrin ligjor, neni 11 dhe neni 46, pika 10, të ligjit “Për sektorin e gazit



natyror”, të ndryshuar, dhe transferimin e kompetencave të Ministria e Financave dhe Ekonomisë. Për përmbushjen e këtij detyrimit, “Albgaz” sh.a. do t’i paraqesë ERE-s provat dokumentare që ndryshimet ligjore dhe nënligjore të nevojshme, që lidhen me transferimin e kompetencave të Ministrisë së Infrastrukturës dhe Energjisë tek aksionari i “Albgaz” sh.a., Ministria e Ekonomisë, kanë ndodhur dhe janë efektive.

2. Gjithashtu, në mënyrë periodike, shoqëria “Albgaz” sh.a. të paraqesë në ERE deklaratat e audituesve financiarë dhe pasqyrat financiare të saj çdo vit ushtrimor.

- Për kushtin që lidhet me bashkëpunimin ndërinstitucional për realizimin e ndryshimeve në kuadrin ligjor, neni 11 dhe 46, pika 10, të ligjit nr. 102/2015, “Për sektorin e gazit natyror”, të ndryshuar, dhe transferimin e kompetencave të Ministria e Financave dhe Ekonomisë, shoqëria “Albgaz” sh.a. i është drejtuar Ministrisë së Infrastrukturës dhe Energjisë me shkresat nr. 68 prot., datë 3.3.2020 dhe nr. 176/1 prot., datë 28.10.2020 (përcjellë edhe në ERE), me të cilat i ka bërë prezent formalisht qëndrimin e saj të argumentuar në përmbushje të kushtit të certifikimit. Për sa kohë Ministria e Infrastrukturës dhe Energjisë është duke vlerësuar kërkesat e sipërcituara, shoqëria “Albgaz” sh.a. i është drejtuar ERE-s me kërkesën për shtyrje të afatit të dërgimit të dokumentacionit të munguar deri më datë 20.12.2021.

Ky kusht mbetet ende pa u plotësuar dhe shoqëria “Albgaz” sh.a. të vazhdojë komunikimet me ministrinë.

- Për sa i përket kushtit që lidhet me paraqitjen në ERE çdo vit ushtrimor të informacionit mbi pavarësinë e audituesve financiarë, shoqëria “Albgaz” sh.a. sqaron se: “Në zbatim të dispozitave statutoire Asambleja e Përgjithshme e “Albgaz” sh.a., përfaqësuar nga Ministria e Infrastrukturës dhe Energjisë, ka në kompetencë përcaktimin e audituesit të pavarur financiar, për kryerjen e auditimit të pasqyrave financiare çdo vit ushtrimor. Duke qenë se shoqëria “Albgaz” sh.a. është aksionare në shoqërinë AGS, si zotëruese e 75% të kapitalit të saj, ka detyrimin ligjor të kryejë bilanc të konsoliduar. Në këto kushte, për sa kohë që AGS-ja është në proces auditimi dhe nuk ka mundur të dorëzojë formalisht pranë “Albgaz”

sh.a. bilancin e saj, kjo e fundit bën me dije se është në pritje të përfundimit të procesit të auditimit të shoqërisë AGS, në mënyrë që të ketë një dokument përfundimtar për ta paraqitur në ERE në kuadër të plotësimit të këtij kushti periodik.”.

Ky kusht mbetet ende pa plotësuar duke qenë se kushtëzohet nga sa më sipër.

- Në lidhje me shtyrjen e afateve procedurale nga organi publik, ligji nr. 44/2015, “Kodi i Procedurave Administrative i Republikës së Shqipërisë”, në nenin 53, pika 3, citon se: “Afati procedural i caktuar nga ligji ose aktet nënligjore mund të zgjatet vetëm nëse kjo parashikohet shprehimisht nga ligji ose akti nënligjor, ndërsa afati i caktuar nga organi publik mund të zgjatet me kërkesë të justifikuar të palës së interesuar, të paraqitur përpara mbarimit të afatit.”.

- Në konsideratë të sa më sipër, kërkesa e shoqërisë “Albgaz” sh.a., për shtyrje të afatit të depozitimit të dokumentacionit përkatës, është depozituar në zbatim të legjislacionit në fuqi, përpara përfundimit të afatit të vendosur në vendimin e Bordit të ERE-s nr. 261, datë 28.12.2020.

Për gjithë sa më sipër, Bordi i ERE-s

VENDOSI:

1. Të ndryshojë pikën 5.1 dhe pikën 5.2, të vendimit të Bordit të ERE-s nr. 179, datë 8.11.2017, si më poshtë:

“5.1 Shoqëria “Albgaz” sh.a. të paraqesë në ERE, çdo vit ushtrimor, informacion mbi pavarësinë e audituesve financiarë.

5.2 Shoqëria “Albgaz” sh.a. të marrë masa për të paraqitur në ERE, brenda datës 20.1.2022, provat dokumentare për bashkëpunimin ndërinstitucional për realizimin e ndryshimeve në kuadrin ligjor, neni 11 dhe neni 46, pika 10, të ligjit “Për sektorin e gazit natyror”, të ndryshuar, dhe transferimin e kompetencave të Ministria e Financave dhe Ekonomisë.”.

2. Drejtoria e Licencimit, Autorizimeve dhe Mbikëqyrjes të njoftojë aplikuesin për vendimin e Bordit të ERE-s.



Ky vendim hyn në fuqi menjëherë.

Për këtë vendim mund të kërkohej rishikim në ERE brenda 7 ditëve kalendarike, si dhe mund të bëhet ankim në Gjykatën Administrative Tiranë, brenda 45 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETAR
Petrit Ahmeti

VENDIM
Nr. 153, datë 30.6.2021

**MBI NJË NDRYSHIM NË VENDIMIN E
BORDIT TË ERE-s NR. 187, DATË
10.11.2017, “PËR LICENCIMIN E
SHOQËRISË ALBGAS SHA NË
AKTIVITETIN E SHPËRNDARJES SË
GAZIT NATYROR”, TË NDRYSHUAR,
DHE NË VENDIMIN E BORDIT TË
ERE-s NR. 188, DATË 10.11.2017, “PËR
LICENCIMIN E SHOQËRISË ALBGAS
SHA NË AKTIVITETIN E
TRANSMETIMIT TË GAZIT
NATYROR”, TË NDRYSHUAR**

Në mbështetje të nenit 16, të ligjit nr. 43/2015, “Për sektorin e energjisë elektrike”, të ndryshuar; të nenit 16, pika 12, dhe të neneve 46 dhe 56, të ligjit nr. 102/2015, “Për sektorin e gazit natyror”, të ndryshuar; të nenit 53, pika 3, të ligjit nr. 44/2015, “Kodi i Procedurave Administrative”; të nenit 9, pika 1, germa “d”, “vi”, germa “e”, “v”, të “Rregullores për procedurat dhe afatet për dhënien, modifikimin, transferimin, rinovimin dhe heqjen e licencave në sektorin e gazit natyror”, miratuar me vendim të Bordit të ERE-s nr. 97, datë 4.7.2017, si dhe të nenit 15, të “Rregullores për organizimin, funksionimin dhe procedurat e ERE-s”, miratuar me vendimin e Bordit të ERE-s nr. 96, datë 17.6.2016, Bordi i Entit Rregullator të Energjisë (ERE), në mbledhjen e tij të datës 30.6.2021, pasi shqyrtoi relacionin e përgatitur nga Drejtoria e Licencimit, Autorizimeve dhe Mbikëqyrjes nr. 96/1 prot., datë 23.6.2021, “Mbi një ndryshim në vendimin e Bordit të ERE-s nr. 187, datë 10.11.2017, ‘Për licencimin e shoqërisë ‘Albgaz’ sh.a. në aktivitetin e shpërndarjes së gazit natyror’, të ndryshuar, dhe në vendimin e Bordit të ERE-s

nr. 188, datë 10.11.2017, ‘Për licencimin e shoqërisë ‘Albgaz’ sh.a. në aktivitetin e transmetimit të gazit natyror’, të ndryshuar”

konstatoi se:

- Bordi i ERE-s, me vendimin nr. 262, datë 28.12.2020, vendosi:

“1. Të miratojë ndryshimin e pikës 1, të vendimit nr. 187, datë 10.11.2017, të ndryshuar, si më poshtë:

- Të licencojë shoqërinë “Albgaz” sh.a. në veprimtarinë e shpërndarjes së gazit natyror, për një afat 30-vjeçar, me kushtin që brenda datës 20.6.2021, në mbështetje të nenit 24, pika 2, të ligjit nr. 102/2015, “Për sektorin e gazit natyror”, të plotësojë të gjithë dokumentacionin e munguar...

2. Të miratojë ndryshimin e pikës 1, të vendimit nr. 188, datë 10.11.2017, të ndryshuar, si më poshtë:

- Të licencojë shoqërinë “Albgaz” sh.a. në veprimtarinë e transmetimit të gazit natyror, për një afat 30-vjeçar, me kushtin që brenda datës 20.6.2021, në mbështetje të nenit 24, pika 2, të ligjit nr. 102/2015, “Për sektorin e gazit natyror”, të plotësojë të gjithë dokumentacionin e munguar...”.

- Dokumentacioni i cili duhet të plotësohet nga shoqëria “Albgaz” sh.a. deri më datë 20.6.2021, bazuar në “Rregulloren për procedurat dhe afatet për dhënien, modifikimin, transferimin, rinovimin dhe heqjen e licencave në sektorin e gazit natyror”, miratuar me vendim të Bordit të ERE-s nr. 97, datë 4.7.2017, sipas vendimeve të Bordit të ERE-s nr. 187/2017 dhe nr. 188/2017, të ndryshuara, është si më poshtë:

- pajisja me lejet dhe autorizimet mjedisore (neni 9, pika 1, germa “d”, “v”);

- depozitimi në ERE i një certifikate sigurimi (neni 9, pika 1, germa “e”, “v”).

- Në ERE ka mbërritur shkresa e shoqërisë “Albgaz” sh.a. nr. 93 prot., datë 21.6.2021, protokolluar në ERE me nr. 764 prot., datë 24.6.2021, “Kthim përgjigje”, nëpërmjet së cilës shoqëria ka paraqitur kërkesën për shtyrje të afatit të dërgimit të dokumentacionit të munguar deri në datën 20.1.2022, duke u shprehur se ka realizuar “Raportin paraprak të vlerësimit të ndikimit në mjedis” dhe është pajisur me “Vendimin për VNM-në paraprake”, dokument i cili është i nevojshëm për aplikimin për leje mjedisore (ky dokument është përcjellë edhe bashkëlidhur kërkesës për shtyrje). Ky kusht konsiderohet



pjesërisht i plotësuar për shkak se shoqëria duhet të depozitojë në ERE lejen mjedisore respektive, e cila miratohet në vijim të vendimit për VNM-në paraprake.

- Në lidhje me shtyrjen e afateve procedurale nga organi publik, “Kodi i Procedurave Administrative i Republikës së Shqipërisë”, në nenin 53, pika 3, citon se: “Afati procedural i caktuar nga ligji ose aktet nënligjore mund të zgjatet vetëm nëse kjo parashikohet shprehimisht nga ligji ose akti nënligjor, ndërsa afati i caktuar nga organi publik mund të zgjatet me kërkesë të justifikuar të palës së interesuar, të paraqitur përpara mbarimit të afatit.”

- Në konsideratë të sa më sipër, kërkesa e shoqërisë “Albgaz” sh.a., për shtyrje të afatit të depozitimit të dokumentacionit përkatës, është depozituar në zbatim të legjislacionit në fuqi, përpara përfundimit të afatit të vendosur në vendimin e Bordit të ERE-s nr. 262, datë 28.12.2020, dhe duke marrë parasysh përpjekjet e shoqërisë “Albgaz” sh.a. për të plotësuar kushtet respektive, vlerësojmë se kërkesa duhet të pranohet dhe afati të shtyhet deri më datë 20.1.2022, për depozitimin në ERE të lejes mjedisore, ndërsa për depozitimin e certifikatës së sigurimit afati i depozitimit në ERE të shtyhet deri më datë 30.9.2021.

Për gjithë sa më sipër cituar, Bordi i ERE-s

VENDOSI:

1. Të miratojë ndryshimin e pikës 1, të vendimit të Bordit të ERE-s nr. 187, datë 10.11.2017, si më poshtë:

“- Të licencojë shoqërinë “Albgaz” sh.a. në veprimtarinë e shpërndarjes së gazit natyror, për një afat 30-vjeçar, me kushtin që:

a. brenda datës 20.1.2022, të depozitojë në ERE lejet dhe autorizimet mjedisore;

b. brenda datës 30.9.2021, të depozitojë në ERE certifikatën e sigurimit.”

2. Të miratojë ndryshimin e pikës 1, të vendimit të Bordit të ERE-s nr. 188, datë 10.11.2017, si më poshtë:

“- Të licencojë shoqërinë “Albgaz” sh.a. në veprimtarinë e transmetimit të gazit natyror, për një afat 30-vjeçar, me kushtin që:

a. brenda datës 20.1.2022, të depozitojë në ERE lejet dhe autorizimet mjedisore;

b. brenda datës 30.9.2021, të depozitojë në ERE certifikatën e sigurimit.”

3. Drejtoria e Licencimit, Autorizimeve dhe Mbikëqyrjes të njoftojë shoqërinë “Albgaz” sh.a. për vendimin e Bordit të ERE-s.

Ky vendim hyn në fuqi menjëherë.

Për këtë vendim mund të kërkohej rishikim në ERE brenda 7 ditëve kalendarike, si dhe mund të bëhet ankim në Gjykatën Administrative Tiranë, brenda 45 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETAR
Petrit Ahmeti

VENDIM

Nr. 154, datë 30.6.2021

MBI MODIFIKIMIN E LICENCËS NR. 436, SERIA TGN19, PËR AKTIVITETIN E TRANSMETIMIT TË GAZIT NATYROR, DHËNË TRANS ADRIATIC PIPELINE AG ALBANIA, ME VENDIMIN E BORDIT TË ERE-s NR. 15, DATË 31.1.2019

Në mbështetje të nenit 4, pika 50, nenit 23, pika 1, germa “a”, dhe nenit 35, të ligjit nr. 102/2015, “Për sektorin gazit natyror”, të ndryshuar; të nenit 16, të ligjit nr. 43/2015, “Për sektorin e energjisë elektrike”, të ndryshuar; të nenit 5, të nenit 9, pika 2, germa “a”, “x”, të nenit 9, pika 2, germa “a”, “xvii”, si dhe të nenit 13, të “Rregullores për procedurat dhe afatet për dhënien, modifikimin, transferimin, ose heqjen e licencave në sektorin e gazit natyror”, miratuar me vendimin e Bordit të ERE-s nr. 97, datë 4.7.2017; të nenit 15, të “Rregullores për organizimin, funksionimin dhe procedurat e ERE-s”, miratuar me vendimin e Bordit të ERE-s nr. 96, datë 17.6.2016, Bordi i Entit Rregullator të Energjisë (ERE), në mbledhjen e tij të datës 30.6.2021, pasi shqyrtoi relacionin me nr. 96/4 prot., datë 24.6.2021, të përgatitur nga Drejtoria e Licencimit, Autorizimeve dhe Mbikëqyrjes, si dhe Drejtoria e Gazit Natyror

konstatoi se:

- Bordi i ERE-s, me vendimin nr. 121, datë 11.5.2021, vendosi të fillojë procedurën për modifikimin e licencës nr. 436, seria TGN19, për



aktivitetin e transmetimit të gazit natyror, dhënë shoqërisë Trans Adriatic Pipeline AG (TAP AG) me vendimin e Bordit të ERE-s nr. 15, datë 31.1.2019, për ndryshimin e afateve të kohëzgjatjes së saj nga 25 vjet në 30 vjet.

- Në vijim të kësaj vendimmarrjeje, u krye njoftimi në median e shkruar dhe në përfundim të afatit, më datë 23.6.2021, të përcaktuar në nenin 10, pika 10, të “Rregullores për procedurat dhe afatet për dhënien, modifikimin, transferimin, ose heqjen e licencave në sektorin e gazit natyror”, miratuar me vendimin e Bordit të ERE-s nr. 97, datë 4.7.2017, nuk rezultoi të ketë vërejtje apo ankesa nga palët e treta, lidhur me aplikimin e bërë nga TAP AG.

- Me shkresën e protokolluar në ERE me nr. 596/2 prot., datë 14.6.2021, TAP AG ka plotësuar të gjithë dokumentacionin e munguar të konstatuar nga aplikimi i saj.

- TAP AG ka kryer për llogari të ERE-s pagesën përkatëse për modifikimin e licencës në veprimtarinë e transmetimit të gazit natyror, sipas përcaktimeve të aneksit A, të “Rregullores për procedurat dhe afatet për dhënien, modifikimin, transferimin, ose heqjen e licencave në sektorin e gazit natyror”, miratuar me vendimin e Bordit të ERE-s nr. 97, datë 4.7.2017.

- Referuar kërkesës së TAP AG për zgjatjen e afatit të vlefshmërisë së licencës së saj për aktivitetin e transmetimit të gazit natyror, vlen të theksohet se përjashtimi nga kërkesat e nenit 9, pika 2, germa “a”, “x”, si dhe nga kërkesat e nenit 9, pika 2, germa “a”, “xvii”, të “Rregullores për procedurat dhe afatet për dhënien, modifikimin, transferimin, ose heqjen e licencave në sektorin e gazit natyror”, miratuar me vendimin e Bordit të ERE-s nr. 97, datë 4.7.2017, do të jetë vetëm për 25 vjet, referuar dhe Opinioni të Përbashkët Përfundimtar (*Final Joint Opinion*) dhe përjashtimit të kushtëzuar të TAP AG prej kërkesave të neneve 9, 32 dhe 41 (6), (8) dhe (10) të direktivës 2009/73/EC, për projektin Trans Adriatic Pipeline, miratuar me vendimin nr. 64, datë 13.6.2013, të Bordit të ERE-s.

- Nga analiza e dokumentacionit në fazën përfundimtare të procedurës së modifikimit të licencës së TAP AG, për sa i përket kohëzgjatjes së saj, rezultoi se subjekti plotëson tërësisht kërkesat e “Rregullores për procedurat dhe afatet për dhënien, modifikimin, transferimin, ose heqjen e

licencave në sektorin e gazit natyror”, miratuar me vendimin e Bordit të ERE-s nr. 97, datë 4.7.2017, si më poshtë:

- Neni 13, pika 4:

a. tekstin e propozuar të ndryshimit specifik që është kërkuar, plotësuar;

b. informacion me shkrim që shpjegon arsyet e kërkesës për ndryshim të licencës, plotësuar;

c. vendimin e shoqërisë ose çdo dokument tjetër që vërteton kërkesën e të licencuarit për ndryshimin specifik të licencës, plotësuar.

Për gjithë sa më sipër, Bordi i ERE-s

VENDOSI:

1. Pika 1, e vendimit të Bordit të ERE-s nr. 15, datë 31.1.2019, “Mbi licencimin në aktivitetin e transmetimit të gazit natyror, të Trans Adriatic Pipeline AG Albania, e regjistruar pranë QKB-së, si degë e shoqërisë së huaj aksionare (sh.a.), Trans Adriatic Pipeline AG”, ndryshon si vijon:

Ishte:

1. Të licencojë në aktivitetin e transmetimit të gazit natyror Trans Adriatic Pipeline AG Albania, të regjistruar pranë QKB-së si degë e shoqërisë së huaj aksionare (sh.a.), Trans Adriatic Pipeline AG, për një afat 25-vjeçar, nga data e fillimit të operimit.

Bëhet:

1. Të licencojë në aktivitetin e transmetimit të gazit natyror, Trans Adriatic Pipeline AG Albania, të regjistruar pranë QKB-së si degë e shoqërisë së huaj aksionare (sh.a.), Trans Adriatic Pipeline AG, për një afat 30-vjeçar, nga data e fillimit të operimit.

2. Drejtoria e Licencimit, Autorizimeve dhe Mbikëqyrjes, si dhe Drejtoria e Gazit Natyror të njoftojnë palët e interesit për vendimin e Bordit të ERE-s.

Ky vendim hyn në fuqi menjëherë.

Për këtë vendim mund të kërkohet rishikim në ERE brenda 7 ditëve kalendarike, si dhe mund të bëhet ankim në Gjykatën Administrative Tiranë, brenda 45 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETAR
Petrit Ahmeti



VENDIM
Nr. 155, datë 30.6.2021

MBI SHQYRTIMIN E KËRKESËS SË
SHOQËRISË OST SHA PËR ZGJATJEN E
PERIUDHËS KOHORE, TË
PARASHIKUAR NË PIKËN 3, TË
VENDIMIT NR. 89, DATË 31.3.2021

Në mbështetje të neneve 16 dhe 20, të ligjit nr. 43/2015, “Për sektorin e energjisë elektrike”, të ndryshuar; si dhe të nenit 15, të “Rregullores për organizimin, funksionimin dhe procedurat e ERE-s”, miratuar me vendimin e Bordit të Entit Rregullator të Energjisë (ERE) nr. 96, datë 17.6.2016, Bordi i ERE-s, në mbledhjen e tij të datës 30.6.2021, pasi shqyrtoi relacionin me nr. 96/5 prot., datë 28.6.2021, të përgatitur nga drejtoritë teknike, mbi “Shqyrtimin e kërkesës së shoqërisë OST sh.a. për zgjatjen e periudhës kohore, të parashikuar në pikën 3, të vendimit nr. 89, datë 31.3.2021”,

konstatoi se:

- Bordi i ERE-s, me vendimin nr. 89, datë 31.3.2021, mori në shqyrtim propozimin e shoqërisë Operatori i Sistemit të Transmetimit (OST sh.a.) “Për rregullat e tregut shqiptar të balancimit të energjisë elektrike nga data 1 prill 2021”, duke vendosur:

“1. OST sh.a. të vijoje procesin e regjistrimit të pjesëmarrësve në tregun e balancimit me formularët e pandryshuar, sikurse është vepruar gjatë periudhës *dry run*. Rubrikat të cilat nuk mund të plotësohen, të lihen të paplotësuara duke argumentuar arsyet përse nuk mund të plotësohet një rubrikë rast pas rasti.

2. Mekanizmi i garancisë financiare që OST sh.a. do të aplikojë për pjesëmarrësit në tregun e balancimit të jetë ai i përcaktuar në “Rregullat e mekanizimit të përkohshëm të balancimit”, miratuar me vendimin e Bordit të ERE-s nr. 193, datë 24.11.2017.

3. Për periudhën deri në 30 qershor 2021, periudha kohore e proceseve ku përfshihen edhe nominimet dhe llogaritjet respektive të disbalancave, të kryhet me interval kohor prej 1 ore.

4. Shoqëria OST sh.a. të raportojë dhe të dokumentojë çdo muaj, në lidhje me ecurinë e

zbatimit të ‘Rregullave të tregut shqiptar të balancimit të energjisë elektrike’.”.

- Gjithashtu, përmes vendimit nr. 108, datë 22.4.202, Bordi i ERE-s vendosi miratimin e “Rregullave të përbashkëta të shlyerjes për shkëmbimin e energjisë”, në përputhje me nenet 50 (3) dhe 51 (1), të Komisionit Rregullator të Bashkimit Evropian 2017/2195.

- OST sh.a., nëpërmjet shkresës nr. 3712 prot., datë 10.6.2021, me lëndë: “Lidhur me zbatimin e vendimit nr. 89, datë 31.3.2021, Mbi propozimin e OST sh.a., në lidhje me zbatueshmërinë e rregullave shqiptare të tregut të balancimit, prej datës 1 prill 2021”, ka parashtruar se:

“- Në zbatim të vendimit nr. 89, datë 31.3.2021, Mbi propozimin e OST sh.a., në lidhje me zbatueshmërinë e rregullave shqiptare të tregut të balancimit prej datës 1 prill 2021, pika 3, OST-ja, që prej datës 1 prill 2021 e në vijim, për sa i përket periudhës kohore të proceseve ku përfshihen nominimet, llogaritjet respektive të disbalancave dhe proceset e tregut balancues, ka aplikuar intervalin kohor prej 1 ore.

- Për më tepër, edhe tregjet balancuese në rajon janë me rezolucion me bazë orare, dhe në zbatim të rregullave në fuqi OST-ja mund të shkëmbejë ose ndajë shërbime balancuese ndërkufitare me operatorët e sistemit të transmetimit të shteteve fqinje. Ndryshimi i rezolucionit në 15 minuta do të krijonte vështirësi në harmonizimin e proceseve dhe llogaritjeve përkatëse.

- Gjithashtu, aktualisht ne jemi duke operuar në përputhje me marrëveshjen FSKAR (si anëtarë të ENTSO-E), sipas së cilës kompensimi i devijimeve të paqëllimshme ndërkufitare ndërmjet palëve (TSO-ve) nuk është më në natyrë, por financiar. Llogaritjet dhe çmimi raportohen me rezolucion orar, në rastin e vendit tonë (çmimi i disbalancave), sepse konform rregullores për zbatimin e kësaj marrëveshje duhet të përdoret çmimi i bursës por në mungesë të këtij çmimi përdoret çmimi i disbalancës.

- Për gjithë sa me sipër, OST sh.a. kërkon zgjatjen e periudhës kohore, të parashikuar në pikën 3, të vendimit nr. 89, datë 31.3.2021, për proceset ku përfshihen si nominimet, llogaritjet respektive të disbalancave, si dhe proceset e tregut balancues të kryhen me interval prej 1 ore, për periudhën deri në 1 janar 2022.”.



- OST sh.a., përmes *email*-it të datës 26.4.2021, në vijim të komunikimit me shkresën sipërcituar, ka kërkuar zgjatjen e periudhës së parashikuar në pikën 3, të vendimit nr. 89/2021, me qëllim harmonizimin e proceseve të tregut balancues dhe me vendet e rajonit të cilat operojnë me rezolucion prej 1 ore, ku gjithashtu kjo kohë do ishte e nevojshme dhe për maturimin e tregut të balancimit edhe në kuadër të shkëmbimit të shërbimeve balancuese në interkonieksion. OST sh.a. bën me dije edhe se është duke punuar me kontraktorin e platformës DAMAS për të implementuar të gjitha proceset me rezolucion 15 minuta, duke qenë në harmoni realizimi i proceseve të brendshme të tregut me atë në interkonieksion. Në diskutimet me kontraktorin e DAMAS-it koha e nevojshme për ta përfunduar implementimin e plotë është vlerësuar të jetë deri në fund të dhjetorit 2021.

- Mekanizmi i ri, i cili prej datës 1 qershor 2021 është duke u aplikuar në gjithë vendet anëtarë të ENTSO-E, përfshirë dhe OST sh.a., parashikon shlyerjen e disbalancave/devijimeve në nivel interkonieksioni me pagesë.

- Operimi i tregut të balancimit të energjisë elektrike në vendin tonë, që nga 1 janari 2018 deri në 1 prill 2021, është realizuar nëpërmjet aplikimit të “Rregullave të përkohshme të mekanizmit balancues të energjisë elektrike”, të miratuara nga Bordi i ERE-s me vendimin nr. 193, datë 24.11.2017. Këto rregulla kanë realizuar procesin e nominimeve dhe llogaritjet respektive të disbalancave me interval kohor prej 1 ore.

- Gjatë aplikimit të “Rregullave të përkohshme të mekanizmit balancues të energjisë elektrike”, si dhe gjatë aplikimit të “Rregullave të tregut shqiptar të balancimit të energjisë elektrike”, të miratuara me vendimin e Bordit të ERE-s nr. 106, datë 2.7.2020, nuk është raportuar/konstatuar problematikë e cila lidhet me intervalin kohor prej 1 ore, me të cilin është realizuar procesi i nominimeve dhe llogaritjet respektive të disbalancave.

- Sikurse evidentuar në pikën 3, të vendimit nr. 89, datë 31.3.2021, të Bordit të ERE-s, deri në 30 qershor 2021 nominimet dhe llogaritjet respektive të disbalancave kryhen me interval kohor prej 1 ore.

- Lidhur me rezolucionin 15-minutësh, OST sh.a. bën me dije se aktualisht po punohet për *upgrade*-in e platformës, për realizimin e

nominimeve dhe llogaritjeve respektive me rezolucion 15-minutësh, dhe se sipas planifikimit nga kompania ofruese e këtij shërbimi platforma do të mund të kryejë proceset me këtë rezolucion jo më parë se muaji gusht 2021. Për këtë arsye, sa i përket periudhës pas datës 1 prill 2021, OST sh.a. propozon që deri në përfundimin e përditësimit (*upgrade*) të platformës për proceset e tregut balancues, të vijoje të përdoret rezolucion 1-orarësh.

Për gjithë sa më sipër, Bordi i ERE-s

VENDOSI:

1. Pranimin e kërkesës së shoqërisë OST sh.a., për zgjatjen e periudhës kohore të parashikuar në pikën 3, të vendimit të Bordit të ERE-s nr. 89, datë 31.3.2021.

2. Deri në 31 dhjetor 2021, periudha kohore e proceseve ku përfshihen edhe nominimet dhe llogaritjet respektive të disbalancave të kryhet me interval kohor prej 1 ore.

3. OST sh.a. të raportojë në ERE çdo 2 (dy) muaj, lidhur me ecurinë e procesit të përshtatjes së platformës IT, si dhe të nominimeve dhe llogaritjeve të disbalancave me interval kohor prej 1 ore.

4. Drejtoria Juridike dhe e Zgjidhjes së Mosmarrëveshjeve të njoftojë shoqërinë OST sh.a. mbi vendimin e Bordit të ERE-s.

Ky vendim hyn në fuqi menjëherë.

Për këtë vendim mund të kërkohet rishikim brenda 7 ditëve kalendarike, si dhe mund të bëhet ankimi në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

KRYETAR
Petrit Ahmeti



VENDIM

Nr. 156, datë 30.6.2021

**MBI SHQYRTIMIN E KËRKESËS SË FTL
SHA PËR SHTYRJEN E HYRJES NË
FUQI TË VENDIMIT TË BORDIT TË
ERE-s NR. 202, DATË 2.12.2020, PËR
MIRATIMIN E “RREGULLORES PËR
PROCEDURAT E SHITJES SË
TEPRICAVE TË ENERGJISË
ELEKTRIKE NË TREGUN E
PARREGULLUAR PËR SHOQËRINË
PUBLIKE TË FURNIZIMIT”**

Në mbështetje të neneve 16 dhe 19, të ligjit nr. 43/2015, “Për sektorin e energjisë elektrike”, të ndryshuar; të nenit 104, pika 3, të ligjit nr. 44/2015, “Kodi i Procedurave Administrative i Republikës së Shqipërisë”; të nenit 11, pikat 2 dhe 3, të vendimit të Këshillit të Ministrave (VKM) nr. 244, datë 30.3.2016, “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”, të ndryshuar, dhe të nenit 15, të “Rregullores për organizimin, funksionimin dhe procedurat e ERE-s”, miratuar me vendimin e Bordit të Entit Rregullator të Energjisë (ERE) nr. 96, datë 17.6.2016; Bordi i ERE-s, në mbledhjen e tij të datës 30.6.2021, mbasi shqyrtoi relacionin nr. 96/6 prot., datë 28.6.2021, të Drejtorive Teknike, konstatoi se:

- Bordi i ERE-s, me vendimin nr. 202, datë 2.12.2020, vendosi miratimin e “Rregullores për procedurat e shitjes së tepricave të energjisë elektrike në tregun e parregulluar për shoqërinë publike të furnizimit”.

- Në vijim, Bordi i ERE-s, përmes vendimeve nr. 37, datë 11.2.2021 dhe nr. 101, datë 16.4.2021, ka vendosur shtyrjen e hyrjes në fuqi të vendimit nr. 202, datë 2.12.2020, sipërcituar.

- Shoqëria Furnizuesi i Tregut të Lirë (FTL sh.a.), nëpërmjet shkresës nr. 320/7 prot., datë 28.5.2021, me lëndë: “Vijim komunikimi mbi hyrjen në fuqi të Rregullores për procedurat e shitjes së tepricave të energjisë elektrike në tregun e parregulluar”, ka kërkuar mirëkuptimin e ERE-s për shtyrjen e hyrjes në fuqi të kësaj rregulloreje

deri në implementimin e platformës IT *online* të shitjes së energjisë elektrike.

- Nisur nga fakti që kërkesa e FTL sh.a. nuk përcaktonte një afat të saktë për periudhën në të cilën kërkohej shtyrja e hyrjes në fuqi të vendimit të Bordit të ERE-s nr. 202, datë 2.12.2020, ERE, nëpërmjet shkresës nr. 104/9 prot., datë 10.6.2021, kërkoj nga FTL sh.a. të bënte saktësimet përkatëse.

- Në përgjigje të sa kërkuar nga ana e ERE-s, FTL sh.a., përmes shkresës nr. 1829/1 prot., datë 21.6.2021, ka bërë me dije se: “Për sa i përket ndryshimeve/zhvillimeve në platformën IT *online* të shitjes së energjisë elektrike, aktualisht procedura e prokurimit publik është në fazën e vlerësimit të ofertave të operatorëve ekonomikë pjesëmarrës. Implementimi i platformës IT *online* të shitjes së energjisë elektrike, do të realizohet në një afat 65 (gjashtëdhjetë e pesë) ditë nga data e lidhjes së kontratës së shërbimit me operatorin ekonomik fitues të kësaj procedure prokurimi.”.

- Si dhe bërë me dije përmes shkresave të përcjella në ERE nga ana e FTL sh.a., nr. 320/7 prot., datë 28.5.2021 dhe nr. 1829/1 prot., datë 21.6.2021, si dhe nga informacioni mbi monitorimin e realizuar në shoqërinë FTL sh.a. nr. 96/3 prot., datë 24.4.2021, rezulton se shoqëria FTL sh.a. ka bërë me dije se, për shkak të mospërmbylljes së detyrimeve kontraktore nga ofruesi i shërbimit, kontrata për realizimin e platformës IT, me qëllim shitjen e tepricave të energjisë elektrike të prodhuesve me përparësi nga FTL sh.a., është ndërprerë më datë 20.4.2021. Ndërkohë, shoqëria FTL sh.a. ka marrë masat respektive në zbatim të legjislacionit për prokurimin publik.

- FTL sh.a. ka vijuar të ndërmarrë hapa për procesin e realizimit të ndryshimit/zhvillimit të nevojshëm në platformën IT *online* të blerjes së energjisë, me qëllim përdorimin e saj edhe për procedurat e shitjes së tepricave të energjisë elektrike nga prodhuesit me përparësi.

- ERE vlerëson se shtyrja e datës së hyrjes në fuqi të “Rregullores për procedurat e shitjes së tepricave të energjisë elektrike në tregun e parregulluar për shoqërinë publike të furnizimit”, deri më 15 shtator 2021, do të krijojë mundësinë që shoqëria FTL sh.a. të realizojë punimet përkatëse dhe të kryejë të gjitha ndryshimet e nevojshme në platformën IT *online* të blerjes së energjisë elektrike, me qëllim përdorimin e kësaj platforme edhe në



procedurat e shitjes së tepricave të energjisë elektrike në tregun e parregulluar. Tepricat e energjisë elektrike, të cilat do të tregtohen nga FTL sh.a., janë të përcaktuara në VKM-në nr. 244, datë 30.3.2016, të ndryshuar.

Për gjithë sa më sipër, Bordi i ERE-s

VENDOSI:

1. Pranimin e kërkesës për shtyrjen e datës së hyrjes në fuqi të “Rregullores për procedurat e shitjes së tepricave të energjisë elektrike në tregun e parregulluar për shoqërinë publike të furnizimit”, miratuar me vendimin e Bordit të ERE-s nr. 202, datë 2.12.2020.

2. Afati i hyrjes në fuqi të “Rregullores për procedurat e shitjes së tepricave të energjisë elektrike në tregun e parregulluar për shoqërinë publike të furnizimit”, miratuar me vendimin e Bordit të ERE-s nr. 202, datë 2.12.2020, shtyhet deri më 15 shtator 2021.

3. Për periudhën tranzitore, të përcaktuar në pikën 2, të këtij vendimi, FTL sh.a., për qëllim të procedurës së shitjes së tepricave të energjisë elektrike, të përdorë “Rregullat e përgjithshme të organizimit të aktivitetit tregtar nga Korporata Elektroenergjetike Shqiptare sh.a.”, të miratuar me vendimin nr. 5233/1, datë 12.6.2019, të Asamblesë së Përgjithshme të Aksionarit.

4. FTL sh.a. të raportojë në ERE, çdo 30 ditë, për ecurinë e implementimit dhe përshtatjen e platformës IT.

5. FTL sh.a. të përgatisë strategjinë/metodologjinë për mënyrën e realizimit të shitjes së tepricave të prodhuara nga prodhuesit me përparësi të energjisë elektrike, siç përcaktuar në nenin 13, pika 1, të “Rregullores për procedurat e shitjes së tepricave të energjisë elektrike në tregun e parregulluar për shoqërinë publike të furnizimit në tregun e lirë, FTL sh.a.”, miratuar me vendimin e Bordit të ERE-s nr. 202, datë 2.12.2020, deri më 15 shtator 2021.

6. Drejtoria Juridike dhe e Zgjidhjes së Mosmarrëveshjeve të njoftojë shoqërinë FTL sh.a. dhe palët e interesit, të përfshira në dhënien e opinionëve për draftin e “Rregullores për procedurat e shitjes së tepricave të energjisë elektrike në tregun e parregulluar për shoqërinë publike të furnizimit”, “Shoqata Shqiptare e

Furnizuesve të Energjisë Elektrike (AAES)”, për vendimin e Bordit të ERE-s.

Ky vendim hyn në fuqi pas botimit në Fletoren Zyrtare.

Për këtë vendim mund të kërkohej rishikim në ERE brenda 7 ditëve kalendarike, si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare

Ky vendim botohet në Fletoren Zyrtare.

KRYETAR
Petrit Ahmeti

VENDIM

Nr. 157, datë 30.6.2021

MBI RISHIKIMIN E PROGRAMIT TË TRANSPARENCËS DHE REGJISTRIT TË KËRKESAVE DHE PËRGJIGJEVE TË ERE-s

Në mbështetje të nenit 10, pika 1 dhe të nenit 16, të ligjit nr. 43/2015, “Për sektorin e energjisë elektrike”, të ndryshuar; të neneve 2, pika 1, germa “a”, 4, 5, 6, 7 dhe 8, të ligjit nr. 119/2014, “Për të drejtën e informimit”; të nenit 15, të “Rregullores për organizimin, funksionimin dhe procedurat e ERE-s”, miratuar me vendimin e Bordit të Entit Rregullator të Energjisë (ERE) nr. 96, datë 17.6.2016; të urdhrit nr. 187, datë 18.12.2020, “Për miratimin e programit të transparencës, të rishikuar”, të Komisionerit për të Drejtën e Informimit dhe Mbrojtjen e të Dhënave Personale (KDIMDP), si dhe të urdhrit nr. 188, datë 18.12.2020, “Për miratimin e regjistrit të kërkesave dhe përgjigjeve, të rishikuar”, të KDIMDP-së, Bordi i ERE-s, në mbledhjen e datës 30.6.2021, mbasi shqyrtoi relacionin nr. 96/7 prot., datë 28.6.2021, të përgatitur nga Drejtoria e Teknike, “Mbi rishikimin e programit të transparencës dhe regjistrit të kërkesave dhe përgjigjeve të ERE-s”,

konstatoi se:

- ERE, në kuptim të nenit 10, pika 1, të ligjit nr. 43/2015, “Për sektorin e energjisë elektrike”, të ndryshuar, dhe të neneve 2, pika 1, germa “a”, 4, 5, 6, 7 dhe 8, të ligjit nr. 119/2014, “Për të drejtën e informimit”, është Autoritet Publik, i cili, në kuptim të parashikimeve të këtij ligji, ka detyrimin e vënies në zbatim të një programi institucional



transparence dhe regjistrin të kërkesave dhe përgjigjeve, si dhe rishikimin e tyre rast pas rasti.

- Bordi i ERE-s, me vendimin nr. 69, datë 11.5.2015, ka vendosur miratimin dhe zbatimin e programeve të transparencës së ERE-s, parashikuar në nenin 4, të ligjit nr. 119/2014, “Për të drejtën e informimit”.

- Në vijimi, Bordi i ERE-s, me vendimin nr. 112, datë 27.7.2017, vendosi rishikimin e programit të transparencës së ERE-s.

- Në zbatim të urdhrin nr. 187, datë 18.12.2020, “Për miratimin e programit të transparencës, të rishikuar”, të KDIMDP-së, si dhe të urdhrin nr. 188, datë 18.12.2020, “Për miratimin e regjistrin të kërkesave dhe përgjigjeve, të rishikuar” të KDIMDP-së, Programi i Transparencës dhe Regjistri i Kërkesave dhe Përgjigjeve të ERE-s iu nënshtruan rishikimit sa përcaktuar në këto dy urdhra.

Për gjithë sa më sipër, Bordi i ERE-s

VENDOSI:

1. Rishikimin e Programit të Transparencës dhe Regjistrin të Kërkesave dhe Përgjigjeve të ERE-s (bashkëlidhur).

2. Ngarkohet Koordinatorin për të Drejtën e Informimit të ERE-s për implementimin e Programit të Transparencës dhe Regjistrin të Kërkesave dhe Përgjigjeve, sipas këtij vendimi dhe lidhjeve bashkëngjitur.

Ky vendim hyn në fuqi menjëherë.

Ky vendim botohet në Fletoren Zyrtare.

KRYETAR
Petrit Ahmeti

PROGRAMI I TRANSPARENCËS SË ERE-S




Figura nr.1 Programi i Transparencës




Figura nr. 2 Rreth Autoritetit




Figura nr.3 Kuadri ligjor rregullator/Tekstet e plota




Figura nr. 4 E drejta për t'u Informuar dhe për t'u ankuar




Figura 5 Mekanizmat kontrollues dhe monitorues që veprojnë në ERE




Figura nr. 6 Informacion mbi buxhetin dhe të dhënat financiare të ERE




Figura nr. 7 Informacion për procedurat e prokurimit/procedurat konkurruese të koncesionit/partneritetit publik privat




Figura nr. 8 Shërbimet që ofrohen nga ERE




Figura nr. 9 Procedurat/mekanizmat për të dhënë mendime lidhur me procesin e hartimit të akteve ligjore/nënligjore, politikave publike apo në lidhje me ushtrimin e funksioneve të ERE




Figura nr. 10 Sistemi i mbajtjes së dokumentacionit, llojet dhe format e dokumenteve




Figura nr. 11 Regjistri i kërkesave dhe përgjigjeve




Figura nr. 12 Ndihma Shoqërore/subvencione të dhëna nga ERE




Figura nr. 13 Informacione/dokumente që kërkohen më shpesh dhe ato që gjykohen të dobishme për publikim nga ERE



REGJISTRI I KËRKESAVE DHE PËRGJIGJEVE

Nr. rendor	Data e kërkesës	Objekti i kërkesës	Data e përgjigjes	Përgjigje	Mënyra e përfundimit të kërkesës	Tarifa

*Shënim: Ky dokument është gjeneruar dhe vulosur me anë
të një procedure automatike nga një sistem elektronik
(Qendra e Botimeve Zyrtare)*

	Formati 61x86/8
--	-----------------

Shtypshkronja e Qendrës së Botimeve Zyrtare
Tiranë, 2021

Adresa: Rr. "Nikolla Jorga", Tiranë
Tel./fax: +355 4 24 27 004 Tel.: +355 4 24 27 006

Çmimi 352 lekë